



Jämî àtchilik kângâshi râisi:
Abdulla T RIPÎ V

Jämî àtchilik kângâshi:
Gulruh A'ZAMOVA
Saidvafo BOBOYEV
Abulqî sim MÂMÂRÂSULÎ V
Ahmâd T TABÎ YÂV
Minhojiddin MIRZO
Shuhrat SIROJIDDINOV
Shunqor Xudoyberdiev
Ahmâd USMÎ NÎ V

Bî sh muhârrir:
Sîbir O'nâr

Bî sh muhârrir o'rînbosari:
Luqmî n BO'RIÖT N

Mâs'ul kî tib:
Akbarâli MÂMÂST LIYÂV

Tâhirir hây'âti:
Bobur ALIMOV
Iqbol MIRZO
Abduqayum YO'L DOSHEV
Âbdusâid KO'CHIMÎ V
Sirî jiddin SÂYYID
Rustam MUSURMON
O'rozboy ABDURAHMONOV
G'âffî r HÎ TÂMÎ V

Sahifalovchi: Saodat RUSTAMOVA

Ushbu sî n "Yoshlik" jurnâli tâhri-yatiñing kî mpyutâr märkâzidâ sâhi-fâlândi.

Mânzilimiz:
Tî shkânt. sh.
O'zbekiston shohko'chasi,
16-«a» uy.
E-mail: yoshlik-xatlar@rambler.ru

Tâlâfi n: +99837 245-57-93



© "Yoshlik" 1 2 (231) 2010 y.

O'zbekiston Yozuvchilar uyushmasi, «Kamolot» yoshlari ijtimoiy harakati muassisligidagi yoshlârnning âdâbiy-ijtimî iy jurnâli.

1982 yildan chiqâ bî shlägân.

MUNDARIJA

ADIB XONODONIDA

Usmon AZIM. «Adabiyot fidokor insonlar qalbining yolqinidir»..... 2

NASR

Fozil TILOVAT. Qora quzg'un. Qissa 6
G'ulom KARIMIY. Erinier qilganayol. Hikoya 44

NASR

Orif TO'XTASH. Orzular oldinda turibdi hali 14
O'tkir MUHAMMAD. Naqadar muqaddas Vatan ishlari 26
Mahmud RAJAB. Bugun taqdirso'rovga tutdi 47

BIRINCHI UCHRASHUV

Bobur NABI. Surur. Hikoya 27
Nigora TOG'AYEVA. Suyanchim o'zingsan, quvonchim o'zing 32

MUTOLAA

Shodmon OTABEK. Uslubning go'zal qirralari 29

SAN'AT

Hotam FAYZIYEV. «Toshkent – non shahri» 33

XOTIRA

G'ayrat MAJID. Umr oralig'i – qoshdan ko'zgacha 40

JAHON ADABIYOTI


Hozirgi zamon lotin Amerikasishe'riyati 42

YELPUG'ICH

O'ktam MIRZAYORIY. Hiyla 48

Bî sishgâ 26. 02. 2010 yildâ ruxsat bârildi.

Qî g'î fî rmâti 60684 1/8. Nâshriyot hisî b tî bî g'i 6,0.
Indâks 822 ISSN 0207-9137. Jurnal 2007 yil 4 mayda Matbuot va Axborot agentligi tomonidan 0253 raqami bilan ro'yxatga olingan. Jurnâldan ko'chirib bî silgândâ «Yoshlik»dân i lindi» dâb izî hlâniши shârt. «O'zbekiston» NMU bî smâoñ nâsidâ chî p etildi. Buyurtmâ 1 10-619 Manzil: Tî shkânt shahri, Navoiy ko'chasi, 30-uy.



...«Боланинг бирор-бир нарсага қизиқиши қонида бўлади. Эсимни билибманки, китоб атрофида ўралашганман. Уйимизда кечалари (айниқса, узун қиш тунлари) эртак айтиб бериш, жамоа бўлиб китоб ўқиш расм бўлган. Бу нарса менга шу қадар ёқиб қолганки, эртак айтиб беришларини ортиқча инжиқилик билан талаб қилганларим эсимда. Мактабга ҳам эрта боргандман. Саводим жуда тез чиқсан. Ёзиши ўзлаштириб улгурмасданоқ, босма ҳарфларни ўрганиб олиб, китоб ўқишга тушиб кетганман. Ўша пайт чол этила бошлаган ҳалқ достонларини, катталарга тақлид қилиб, қироат билан ўқишга тутинганман. Бобом менга деярли ҳар кун достон ўқитар эди. У киши китобни очиб, кечакелиб тўхтаган жойимизни албатта бармоқпари билан кўрсатар, мен эса ўша жойдан ўқиши давом эттирас эдим.

Ўша пайтларда болаларнинг китобга яқинлашуви анча мушкул эди. Одамларнинг яшаш шароити жуда оғир: турмуш ташвишларининг бир қисми болаларнинг ҳали қотиб улгурмаган елкасида – кундузи кўпинча китоб-

«АДАБИЁТ ФИДОКОР ИНСОНЛАР ҚАЛБИНИНГ ЁЛҚИНИДИР»



га вақт етмас, кечаси эса биргина чироқ дарс тайёрлайман деганларнинг ўртасида талаш...

Болалагимда ёзувчию шоирларни аллақандай сирли, ўзгача оламдаги одамлардай тасаввур этганман. Шу сабабданми, илк бор ўз исимимни газетада кўрганимда аллатовур ҳаяжонга кўмилиб юрганларим эсимда...


...Ижодкор ўз йўлида билимдон ва хайриҳоҳ одамларни учратиши бу Оллоҳнинг ишоратидир. Истеъоддли одам билан сұхбатдош бўлмоқ ёш ижодкорни бекиёс ўстирадиган улуғ манба. Истеъоддларнинг бир-бири билан топишуви, баҳсу тортушувлар, дўстлик ва ҳатто очиқяширин рақобат – маълум бир даврда ижодни мукаммаллик сари етаклайдиган йўлдир. Шунинг учун адабиётда тез-тез ижодий давралар пайдо бўлиб туради ва бу давраларнинг савияси ажиб бир тарзда турфа кўриниш олади. Яъни истеъоддларининг даражаси бир-бирига яқин одамлар ҳаётда ҳам қандайдир бир тарзда сараланиб, ижодий давралар ташкил этадилар. Ижодкор учун бу ҳам бир босқич. Мен ижодкорга ўқимишли ва истеъоддли давра ҳам улкан устозлик ролини бажаради демоқчиман...

...Йигирматача китобим чол этилган. “Юрак” ва “Фонус” деган шеърий китобларим шу кунларда нашр этилди. Биласиз, шеърий китобларнинг адади катта бўлмайди. Китобларимнинг жами адади икки юз минг атрофида бўлса кераг-ов...

Ижодкорнинг кўнгли ёзганларидан ҳеч қачон тўлмайди. Аммо ёлғон камтарларикни йиғишириб айтсам, ижода нимагадир эришганимни ҳам англайман...

...Янгангиз Раънохон, хабардорсиз, бадиий таржи-ма билан шуғулланади. Россия Ташқи ишлар вазирлигининг “Золотое перо” мукофоти билан тақдирланган. Жуда меҳнаткаш аёл.





Болаларим адабиётга яқин – чин маънода ўқимишли одамлар. Каттам Улуғбекнинг кўлидан ёзув-чизув келади. Аммо бу ишга жиддий қарагани йўқ. Кичкинам Шодия ҳам укувлигина, лекин ҳозиргача аллақандай хом режалар гирдобида – насиб бўлса, бирор қарорга келар. Болала-римдан ёзишга журъат этгани Назокат – Назокат Азим та-халлуси билан эндиғина адабиёт аҳлига танилиб келяпти. „Қахвахўр қизлар” деган китоб ҳам нашр эттириди. Айт-гандай, унинг илк ҳикояси „Ёшлик”да – сизларнинг жур-напларингизда чоп этилган. Ҳозир бир ижодий ташкилот билан ҳамкорлиқда катта бир лойиха устида ишлапти.

Олтита неварам бор: Шоҳруҳмирзо, Темурмалик, Ис-моилбек, Муҳаммадбобир, Сарвар, Комрон...

...Ўзбек ҳақининг шаклланишида, унинг ўзини анг-лаш жараёнида Адабиёт етакчи рол ўйнади. У ҳамиша халқнинг онгини уйғотишга, унинг зўравонлар учиреб юборишини маъкул биладиган тарихий хотирасини мустаҳкамлашга ҳаракат қилди; Одамларнинг тақдирини тасвирлаш асносида, бугуннинг суратини чизди; эрта-нинг орзумандалигида яшади ва бу орзуларни элнинг эрларига юқтириди. У халқнинг руҳи ва онгига айланди. Гўзалликнинг, мутаносибликнинг манбаси сифатида одамларнинг дидини – жамиятнинг дидини юксалтириди. Мен чинакам Адабиёт ҳақида гапиряпман. Адабиётнинг қай даражада тириклиги – Халқ тириклиги даражасини ўлчаб берадиган мезондир.

...Адабиёт – адабий қаллоблар ўйлаганидай, шах-сий маанфаатлар дўкони эмас, балки халқи тақдирини ўйладиган фидокор инсонлар қалбининг ёлқинидир.

Иллатларнинг эса иккитасини санаб ўтаман. Бири, юкорида ёзганим, адабий қаллоблик – ўзини буюк адаб қилиб кўрсата билиш санъати. Бу – истеъоддисизликнинг энг хавфли кўринишидир.

Хушомадгўйлик ҳам адабий анъана сифатида шакл-ланиб бормоқда. Бу – жуда уят адабий ҳодиса. Комму-нистик ва феодал ўтмишдан қолган бундай ялтоқилиқдан Адабиётимиз жирканмоғи лозим деб ўйлайман. Чун-ки Адабиётнинг турори бўлган халқина ор-номусли бўлади.



...Мен оқимларни жуда ёмон кўраман. Айниқса, улар сунъий равишда ташкил қилинса. Аммо ўзини “модерн-чиман” деб юрганларни ҳам тушунаман: тепада ёзиз ўтганим нусхаларнинг сафида бўлмоқдан улар ор-номус қилган бўлсалар ажабмас. Кейин эса бу туйғуга озги-на олифтачилик арапаштириб, “модернізм” деб атаб қўя қолган бўлсалар керак. Мен аввал ҳам айтганман, бунақа шеърий машқлар жаҳон адабиётининг чўнтагидан аллақачонлар тушиб қолган. Улар ҳозир постмодерниз-дан ҳам кечмоқчи бўлиб туришибди. Биздаги жуда ҳам модерн қиёфада кўрингиси келиб турганларнинг ёзиши адабиётнинг ривожи туфайли табиий ўсиб чиқадиган бир ҳолдир. Истеъдод эса ҳамиша саноқли бўлади, бир туда бўлмайди. Бизнинг модернчиларларнинг сафида бир-икки шоир бор, қолгандари ҳали шеър ёзишни ўрганиши лозим бўлган ҳаваскорлар. Хуллас, “модернізм” сўзи менда “соцреализм” тушунчасидай ёқимсиз таассурот қолдиради. Менимча, адабиётда икки тоифа ижодкорлар бор: истеъоддилар ва истеъоддисизлар. Тамом...

...Янги йил режалари...

«Ёзаверайлик, қолгани бир гап бўлар», деган эски иш режам бўйича бошлаб юбордим».

ШОИР ҲАҚИДА

Усмон Азим 1950 йилнинг августида Сурхондарё вилояти Бойсун туманининг Газа қишлоғида туғилган. 1972 йилда ҳозирги ЎзМУ жуналистика факультетини тутатган.

1979 йилда илк шеърий китobi – “Инсонни тушуниш” чоп этилган. Шундан сўнг “Холат” (1979), “Оқибат” (1980), “Кўзгу” (1983) “Сурат парчалари” (1985), “Дарс” (1985), “Иккинчи апрел” (1987), “Бахшиёна” (1989), “Ғаройиб аждарҳо” (1990), “Ўйғониш азоби” (1991), “Ғусса” (1994), “Узун тун” (1994), “Бор эканда, йўқ экан” (1995), “Сайланма” (1995), “Куз” (2001), “Соғинч” (2007), “Юрак” (2009), “Фонус” шеърий китоблари ва “Жоду” (2003) насрый тўплами босилди.

Таржимон. Элюар, Доғларжа, Вознесенский, Вациентис, Марцинкевичус ижодидан ўзбек тилига ўгирган.

Носир. Қатор ҳикоялари, эсселари, “Алпомиш” кинодостони, “Алишер Навоий” киноқиссалари эълон қилинган.

“Севги” (1998), “Алпомиш” (2000), “Йўқолган одам” (2008), “Гўзаллик сири” (2006) бадиий фильмлари сценарийсига муаллифлик қилган.

“Бир қадам йўл” (2002), “Кундузсиз кечалар” (1998), “Қадим замон ҳангомалари” (2003), “Адабнинг умри” (2005), “Алпомишнинг қайтиши” (2000), “Бахт қуши” (2006), “Синфдош ёхуд куёвликка номзод” (2008), “Бор эканда, йўқ экан” (2008) каби драмалари саҳналаштирилган. Шунингдек, “Халил Султон”, “Жазава”, “Бозор”, “Абдулла Қаҳҳор”, “Тоҳир ва Зухра” каби драматик асарлари ҳам бор.

Ўзбекистон халқ шоири.



Усмон АЗИМ

Ê åëäèë, Í àâáàμîð! Ê åëäèë!

ДЕДАЛ ВА ИКАР

—Юрагим қўймади, уч деб қўймади,
Фалакка интилдим, аммо бу ҳаёт
Ерга қўмавериб тани, тўймади...
Барибир мен қанот ясадим, қанот!..

Болам! Сен не учун мени қийнайсан,
Сенинг ҳам жонингдан ўтдими турмуш?
Учиши ҳам азобдир, ахир... Билмайсан!
Учиши – қисмат оша – бетин зўриқши.

Кара! Менга қара! Аҳволимга бок!
Аммо сен сўзлайсан қандайдир тушидан!
Учганнинг ҳамиша қисмати чатоқ,
Ерни–ку гапирма, фалак ҳам дуиман.

Гарчи падарингман! Қилмагин тақлид,
Сенга қуриганми жайдари тақдир –
Масалан, эрмакка уришитиргин им,
Ёхуд майхонада уюштири тадбир.

Йўлингдан қайтмайсан! Турибман сезиб!
Мана, бир жуфт қанот! Сенга ҳам! Олгин!
Икар!
Болагинам!
Учганинг кези
Ўзни қуёшгамас – шамолга солгин!

Беҳуда юксаклик эса толдирап!
Паст уч! Денгиз узра парвоз ҳам кўркам...
Тўхта! Қуёш сори борма! Ёндирап!
Тўхта! Қанотларинг куяди, болам!..

—Ота! Олов ўтди суягу этдан,
Азобдир жиссими қуёш ютиши...
Фақат қандай гўзал – фалакка етган
Парвонинг кул бўлиб, ерга тушиши.



—Ҳеч кимни ајмас ривож ҳудуди!
Бизни ямладими? Йўқдир эътироҳ:
Кўйиб тушаётган, болам, вужудинг,
Кўкда қолган эса лаънати парвоз!

24. 10. 2006.

* * *

Жуда хотиржамман бу куз кунлари,
Сокин гуссаларга юрак йўлиқкан.
“Оҳ”ларсиз дардларга етган мунгларим –
Жуда тўлиқканман, жуда тўлиқкан.

Хазонли суҳбатда кетмайман ёниб:
Шуқр, Тангри кузни уч ойга чўзди...
Менга ҳам, кузга ҳам оқибат аниқ:
Фақат англамоққа баҳи этдик ўзни.

Намиқкан боғлардан тумандай кўчиб,
Бевазн борамиз – умр руҳга жам:
Сўнгбарглар тушади бандидан учиб,
Аммо хотиржаммиз, жуда хотиржам!


Мана, устимизга жим-жит қўнди қии,
Бесаноқ кумушранг вужуди билан...
Яхши иш бошлиди, жуда яхши иш –
Баҳорни яратмоқ бошланди биздан!

Фалакка интилмай, бедор тоқатда,
Ерга қоришмоқдан топиб чин маъни –
Чўкиб бораятмиз фақат тупроққа,
Илдизга, илдизга этиб боргани...

17.11. 2009

* * *

Чақалоқ заминни кечага ўраб,
Беланчак шамолда тебратади куз.
Тўзгин хазонрезнинг қўнглини сўраб,
Чекиз кузакликнинг расмига кўра –
Фалакда мўлтирап миллионлаб юлдуз.



Эй, сен! Кечаларда сарсон кездирган,
Кузимни юз этган, минг этган наво –
Менга жафо этиб, мендан бэздирган
Дард! Тангри қудратин аён сездирган
Бу шоминг бошимдан ёғдирап сафо!

Кузлигим муборак ўзимга! Ёнди
Эту сягимнинг ҳар бир зарраси!
Кулларим соврилди, фақат руҳ қолди,

ЯШАШ

Олов эдим – ўчдим,
Юлдуз эдим – учдим;

Кўк эдим – ер бўлдим,
Сўз эдим – шеър бўлдим;

Тоғ эдим – қумман, қўм:
Ҳар заррам мунгдир, мунг;

Қийноқлар тўфони – жонимда,
Замонлар алдоғи – онгимда.

“Воҳ, жоним!..”
демоққа ҳақлиман –

Негадир баҳтлиман, баҳтлиман!

* * *

Баҳор тўла гуллар эди...
Бир гулни суйдим.

Гул “уз, деди, мени”, ошкор –
Ўзмадим-қўйдим.

Қовжиратди гул жисмини
Хижроннинг ёзи.

Шундан буён шеър ёзаман –
Ақлдан озиб...

Шундан буён уйиларга
Қайтгим келади.

“Эй, гул! Сени севаман” деб
Айтгим келади.

Нима учун бу дунёдан
Кетганим йўқдир?

Ҳали гулни аниқ тасвир
Этганим йўқдир.

2009 йил 30 ноябр

Денгизнинг сўнгги бор.
Саҳролар тугайди.
Сен – сўнгсизсан, муҳаббат.

Кўлларингни бер,
Тафтida исинай.
О, баттар тирикман
оловингда ёнганим сайин.

Сени кезиб, чарчамайман,
Сенда сузиб, чўкмайман.
Сенда учиб,
юксалганим сайин юксалган.

Кўзларинг – тиник осмон...
О, нақадар бесарҳад дунёсан!
О, нафас нафасга туташди!

Тириклик – лабларимиз орасидаидир,
муҳаббат.

* * *

Орамизга ёмонлар тушиди,
Кўнглилизга туманлар тушиди,
Кузлар тушиди, хазонлар тушиди...

Ёргулликда ўсган баҳт қуши
Туманларда адасиб учди.

Узун бу умримдан узун “уҳ” қолди –
Қайнаган онгимнинг пинҳон наъраси.

Куз аро бораман. Тақдир дастидা
Ҳаёту ўлимга бош эгмиш юрак.
Ёмон ўтмагандай умрим аслида:
Ярашиб яшадим ернинг устида,
Ернинг тагига ҳам яраисам керак.

30. 11. 2009

Йўқ, тақдирга ҳижрон кўниммас,
“Кечир” демоқ, ахир, ўлиммас,
Бу кузлардан кечайин десам,

Кўнглим туман. Кўнглим кўринмас.
2009 йил 1 декабр

* * *

Биздан олдин ҳам
одамлар яшаганми?
Биз каби яшаганми улар?
Ўлимни ҳам ўшалар
ўйлаб топганми?
Барака топгурулар...

2009 йил 2 декабр

* * *

Қайда хазон салтанат?
Қор забт этди дунёни.
Руҳ – бетоқат ҳарорат.
Қииш – музлаган малоҳат –
Жим ёндириди ёнгини.

Бу мастрона оқ сурур
Айлантирди бошимни.
Орзулар қайтди махмур...
Умр... Олтмиш ёшли умр
Тиёлмади ёшини.

Нафислашиди яна дил –
Қордай енгил, қордай оқ...
Келгил, навбаҳор! Келгил!
Эриб кетгим келмоқда.
Сенинг бағрингда бу чоқ.

2010 йил 4 февраль





ҚОРА ҚУЗҒУН

Фозил ТИЛОВАТ

Детектив қисса



*Тоғам Раҳматилла Ўроқов хотирасига
бағишилайман*

1

Жиноят тафсилотлари битилган ҳужжатларга қўмилган тергов ходими бошини қофзлардан кўтартганида тун ярмидан оқанди.

Шу пайт телефон жиринглаб қолди.

– Алло, Акмал ака? – хотинининг ташвишли овози эшитилди гўшақдан. – Ҳалиям ишхонадамисиз?

– Ҳозир кетмоқчи бўлиб тургандим.

– Қуюқ туман тушибди, машинани эҳтиёт бўлиб ҳайданг!

У қисқа-қисқа гудок бера бошлаган гўшакни бир муддат тутиб турди-да, сўнг жойига кўйди.

Акмал куни бўйи сирли жиноят тарихи битилган қофзларга қўмилиб арзирли бир ечим топа олмади. Терговчи сифатида қаёққа боришни ҳам, нима қилишни ҳам билмай боши қотиб турганди. Энди эса уйга бориши, илиқкина душга тушиб, озгина тин олиши мумкинлигини англади. Хотинининг қўнғироғи аямажуз қишининг қаҳри синган пайт баҳор дарагини олиб келган қалдирғочнинг ташрифи каби ҳорғин руҳига илиқлик солди.


Ташқари анчагина совуқ экан. У пальтосининг ёқасини кўтариб олди. Кейин туманнинг қалинлигидан деярли кўринмай қолган йўлни тусмоллаб қадам босганча машинаси томон қараб кетди...

2

Акмал уйига келгач, иссиққина душ ҳақидаги қарорини бекор қилди. Овқатга ҳам иштаҳаси бўлмади. Қизик, вужудида чарчоқ, руҳан толиқкан, қовоқлари зилзам бил бўлишига қарамай, нимагадир ухлашга ҳам хуши келмади. Шундан, ётоқхона эшигини оҳиста очди-да, уни кута-кута ухлаб қолган хотинига термулиб бир пас туриб қолди. Йўлакдан тушган нур ёруғида кўкси очилиб, қора халати остидан ич кийими оқариб кўриниб турган, тим қора соchlарини елкалари узра паришон ёйганча ухлаб ётган хотини шу дам кўзларига баайни қалдирғочга ўхшаб кўриниб кетди.

Шу асно хаёлидан «ялт» этиб бир фикр кечди: «Уни деярлик ҳар кеч шу алфозда кўраман. Нега энди, келиб-келиб шу бугун қалдирғочга ўхшатдим? Бояги қўнғироғи боис албатта! Тўхта-тўхта! Ҳм-м-м-м, демак...».

Акмал бир неча кундан бери ўзини қийнаб келаётган бир жумбоққа ечим топгандек бўлди. Жиноят жойидан то-пилган ёндафттарча, тўғрироғи «Ром» дея бошланиб, бир неча мантиқсиздек туюлган жумлалардан иборат ёзувни



кўз олдига келтириди. У бу топилмани бир-икки кўздан ке-чириб, кейин жиноятга алоқаси йўқ, деган ўй билан, эътиборидан соқит қилганди. Ҳозир эса, жиноят тафсилотларидан топа олмаган мантиқни шу парчагина варакда кўргандек бўляпти.

Хаёлини бир жойга қўйиб, фикрини йигиф, муаммога ойдинлик киритиш мақсадида, ётоқхона эшигини қанчалар оҳиста очган бўлса, шундай беозор ёпди-да, хонасига кириб кетди.

3

Акмал эрталаб жиноятга боғлиқ барча хужжатларни олиб кетганди, аммо ишхонага келиб ёндафттарчани столи устида унугиб қолдирганини сезди. Хуноб бўлмади, чунки ўшанда у дафттарчанинг бу ишга алоқаси йўқ деган қатъий фикрда эди. Ҳозир эса уни варакларкан, унугиб қолдирганим яхши бўлган экан, деб хурсанд бўлиб қўйди. Кейин, ўша жумбоқ сатрлар битилган жойни шошилмай ўқий бошлади: «Ром. Бургут боласи чумчук ўхшаб яшамас= қўк. Олтинл чибин нафси ҳак-к отса ўргимчак тўр. туш. Ўз= бино қил/ ўй = девор. ёриғи+ чаён чиқ. нишини санчимоқ бўла. Оёқ остинг. илон чумчук полапон. ютмоқ пайида Калтакесак думига бевафо. Бўталоқ тўпиди+ ажра/к... гўшт/ чўк...»

Акмал талабалик чоғи маърузаларни ёзиб олишга улгуриш учун қўлланиладиган белгиларни хотирасида тиклаб, матнни қайта-қайта ўқиди. Фақат чатилиб кетган сўнгги сўзлардан бирини ҳисобга олмаганда жумлалар мазмунини деярли фаҳмлади. У қисқартма сўзлардан ҳосил бўлган маънони тоза оқ қоғозга қўйидаги тарзда ифодалади:

«Бургутнинг боласи чумчукка ўхшаб яшамаслиги керак. Олтинлиқ чибин нафси ҳакалак отгани туфайли ўргимчак тўрига тушади. Ўзинг бино қилган иморат деворининг ёриғидан чиқкан чаён нишини санчимоқчи. Оёғинг остида ўрмалаб юрган илон полапонингни ютмоқ пайида. Калтакесак думига бевафо. Туянинг боласи тўпидан ажраса қ.... (?) гўштини чўқиди».

«Бу ҳақиқатдан ҳам кимнингдир тақдиринг очилган «ром», – ўйлади терговчи, кейин олдидаги оппоқ қоғозга: «Фолбин ким?» деб ёзди-да, катта сўроқ белгиси қўйди. «Буниси ҳали номаълум. Аммо у ўта закийлик билан мижозининг қисматини зарбулмасалда ифода этгани аён». Акмалнинг мушоҳадаси яна бир саволга бориб тақалди: «Мижоз ким?» «Мантиқан олиб қараганда, – фикрлашда давом этди Акмал, – мижоз ёндафттарча соҳиби. Демак, «ром» – сирли жиноят қурбони, бир кечада дом-дараксиз ўйқолган Жобирбекка аталган».

Акмал, юқоридагилардан келиб чиқиб, жинояти очиш йўлини қўйидаги тенгламада изоҳлади: «Ёндафттарча билан «ром» бир одамга, яъни мижозга тегишли. Мижоз – жиноят қурбони Жобирбек!» деб қоғозга яна битта сўроқ белгисини қўйди...

4

Энди ҳурматли ўқувчиларимизга ҳикоямиз қаҳрамони Акмал ва у тергов олиб бораётган жиноий иш ҳақида хийла тўлиқроқ маълумот бериш пайти келди.

Акмал шаҳар ички ишлар бўлими терговчиси. Қорачадан келган, бўйдор йигит. Дзю-до билан боксдан ташқари, спортнинг шахмат турига ўта ишқибоз. Оилали, битта фарзанди бор. Яқинда, эскироқ бўлса ҳам, машина сотиб олди. Энг муҳими ўз ишининг устаси. Фаолия-

ти давомида унга топширилган бирон-бир иш очилмай қолмаган. Ухламаса-ухламайдики, лекин жиноятнинг тағига етмай қўймайди...

Шаҳар ички ишлар бўлими бошлигининг хонасида ийғилланлар бир неча номзодлар ичидан ана шу йигитда тўхталиши: «Менга маъқул!» – деди кўзойнакли барваста киши. Ҳамма унинг жавобини кутиб турганди. Аттестация комиссияси бир овоздан Акмалнинг номзодини шаҳар ИИБ жиноят қидирув бўлими бошлиғи лавозимига маъқуллади.

Ички ишлар вазирлиги Академиясида бир ой малака ошириб қайтган куни, уни зудлик билан шаҳар ички ишлар бўлими бошлиғи ҳузурига чақириб қолиши. Ўзига қолса, янги ҳафтадан янги лавозимда ишга чиқмоқчи эди. Оиласи билан қишлоққа ўтиб келишин мўлжаллаганди. Аммо ота-онасини зиёрат қилиб келиш режаси орқага сурладиган бўлди.

– Зудлик билан пойтахта жўнайсиз, – деди шаҳар ички ишлар бўлими бошлиғи, салом-алиқдан кейин, бирор ҳол-аҳвол сўраган бўлиб. – Бугун шаҳримиздаги нуғузли корхоналардан бирининг директори Жобирбекнинг бир ҳафтадан бери дом-дараксиз экани ҳақида маълумот олдик. Бизга унинг дўсти Шосалим мурожаат қилди.

Айтишича, Жобирбек «Ёшлик» пансионатида даволанишида бўлган. Бир ҳафта бурун хонасидан чиқиб кетганича қайтиб келмаган. Ҳозирча қўлимизда бор маълумотлар шулар. Сизга пансионат жойлашган туман милицияси кўмаклашади.

5

Акмал бу иш шу қадар чигал эканини дастлаб хаёлига ҳам келтирмаганди. Шу боис пойтахт аэропортидан таксига ўтириб, пансионатга кетаркан, хаёлини ўзга бир кечинмалар банд этганди: «Қизиқ, кеча кетгандим, бугун эса яна пойтахтдаман. Бу тақдирнинг тухфаси бўлса керак!». Ахир, бир ой малака ошириш даврида, бир-икки сайлгоҳга чиққанини эътибордан соқит қилганда, кўргани фақат Академия ҳовлиси-ю, машгулот хоналари бўлди..

Машина ойнасига юзини босиб, шаҳарни томоша қилиб борар экан, у Тошкентнинг бундан ўн йил бурунги кўриниши билан бугунги қиёфасини ҳаёлан муқояса қилди: «Жудаям ўзгариб кетибди. Йўллар кенг, равон. Йирик, муҳташам бинолар қурилибди».

Талабалик чоғи, квартира излаб шаҳарнинг айтарлик барча маҳаллаларига босу қиб чиқкан. Шундан шаҳарни жуда яхши биламан деб ўйларди. Ҳозир танимади. «Ажабо! Бор-йўғи ўн йил ичидаги шунча ўзгариш!»

Бирда ҳайрат, бирда таажжуб билан Юнусободга кета-кетгунча у кўзини ташқаридан узмади. Айтганча, ўн йиллик танаффусдан кейин малака ошириш учун Академияга келганида ҳам қадрдан ўқув даргоҳини танимай қолганди.

Такси ҳайдовчиси боядан бери миқ этмай шаҳарга маҳлиё бўлиб келаётган мижозига бир-икки қараб қўйиди, радиоприёмникнинг мурватини буради. Тиник, дилрабо кўй тарала бошлади. Ҳайдовчининг бу иши Акмалга хуш ёқди. Шу кез, беихтиёр таникли ҳофизнинг «Тошкент» деган кўшигини эслади:

«Донингни еган чумчук қайтиб келар Маккадан»...

Машина пансионатга яқинлашиб, тезлиги секинлашди. Акмал кўшиқ таъсиридан чиқди. Идрокини энди дом-дараксиз кетган инсон тақдирни билан боғлиқ кечинмалар банд эта бошлади. Жиноят содир бўлган ҳудудга қадам босаркан, ҳаёлидан кечган дастлабки фикр шу бўлди:

– Тирик бўлса қайтади, қайтмаса излаб топамиш!..

Акмал пансионатда «йўқолди» деб таҳмин қилинаётган шахс билан боғлиқ барча тафсилотларни синчиклаб ўрганди. Даволовчи врач, навбатчи ҳамшира, ҳаттоқи пансионат боғбони ҳам кўрсатма берди. Жобирбекнинг хонада қолган барча лаш-лушлари ашёвий далил сифатида олинди. Хулласки, криминалистлар, кинологлар, анализ олувчилар қилиши лозим бўлган барча ишлар бажарилди. Ҳамма сўроқ қилинди. Қизиги шундаки, Жобирбек бир ҳафта ичидаги барчанинг назарига тушиб ултурган, «оқкўнгил бойвачча», деган лақаб олишга ҳам муваффақ бўлган, аммо ғойиб бўлган куни уни ҳеч кимса кўрмаган.

— Бирам яхши одам эди бояқиши, пулдор эди, зинҳор кеккаймасди. Мартабали эди, аммо камтарин, пўрим кейинарди, — деди пансионат ходимларидан ёши ўтинқираган бир хотин.

— Қизларнинг ҳаммаси унга ошиқ эди: барчамиз унинг эътиборини қаратиш учун минг ўлиб минг тирилардик, — деди, бунақа гапларни ошкора, уялмай айтиши мумкин бўлган ҳамширалардан, сариқ соч, мовий кўзли қиз Ирина.

— Одамга етмиш икки ҳунар ҳам оз эканини шу йигитда кўрдим,— деди боғбон, таассуф билан бош чайқаб. — Эссиж, эссиж! Рубоб чаларди, кўшиқ айтарди. Кези келгандаги боф ишларига ҳам қарашиб юборарди. Ҳамма нарсага вақт топарди. Илоё жони омон бўлсин!..

Шосалим Жобирбекнинг жон дўсти, сирини ишонган кишиси. Удеярли ҳар куни Жобирбек билан бирга бўларди. Кези келганда шотири, кези келганда маслаҳатгўйи – бир сўз билан айтганда омадли дўстининг ортидан соядек эргашиб юрар, садоқат билан хизматини қиласди.

Ўша куни унга телефон қилиб, дўстининг ғойиб бўлгани ҳақидаги гапни етказишганида, кутилмаган бундай совуқ хабардан эсанкираб қолди. Кейин, машинасини ўқдек учирив Жобирбекнинг ҳовлисига келди.

«Аввал хотини, бола-чақасини бир оз тинчлантириш лозим, деган қарорга келдим. Ҳали воқеанинг моҳиятини билмай, эсларидан оғиб қолмасин, деб кўрқдим, — деди тергов чоги Акмалнинг сўроғига жавобан у. — Кейин Тошкентга қараб учдим. Жобирбекнинг ғойиб бўлганига уч кун бўлган экан. Пансионатдагилар аввалига бирор юмуш билан шаҳарга чиққандир, деб ўйлашган. Эртаси куни бир оз ташвишланишган. Учинчи куни, унинг хонасини очиб, шаҳарга чиққанида киядиган костюм-шими шкафда осигулик турганини кўришган. Унинг спорт кийимида шаҳарга чиқиши мумкин эмас, чунки ўта маданиятли инсон эди.

Пансионатдагилар, элбурутдан ваҳима кўтармаслик мақсадида, стол устида қолган қўл телефонидан унинг уйига сим қоқишишган. Телефоннинг ёнида ён дафтарчалиси ҳам қолган экан. Телефон рақамини ўша дафтарчадан олишган. Мен Тошкентга келиб, Жобирбек бориши мумкин бўлган барча танишларнига қўнгироқ қилдим. Сўраб-сурштиридим – ҳеч қаердан топмадим».

Шосалимнинг қўзлари намланди: «Уни ёлғиз қўймаслигим керак эди», — деди йиғламсираб, сўнг, «Эй худо қаёққа кетган бўлиши мумкин?» деб нола чекиб юборди.

— Сиз уни яқиндан билган ягона кишисиз. Охиригина пайтлари доимо ёнида юргансиз, айтинг-чи, унинг душманлари бормиди?

Терговчи, у томонга бир оз эгилди-да, бояги саволини бошқачароқ тарзда такрорлади:

— Кимдандир шубҳа, гумонингиз йўқми?

Шосалим, дўсти билан кечган дамларини, яхши-ёмон кунларини хотирлай бошлади.

Жобирбек оиланинг тантик фарзанди бўлиб ўсади. Отаси узоқ йиллар бетон заводининг директори бўлиб ишлагани боис, у улғайган рўзгорда етишмовчилик бўлган эмас. Шу боис болалик, ёшлиқ даврлари беташвиш кечди. Акаси Қодирбекдан фарқли ўлароқ, у ҳаётга енгил-елпи қарапди. Бу табиий ҳол. Отаси – Мурод Шомуродович, қатағон йилларининг зулмини бошидан кечирган, «қулоқнинг ўғли» деган тавқи лаънатни бўйнига осиб улғайган одам эди. Муштипар онаси билан, эшикма-эшик юриб тиланчилик қилган йилларини, очлик ва сувсизлиқдан лаблари гезариб жон таслим қилган онаизорини кўмишига кўмак сўраб қилган оху зорларини эслаб, баъзан кўнгли бузилиб кетарди. Шундай кезлари умр йўлдоши Гулсумбибининг елкасига қўлини кўйиб;

— Онаси, бизнинг болаларимиз, хорлик-зорлик кўрмайди. Мен тирик эканман, уларга бало-қазо яқинлашмайди! — деда ўзининг машақатли ўтмишига ўчкишиб, тақдирни азалнинг йўриқларини тан олмаётганини сезмасди.

Кичик ўғил ана шундай тарбия таъсирида улғайди. Аммо катта ўғлининг ўлими, вақт измида эмаслигини, ҳаёт унинг иродасига бўйсунмаслигини кўрсатди. Оталик меҳри, топар-тугари болаларини хору зорлиқдан асрди, илло бало қазодан асрай олмади.

Акасининг фожеали ўлимида эркатои Жобирбекни айблади. Нафақадаги ота ўзига муносиб ўринбосар бўлиб етишиб келаётган тўнғич фарзандининг тобути устида: «Аканг ўлгандан кўра сен ўлсанг бўлмасмиди» деда нола қилганда, Жобирбек бир ёшга улғайди. Шу-шу отасининг қўзларида унга нисбатан совуқ бир назар қотиб қолди. Жобирбек узоқ йиллар ана шу қотиб қолган дийдани юмшатиш пайида бўлди. Отасининг пойига борини тўқди, ёшлиқдаги шўхликлари учун кечирим сўраб олдида тиз чўқди – фойдаси бўлмади. Отасининг сўнник, ҳисиз қўзларидан барибир бирор маъно уқмади. У акасининг бевақт ўлими туфайли отанинг кўнглида армон бўлиб қолган ниятларини рўёбга чиқарганида ҳам, бетон заводининг директори бўлиб тайинланганида ҳам ота унинг муваффақиятларидан на қувонди, на тушкун дамларida дардкашлик қилди.

Жобирбекнинг балогат даври жуда мураккаб кечди. Уйга кеч қайтадиган, ўзи билан албатта, бир ишкални бошлаб келадиган одат чиқарди. Маҳалла-кўй ундан безор, мактабнинг ҳам унинг ахлоқига бир талай эътиrozлари бор эди. Аввалига унинг қилиқларини кўриб-кўрмасликка олдилар. Ахир отасининг ҳурмати бор. Кейин-кейин узунқулоқ гаплар отанинг қулоғига етиб борди. Насиҳат қилди: «Болам, ножӯя ишларинг менинг мартабамга, йиллаб мисқоллаб йиққан обрўйимга рахна солаётганини англамоғинг керак!».

Насиҳат кор қилмади. У ўз билганидан қолмади. Қайсиdir бир овлокда уч-тўртта безоринамо ошналари билан ожизроқ бир болани дўпослагани, тун ярмидан оқкан пайт, мотоциклларини тирипллатиб одамларнинг ҳаловатини бузиб, тинчлик бермаётгани ҳақидаги нохуш хабарлар, миш-мишлар йирик завод директорининг хонасига қабулхонада навбат кутмай кирадиган бўлди.



Ота дарғазаб, она икки ўртада кечәётган зиддиятдан дилгир бўлиб яшарди. Мактабни битирув кечаси ўқитувчилар жамоасининг кайфиятида икки хил ҳолатни кўриш мумкин эди. Улар бирда йиғлаб, бирда қувнаб кетишарди. Ўн йил мабайнида фарзандидек бўлиб қолган болалар бағрини тарқ этаётганига хафалансалар, шодликларининг боиси кетаётгандар сафида Жобирбекнинг ҳам борлигидан эди чамаси.

Жобирбек пойтахта кетди. Ўқишига кирди. Одамлар қизик-да! Жобирбек уларни тинч кўйса ҳам уни эслашдан, гапиришдан чарчашибасди: «Ўқишига кирибди, ё пирай! Ўзининг «уч»и биланми ё мансабдор отасининг кучи билан кирибдимикин?» деб маломат қилишди. Таажжубланаарлиси шундаки, у институтга ўз билими билан кирди. Яхши ўқириди. Фақат, бўлмағур одатларини батамом тарқ этмаганди. Янги йил байрами арафасида яна бир ишқал чиқди. Ишқалмисан ишқал! Деворий газетанинг байрам сонида кимдир унинг номига ҳазил қилиб, икки қатор шеър битиб остига ярми хўрозд, ярми товуқ сувратини чизган экан. Кўп қатори Жобирбек ҳам уни ўқибди.

*Билими зўр, калласига тож кийдирсанг ярашгай,
Ишқали кўп, орқасидан тухум бўлиб қалашган!*

Шеърни ўқиб, аччиқланмади. Ҳатто «зўр» деб мақтади. Классика бўлиши учун фақат бир нарса етишмайди, деди у, кейин чўнтагидан «зажигалка»сини чиқазиб, «яхши асарлар ҳамиша гулханда ёнган» дея, газетани ёқиб юборди.

10

Жобирбек масаласи институт жамоаси ўртасида муҳокама қилинадиган бўлди. Отасини чақиришди. Комсомол комитетининг секретариага Жобирбек масаласини ёшлар ташкилотининг йиғилишида кўриб чиқиб, институт умумий йиғилишига тақдимнома киритиш топшириғи берилди. Хуллас, айлов мавсуми бошланди.

– Мен ҳеч қандай йиғилишга бормайман! – аламидан бўйилгудек бўлиб бақирида ота, телеграммани олиб кирган хотинига қараб. – Ҳайдашсин! Унинг жазоси шу!...

Ноиложлиқдан «пик-пик» йиғлай бошлаган онасини тўнғич ўғил Қодирбек юпатди: «Дадамдан хафа бўлманг. Мен бориб кела қолман!».

У ўша кеч машинасида Тошкентга жўнади. Борди, мажлисда қатнашди. Вазиятни юмшата олди. Жобирбек жамоадан расман кечирим сўради. Ректорат унга нисбатан ҳайфсан билан чекланди. Ҳамма нарса ўз жойига қайtdi, фақат Қодирбек шу кетганича уйга қайтмади. Тўғрироғи уйга қайта туриб, Бахмал довонида машинаси ҳалокатга учради.

11

Акмал пансионатда қилиши лозим бўлган барча ишларни қилиб бўлгач, ортга қайtdi. Тошкентдаги қидирив айтарлик натижага бермади. Калаванинг уни топилармикин, деб қилган барча уринишлари зое кетди. Шосалимнинг ёрдамида Жобирбекни таниган, билган одамлар билан ўтказган сұхбатлари ҳам бесамар бўлди. Ҳеч ким шубҳага асос бўладиган бирор-бир ҳолатни кўрмаган, гумонга сабаб бўлгудек бирон сўзни эшифтаган.

«Тавба! Бутун бошли бир одам йўқолса-ю, ҳеч қандай из қолмаса. Буғланиб кетмагандир, ҳарқалай!».

Сұхбат, сўровлар асносида Акмалнинг хаёлида нуқул ана шу саволлар чарх уради. У бу саволларга жавоб топа олмай қйналар, аммо қаҷондир бу чигалларни ечишига ишонарди.

Қаршига қайтиб келгач, қидирив-тергов ишларини Жобирбекнинг оила аъзолари, яқин қариндошлари, уни таниган, билган одамларни сўроқ қилиш билан давом эттириди. Том-том мъалумотлар йиғди. Иш устида, маҳалла-кўйда, тўй-ӯчарларда ким билан гаплашган, ким билан чаплашган – барча-барчасини текшириди. Заводлар уюшмасининг раиси Зулфиқоровни айниқса, алоҳида назорат остига олди.

– Мендан шубҳа қилишлари табиий, – деди Зулфиқоров ҳузурига ташриф буюрган терговчини очик юз билан қарши олиб, – чунки, ҳамма билади – Жобирбек кейинги пайтларда менинг ўрнимга номзод сифатида кўриниб қолганди.

Одамлар шивирлашиб юрган гапларни Зулфиқоров очиқдан-очиқ тан олиб гапираётгани Акмални бир оз таажжублантириди. «Хушёр бўлиш керак» деди ичиди, «Зулфиқоровни «қари тулки» дейишлари бежиз эмасга ўхшайди».

– Одамлар гапираверади! – Зулфиқоров котибаси чойнакни кўйиб чиқиб кетгунча жим турди-да, сўнг фикрини давом эттириди: – Билмаганлари учун ҳам гапиришади. Шунинг учун мен улардан хафа бўлмайман.

– Агар ташрифим билан сизни ранжитган бўлсам, узр! – ўнғайсизланди терговчи, кекса одамнинг ёзғиришларидан безовталаниб. – Мен ҳам айнан шу томонини ўйлаб ўзим ҳузурингизга келгандим.

– Аксинча, мен сизнинг чақиришингизни кутгандим. Ҳаттоқи, бунга тайёрлангандим ҳам.

– Тайёрлангандингиз?

– Ҳа, тайёрлангандим!

Зулфиқоров ўрнидан туриб, иш столи тортмасидан бир китоб, бир тахлам газеталарни олди-да, келтириб Акмалнинг ёнига кўйди.

– Мана бу китобни Жобирбек ўтган йили чоп эттирганди. Мана бу газеталарда унинг бир қанча мақолалари босилиб чиқкан. Биласизми, у кўприксозлиқда бетон конструкциялардан фойдаланишининг янги бир усулини ихтиро қилган.

Акмал киноларда, бадиий асарларда олимларнинг қашфиётлари туфайли қандай кўргуликларга дучор бўлғанликлари ҳақидаги воқеаларни кўп кўрган, кўп ўқиганди. Зулфиқоровнинг ҳикояси ўша томонга сирғалиб бораётгандек туюлди унга. Шундан ҳожати бўлмаса ҳам, ҳамсұхбатига лукма ташлашдан ўзини тия олмади:

– Ихтиро?!

– Ҳа, чинакам ихтиро! Унинг иқтисодий самараадорлигини айтмайсизми?

– Агар сизни тўғри тушунган бўлсам, Жобирбекнинг сирли ғойиб бўлиши билан мана шу ихтиро ўртасида боғлиқлик бор, демоқчисиз?

– Ҳам ҳа, ҳам йўқ!

“Зулфиқоров кўпни кўрган одам. Фаолияти давомида кимлар билан мулоқот қилмаган у. Ҳамсұхбатини Амуга оббориб, сув ичкизмай қайтариб келадиганлар хилидан. Ҳозир ҳам шу ўйинни ўйнамаятимикин?”. Акмалнинг кўксида шубҳа ғимирлай бошлади.

– Кечирасиз, сизни тушунмадим?

– Мени тушуниш қийин. Яккаю ягона тушунган одам Жобирбек эди. – Зулфиқоров оғир «уф» тортиб хўрсинди. – Сиз мана буларга қаранг!



Акмал китоб ва газеталарнинг Зулфиқоров кўрсатган жойларини кўздан кечирди: «Азиз устозим, маслаҳатчим ва сунчигим Зулфиқоровга! Хурмат ва эҳтиром ила...»

Бу ҳар бир мақола сарлавҳаси ёнида Жобирбекнинг ўз қули билан ёзилган дастхати эди. Бу Жобирбекнинг иши юзасидан Зулфиқоровга нисбатан туғиладиган ҳар қандай шубҳани йўққа чиқарадиган асос. Ёки аксинча. Акмал калласида кечган бу каби мулоҳазаларни, кейинчалик тергов хужжатларига куйидагича жумлаларда ифода этди: «Бу аччиқ ҳақиқат ёки шириңгина ҳийла».

12

Гулчехранинг Жобирбек билан биргаликдаги ҳаёти болдан-да тотли кечиб келарди. Икки фарзандларини оқ ювиб, оқ тараб тутув яшашарди. Гулчехра гоҳи-гоҳи ўз баҳтидан масрур бўлиб, ширин хаёлларга берилар, келишган, уддабурон, топармон-тутармон эрининг, бирбиридан ширин фарзандларининг сувратига боқиб, «Мен дунёдаги энг баҳти аёлман!» – деб мағрурланарди. Шундай кезлари оёғи ердан узилиб, еттинчи фалақда сузиб юргандек сезарди ўзини.

Бир йил муқаддам нима бўлди-ю, икки ўртадаги меҳр ришталари узилиди. Ораларидан қора мушук ўтди. Жобирбек уйдан безиди. Гулчехра жizzаки бир аёлга айланди. Эрини ҳар гал Тошкентга сафарга жўнатаётганида очиқ юз билан кузатиб, очиқ чеҳра билан кутиб олувчи хотин, энди хайрлашиш ўрнига аччиқ-тизиқ гаплар билан тузлар, қайтганида киноя ва кесатиқ аралаш заҳар сочиб қаршилайдиган одат чиқарди.

– Нима бўляпти ўзи?

Жобирбек шу саволга дуч келса, ўзини тубсиз ўпқонга кулагандек сезарди: на кўқдан, на заминдан кўним топмас. Ноиложликдан бу ҳақда ўйламасликка уринарди. Аммо бу безбет ўйлар хәёлига сўраб-нетмай кириб келаверарди: “Хотинига нима етишмаяпти ўзи?! Истагани мухайё бўлса! Эрка, тантик бўлиб боряпти кундан-кун. Ношукур банда!”.

Тиламчи узатилган кафтига бир нима ташламагунингча, хузурингдан нари кетмагани каби, Жобирбекни ҳам хотини ҳақидаги ўйлар сира тарк этмасди. Кўнглини безовта қилиб турган шилқим саволларни даф этишга жавоб топа олмай қўйналарди. Тўғри, Гулчехранинг хеч нимадан ками йўқ. Егани олдида, емагани ортида. Рўзгор ташвишлари, бичиш-тиши, мол-хол, супир-ситир сингари юмушларни унуганига ҳам анча бўлди. Бу ишларни ҳизматчилар бажаришарди.

Гулчехра бир йил муқаддам тошкентлик бир жувон кўнгироқ қилган ўша кундан бери ҳаловатини йўқотди. Қулоқлари остидан ўша масҳаромуз овоз, аёллик шаънини таҳқирловчи сўзлар кетмай қолди:

– Вой, қанақа аёлсиз, Гулчехра опа! – худдики дугоналардай самимий гап бошлаганди у. – Эрингизни сал совутиб, попугини пасайтириб жўнатсангиз-чи Тошкентга. Тўшақда нақ зилзила-я!

– Сиз кимсиз? – Эри ҳақида айтилаётган «мақтөв»дан гангигиб қолган Гулчехранинг топган гапи шу бўлди. – Телефон рақамини теришда янглишмадингизми, ишқилиб?

– Вой, Жобирбек акамнинг ўйларими шу?

– Ҳа-а, шу!

– Мен эрингизни жазманиман! Сизга жоним ачиганидан телефон қиласяпман. Оилаларингиз бузилмасин, дейман. Кеча Жобирбек акамдан, «бунча аёлга ўчиз – тўшақдаги ишлардан тўймайсиз, десам, дардларини ёрдилар: “Жоним, хотиним бор, аммо у тўшақда жонсиз

тарашанинг ўзи”, дедилар. Опажон, ўзингизга қаранг. Бўянинг! Агар, лозим бўлса, бир-иккита ишқий амаллар бор – ўргатаман!.

Нотаниш рақибасининг қолган гапларини тинглашга Гулчехра ўзида куч топа олмади. Гўшакни шаҳд билан отиб юборди. Ўтириб, роса йиғлади! Ўша куни илк бора бекаму кўстдек туюлган, аммо алдовлари билан уни шу кунгача лақиллатиб келган ҳаётга лаънатлар ўқиди. Кўнглида эрига нисбатан бир адovat уйғонди.

13

Сакина қилар ишни қилиб қўйди-ю, қўнгли бир оз оғриди. Минг қилса ҳам аёл-да, қанчалар рост бўлмасин, беозор бир хотиннинг кўнглини ранжитгани чакки бўлди. Гўшакни жойига қўйиб, тўшақда ялпайиб ётган эркакка ўгирилди:

– Кўнглингиз жойига тушдими?

Аёлнинг кайфиятидаги ўзгаришдан довдираб қолган эркак, қошларини чимирганча ўрнидан турмоқчи бўлган жазманининг билагидан тутиб тўхтатди.

– Жоним!

– Шу қилиб юрган гуноҳим учун ҳали дўзахда жавоб бераман. Буниси энди ортиқча! – бургутнинг чангалидан кутулмоқчи бўлган полапондек типирчилади у.

Эркак ўзини оқламоққа тушди:

– Кечиринг, кечиринг мени, жоним! – Кейин бир оз маъюсланди. Жувонда ачиниш ҳиссини уйғотмоқчи бўлди:


– Мени ҳам тушунинг-да, ахир! Нима қилай, ўзим айта олмасам? Ўртага одам солишга мажбур бўлдим. Ҳаммаси яхшиликка-ку! Мақсадим, сиздек оғатижон бўлсин дейман. Тўшакда тарашадек ётавермасдан, алангалансин, ёнсин дейман.

Жувон “ялт” этиб унга қаради. Бу нигоҳдан кўп маъно уқиши мумкин эди. Бу қарашларда, «ҳали сен мени ёнди, деб ўйляпсанми? Сенга ўхшаган ҳар бир бойваччанинг оғушида ёнаверсам – куйиб кул бўламан-ку! Сен аланга деб ўйлаган бу ёнишлар, аслида ясама, ичим тутунга тўлиб кетганини қайдан ҳам биласан? Сен каби овсаларнинг пулини шилиб олиш учун ёлғондакам ёниб, ёлғондакам чирсиллаётганимни тушунишга сенга йўл бўлсин!» деган ҳақиқат учқунлари бор эди. Эркак уни англамади. У ортиқ шакаргуфтторликка ҳожат қолмаганини пайқаб, ваннага томон кетаркан: «Чўнтагимда бир даста пул бор! Сизга аталган!» деди. Сўнг «ол», деган маънода курсининг сунчигига ташланган костюмига ишора қилди.

Жувон аввалига пулни олгиси келмади. Ҳали ҳам қилиб қўйган ножёя ишини ўйлаб, гарантсиб туради: «Бечорада нима айб?» дерди ичиди бир овоз уни қийноқ-қистовга олиб: «Сен ахир бу муҳораба майдонига фақатгина ўзингни қалқон қилиш учунгина тушгансан – унумта! Қоидани бузиб нима қиласан? Эркакларнинг найзасига қалқонингни тутиб юравермайсанми – бир беозор аёлга тиг санчанинг нимаси?».

Бўлар иш бўлди, деган хуносага келди у, охиратим куйгани аниқ, кунлигим куймасин ҳартугул, дея пулни олишга қарор қилди.

Костюмининг ён чўнтагидан иккита паспорт чиқди. Хужжатнинг бирни Жобирбекники, иккинчиси бошқа бир кишининг номида эди. Паспортларни жойига қўйркан, «бунча одамлар нафақат хотинига хиёнат қилиб, бошқа тўшакка киришдан қайтмайди, ўзига хиёнат қилишдан, бошқа ном, бошқа қиёфага киришдан ҳам тойишмайди!» деган ўй кечди ҳаёлидан. Кейин менга барибир эмасми,



деди-да, нариги чўнтақдан бир боғлам пулни олиб, сум-качасига солди. Тез-тез кийинди. Стол устидаги қоғозга шоша-пиша бир нималарни ёзди ва хайр-маъзурни ҳам насия қилиб, меҳмонхонани тарк этди.

Ваннадан елкасига сочиқ ташлаб чиқиб келган эркак, жувоннинг кетиб қолганига таажужубланмади. Энди уни ё кўради, ё кўрмайди. Кейин стол устидаги хатга кўз тушди. Унда ката-кatta ҳарфлар билан:

“Тўшакдаги тарашанинг ёниши учун эркақда биророз чўф, жиччагина тафт бўлиши керак, ака!” деб ёзилганди. Эркак, суюқоёқ жувоннинг таъсиричан чиқиб қолганиданми ёки тузиб кўйган режаси бўйича яна бир иш силлиқини амалга ошганиданми, хандон отиб кулиб юборди.

14

Гулчехра ўша куни илк бор Тошкент сафаридан қайтган эрининг истикболига пешвоз чиқмади. Совға-саломларни қўлтиқлаб уйга кирган эрига истар-истамайгина салом берди. «Тан-жонинг соғми?» деб берган саволига эса: «Тарашадай тиришиб ётибман», деб бемаъни бир жавоб қайтарди. Жобирбек тушунмади, аммо ўйлаб ўтирадиган вақт эмас. Кўприксозлик бошқармасига чақиришишибди. Германиядан мутахассислар келадиган экан. Унинг лойиҳаси билан танишишмоқчи эмиш. Шундан у уйда узоқ қолмади. Телефондан хизмат машинасини чақирирди-да, кўчага чиқди.

Жобирбекдан рухсат бўлгач, машинани ўқдек учирив уйи томон кетиб бораётган Шосалимнинг кўл телефони жиринглаб қолди. «Оббо, – деди у тезликни бир оз пасайтириб, – уйга етиб боролмайдиганга ўхшайман».

Аммо у йўлдан қайтмади, қўнғироқ қилган Жобирбек эмас, Гулчехра экан.

– Тинчликми, янга?

– Салимжон, сиздан бир нимани сўрасам...

Гулчехра нимадандир иймангандай жим бўлиб қолди. Фикридан қайтди чамаси.

– Сўрайверинг, янга!

– Сиз акангиз билан ҳамиша биргасиз. Кеча кечкурун Тошкентда у киши билан бир жойдамидинглар?

Шосалимнимадейишини билмай қолди. Гулчехранинг эри ҳақида биринчи марта сўраб-суршириши: «Нима десамикин?». Борини бор ҳолича гапиргани маъқул. Қош кўяман деб, кўз чиқариб кўймасин тағин.

– Ха, кечгача бирга эдим. Кейин, меҳмонхонада қолдириб, бир-икки юмушларимни битириб келдим.

– Ёлиз ўзлариними?

– Ҳа!

– Қайси меҳмонхонада?

– «Курувчи».

– Мабодо сизда ўша меҳмонхонанинг телефон номери йўқми?

Шосалимда телефон рақами бор эди. Аммо бермади. Ишталга аралашмагани маъқул. «Йўқ» дейишдан кўра бошка усул кўллади.

– Маълумотлар бюросидан сўраб берайми?

– Йўқ! Ўзим сўраб оларман. Фақат сиздан илтимос, бу ҳақда акангизга гапириб юрмасангиз!..

Шосалим телефонни ўчириб, уловига газ берди. Машинанинг овози унинг сўзларини босиб кетди:

– Ўзингиз айтмасангиз, Шосалим бошини тифга тутадиган аҳмоқ эмас, янгажон!..

Вилоят ҳокимлигининг катта мажлислар залида тендер йиғилиши бўлиб ўтди. Унда воҳанинг бир неча ҳудудларида қурилиши мўлжалланган янги кўпrik иншоотларининг лойиҳалари танловга кўйилди. Вилоят ҳокими ва марказдан келган казо-казолар тендер ғолиби бўлган лойиҳа муаллифи Жобирбекни қутлашди. Шу пайт ҳоким кўпrikсозлик бошқармаси бошлиғига луқма ташлади:

– Ҳа, Мұхтарам Калонович! Нега қарсак чалмаяпсиз? Оғзингиздагини опдириб қўйганингизга хафамисиз ё? Ишлаш керак, ишлаш!..

Мұхтарам Калонович китоб жавонидаги ўша ҳолат акс этган фотосуратга боқиб, ўша воқеани яна бир карра хаёлидан ўтказди: “Бу жинқарча яна йўлимга тов бўлди: вилоят кенгашига муқобил номзодлар эмишмиз. Тавба! Ким ўйлаб топди шу муқобилликни, билмайман! Бир камим энди шу бола билан беллашмаганим қолди. Янгилик яратган бўлса, яратгандир. Нима бўпти? Дунёда қанчадан-қанча олим кўз кўриб, қулоқ эшитмаган мўжизаларни ихтиро қилаётпти. Бирортасиям вилоят кенгашига... дарвоҷе, ҳамма жойда ҳар ҳил аталади-ку, сенатгами ёки думагами ураётгани йўқ-ку, ўзини?».

Агар телефон жиринглаб қолмаганида, Мұхтарам Калонович ҳайҳотдек кабинетда ҳали анча вақт қоқкан қозиқдек туриб қолган бўларди. Залворли столини айланниб ўтиб, ҳашаматли креслосига чўкид-да, истар-истамай гўшакни кўтарди.

– Ким бу?

– Мұхтарам Калонович, гўшакни ўзингизкўтарганингиз яхши бўлди. Сизда муҳим иш им бор эди.

– Қабул куни шанбада! Рўйхатга ёзилинг, марҳамат, гаплашамиз!

У яна нимадир демоқчи эди, бояги киши унинг сўзини бўлди:

– Бу сизнинг фойдангизга, сайлов масаласида.

Мұхтарам Калоновичга айни шу кунларда сайлов масаласи бош масала бўлиб турар, чамаси телефон қилган одам буни жуда яхши биларди. Узоқдан қўнғироқ қилмаган шекилли, рухсат бўлгач, кўп ўтмай кабинет эшигидан унинг боши кўринди.

Мұхтарам Калонович ҳамма нарсани кутган бўлиши мумкин, аммо буни кутмаганди. Шул боис ҳам кутилмаган бу ташриф уни довдиратиб қўйди: “Сиз?” деди у меҳмонни ёнидаги курсига таклиф этаркан.

– Ҳа, кўриб турганингиздек, мен!

– Мен билан қайси муҳим масалада гаплашмоқчи эдингиз?


– Сайловдаги рақибингиз Жобирбек масаласида,

– деди бояги кимса, «рақибингиз» сўзига алоҳида ургу бериб. Кейин кўшиб қўйди: – Сизнинг фойдангизга албатта!..

Сакина ўзини излаб келган нотаниш кишилар билан аввалига учрашишни истамади. Бугун дам оладиган куни. “Лоақал, бир кун эркаксиз яшайнин, изн беринглар, барака топгулар!” – деди у телефон дастасини кўйишишга чоғланаркан.

– Биз сиз ўйлаган масалада эмас, балки бошка бир мақсадда сиз билан учрашмоқчимиз.

– Бошка масалада? – ҳайрон бўлди у. – Менинг шундан бошка иш қўлимдан келмайди.



Шундан сўнг, келганлар Жобирбек ҳақида гаплашмоқчи эканликларини билиб, кўришишга рози бўлди.

– Келинглар! Манзилимми? «Қорасарой , 193», – деб у нотаниш меҳмонларни уйига таклиф қилди.

– Жобирбекни номини эшитса хотинларнинг иштонбоги ечилиб кетадиган бўлиби. – Киноя қилди Сакинанинг чоғроқини ошхонасидан жой олган икки меҳмоннинг бири. – Мана, сиз ҳам биз билан учрашмоқни хоҳламай турган эдингиз, унинг номини эшитишингиз билан қарорингиз ўзгарди қўйди.

– Жобирбекнинг бу фронтда ҳам машҳур эканини билмаган эканмиз, – масхараомуз жилмайди иккичи меҳмон, чой дамлашга тутинган Сакинанинг калта кўйлаги остидан кўриниб турган оппоқ, силлиқ сонига ишора қилиб.

– Ўша муттаҳамнинг номи ўчсин! – Жигибийрони чиқди Сакинанинг.

– Ий-е, тинчликлими? У киши вилоятимизнинг нуфузли катта амалдорларидан – ҳурматлари зўр! – Атайнин уни алқаган бўлди иккичи киши .

– Бир гал ишрат қилгандик. Хотамтойлик қилиб қўлимга бир даста пул тутқазди. Ўшандәёк кўнглим сезганди-я, олмасам бўларкан. Ясама экан пуллари.

– Йўғ-э, наҳотки? У кишининг шунаقا қиликлари ҳам бор эканми ҳали? – росмана ҳайратланган бўлди иккала меҳмон.

– Вой, сизни алдаб фойда топаманми? – Сакина чой қўйиб узатаркан, ҳикоясини давом эттириди. – Пулларни «қўқ»ига алмаштироқчи бўлиб, яхшиям банкда ишлайдиган дугонамга борган эканман. Акс ҳолда,войбўй, шармандаликни кўринг эди. Ҳай майли, муддаоға кўчайлик, – жиддийлашди Сакина, – манда нима ишларингиз бор эди?

– Биласизми, ўша Жобирбек деганлари ҳақиқатан ҳам бузуқи бир муттаҳам одам! Лекин... лекин, нимагадир шу кунларда ошиги олчи. – Меҳмонларнинг бири сўзлари Сакинага қандай таъсир қилаётганини билмоқ учун бир муддат жимиб қолди. Кейин чой хўплади. Қараса, Сакинанинг вужуди қулоқ. Давом этди: – Шу одам бир акахонимизнинг йўлига ғов бўлиб, сайловга халақит беряпти. Шунга бир оз ёрдамингиз керак .

– Очиқроқ сўзлайверинг, нима қилиб беришим мумкин?

– Битта мактуб битиб берсангиз, – тилга кирди меҳмонларнинг иккичиси, – ўша ишрат кечаси билан боғлиқ воқеаларни, ясама пул ҳақида ҳам.

Сакина ўша куни Жобирбек хотинига телефон қилдиргани учун бир хафа бўлган бўлса, берган пуллари соҳта чиққани учун хафалиги очикдан-очиқ адоваратга айланганди. Шундан у бир оз иккиланди-ю, лекин таклифга кўнди. Хатни бошлишга бошлади-да, кейин бир нимани эслаб, таққа ёзишдан тўхтади. Эрраклар саросималаниб қолишиди.

– Бунинг менга зарари тегмайдими?

– Ишонтириб айтаманки, йўқ! Бу фақатгина унинг ўзига кўрсатилади. Номзодини сайловдан олса, бас! Шундан кейин бу хатнинг бир чақалик қиймати қолмайди.

– Унгача-чи?

Сакинанинг қочирими ўринли бўлди. Шу кез меҳмонларнинг бири: «Ҳа-я, унутибман», деди-да, юз долларлик қоғоздан учтасини столнинг устига чиқариб қўйди. Сакина меҳмонларни кузатаркан, яна бир нима эсига тушди:

– Дарвоқе, телефонимни кимдан олдингизлар?

Эрраклар аввалига бир-бирларига қараб жилмайишиди. Сўнг бири: «Сиз билган Жобирбекдан!» – деди. Сакина тушунмай, елкасини қисди. Кейин: «менга барибир эмасми», деди-да, эшигини ёпиб олди.

17

Жобирбек Шосалимни дўст деб ғоят қадрларди. Шосалим вилоят марказидан узоқроқда ўсиб улғайди. Оиласда ёлғиз ўғил бўлгани сабаб ҳарбий хизматни Қаршида ўтади. Кейин маълум бир муддат қишлоғига кетди. Ўйланди. Отасининг қирқини ўтказиб, эр-хотин шаҳарга кўчишиди. Бетон заводига ишга кирди. Ўшанда Жобирбек цех бошлиғи, Шосалим унинг кўл остида оддий ишчи бўлиб ишларди.

Бир сабаб бўлди-ю, Жобирбекнинг меҳрини қозонди у. Ўшанда кечки пайт цехда электр симларининг қисқа туташувидан ёнғин чиқди. Иш вақти тутаган бўлишига қарамай одамлар кўплашиб ўтни ўчиришга муваффақ бўлдилар. Оловни-ку, ўчиришга ўчиришиди, лекин эртага цехга комиссия келиши керак эди. Бу ахволда цех бошлиғининг ҳолига вой: камида қаттиқ ҳайфсан олиши турган гап. Шунда, унинг жонига Шосалим оро кирди:

– Оғайнilar, – деди у, ўзи каби оддий-оддий ишчи-ларга қаратса, – цехнинг обрўйи ўзимизинг обрўйимиз. Агар бир кечанинг баҳридан ўтсак, ҳамма нарсани жой-жойига қўйишимиз мумкин. Мен кечга қоламан, ким таклифимни кўллаб-кувватласа – қолсин; хоҳламаганлардан ранжиш йўқ.

Жобирбекнинг кўзига Шосалим шу лаҳзаларда најот қалъаси бўлиб кўрингандир. Ўзи бундек тақлифни ўла қолса киришишга журъат этмас, ўзининг обрўйи учун ишчиларни кечки сменада ишлата олмасди. Аммо бу ташаббусни оддий ишчи йигитнинг кўтаргани айни муддао бўлди. Кимдир истаб, кимдир истамай, лекин ҳамма ўша кеча цехда ишлаб чиқди. Жобирбек эрталабга яқин ҳамма ишлар қилиб бўлингач, барчани кечкурун уйида кутажагини айтиб зиёфатга чорлади.


Меҳмондорчилик жуда қуюқ бўлди. Жобирбек кундузи келган комиссия цех фаолиятини юқори баҳолаганини айтиб, барчага миннатдорчилигини билдириди: «Сизнинг бу фидойиликларингизни ҳеч қачон унутмайман». Кейин уйига кириб тутунча қилиб боғланган ўнта чопон кўтариб чиқди. «Қўйинг-қўйинг» дейишларига қарамай барчага тўн улашди. Меҳмонлар кетар чоғи, ҳамма билан қучоқлашиб хайрлашаркан, Шосалимнинг енгидан тортида: «Сиз бир муддатга қолинг», – деди шивирлаб.

Шундан кейин шу каби ҳолатлар кўп бор тақрорланди. Жобирбек ҳар бир ютуққа эришганида, мансаб пилла-пояларидан кўтарилганида қадрдан жамоасини зиёфатга чорлаб, ҳар гал меҳмонларни кузата туриб Шосалимни алоҳида олиб қоларди. Заводга директор бўлган куни ҳам шундай бўлди. Меҳмонлардан ажралиб, ҳовлига қайтиб киришгач Жобирбек унинг тирсагидан тутиб, ҳовли чеккасида усти брезент билан ёпиб қўйилган машинанинг ёнига етаклаб борди. Кейин чўнтагидан калитини чиқазиб, унинг кафтига қўйди.

– Машина муборак бўлсин!

– Менгами? – Шосалим росмана ҳайратдан довдираф қопди.

– Бу ҳали ҳаммаси эмас! – Жобирбек энди уни зиёфат столи томонга етаклади. – Эртадан бошлаб хизмат машнанаримдан бирини қабул қиласиз – ўнг қўлим бўласиз. Узоқ сафарларга, айрим шахсий ишларда ҳамроҳлик қиласиз.



Шосалимнинг бошига омад қуши, тўғрироғи омаднинг эгизак күшлари қўнганди. Шундок қимир этса, омад күшлари учуб кетадигандай қотди-қолди у.

18

Гоҳ у иш билан, гоҳ бошқа бир юмуш билан Тошкентга қатнашга тўғри келарди. Кейинги пайтлари йўл азоби сезила бошлади: «Толикиб қолаяпман, ҳалитдан!».

Жобирбек, машинанинг орқа ўринидигида, ёнидаги юмшоқ ёстиқчага ёнбошлаганча хаёл суреб борарди. Ташвишлар ҳам кўпайиб кетди. Тавба! «Катта йўлнинг катта бўлар муаммолари» деб тўғри айтишган экан. На уйда ҳаловат бор, на ишда тиним. Бир томондан мудафакиятларга эришиб завқланасан киши, бошқа бир томондан дилни хира қиласиган ишлар.

Айниқса, бир ой бурун сайловлар даврида Мұхтарам Калоновичдек одамнинг тарафдорлари тарқатган бўхтон ақлга сифмайди. Наҳотки, одам боласи бир-бирига шу қадар разиллик қила олса?! «Айниқса, Мұхтарам Калоновичнинг сайловчилар билан бўлган учрашууда қандайдир уйдирма мактубни дастак қилиб, мени ёмонотлиқ қилмоқчи бўлгани шундай одамга муносиб иш бўлмади. Ҳалиям, сайловчиларимга раҳмат. Ҳаммалари оддий одамлар, лекин ким қаёққа юр деса, эргашиб кетадиганлардан эмас. Айниқса, анави ўқитувчи амаки созлади-да!»

Жобирбек Сакинадан номаълум одамлар ёздириб олиб, ўқувчиларимиз учун анчадан буён нотаниш қолиб келаётган бир нусха, Мұхтарам Калоновичнинг кабинетига келтириб пуллаган мактубни сайловчиларга ўқиб бергач, мунозара учун минбарга чиқсан кекса мактаб ўқитувчининг сўзларини эслади.

– Мен адабиёт ўқитувчисиман, – дея ўзини таништирганди у. – Мавзу бериб, ўқувчиларимга иншо ёздираман. Текшираман. Баҳолайман! Энг яхшиларини кўпчиликка ўқиб бераман. Мұхтарам Калонович, мени кечиринг-у, кўлингиздаги мактуб сизнинг ўз ўқувчингизга ёздиранг иншоингиз бўлса керак. Мавзуни ўзингиз берган бўлсангиз керак!..

Мажлис аҳлига айни шу гап керак бўлиб турган экан, гулдурос қарсак чалиб юборишиди.

«Шундай чоғлари Гулчехра менга таянч бўладими десам, унинг муносабати тамоман тушунисиз. Кейинги пайтлари болаларнинг ҳам юриш-туришлари ўзгарган. Гулчехра таъсир ўтказяпти назаримда. Лекин, нега? Нима учун?». Айниқса ўтган гал Тошкентдан қайтганидаги ҳолат уни тамоман лоп қилди. Гулчехра унга қовоғини солиб салом бергани ҳолда, Шосалимга жилмайибгина, «Яхшимисиз?» деди. Болалар-чи, дадам келдилар деб эмас, Шосалим амаким келдила, деб кўчадан юргилаб киришганида, Жобирбекнинг ичидан бир нима «чирт» этиб узилгандек бўлди.

Жобирбек хаёлида кечган ёмон бир ўйдан сапчиб тушди. Бамайлихотир рул бошқариб бораётган Шосалимга шубҳали нигоҳ ташлади. Кейин ўз ишидан ўзи уялиб кетди: «Унда нима гуноҳ! У бечора ўз ишини қиласиги. Гулчехрани янга деб ҳурмат қилиши, болаларимни амакидек яхши кўриши табиий-ку!. Айб ўзимда, иш деб, отамнинг кўнглини юмшатаман деб оиламдан эътиборимни, меҳримни аяганга ўхшайман! Бунга чек қўяман албатта!».

У рўзгори шундоққина кўз ўнгидаги эски девордек нураб бораётганини кўриб турарди. Фақат уни таъмирлашга, сақлаб қолишига ишонгани ҳолда ҳозирча вақт топмайтганди. Ҳозир ҳам қатъий бир қарорга кела олмади.

Гулчехра одобли бир оила фарзанди эди. Дилидаги ҳадеганда тилига чиқавермасди. Ўзи билан ўзи куйиб, жизғанак бўлиб юраверарди. Бу гал ҳам шундай бўлди. Эрига дардини дастурхон қилиб ёсса, эътиrozларини айтса бўларди. Гарчи эрининг ишидан кўнгли дарз кетган, энди уни чегалаб бўлмаслиги кундек равшан бўлса ҳам тўлиб кетган юрагини бир оз бўшатиб олиши мумкин эди! Йўқ! У яна жим. Сўз демас, киноя-ю, кесатикларини, зарда-ю иддаоларини нигоҳларида жамлаб отгани-отган. Жобирбек эса бу каби боқишлар тилсимини еча олмай хуноб эди.

Уша нотаниш жувон кўнтироқ қилган кунлари сиқилиб юрган Гулчехра ота-онасини кўргани борди. Қанчалик яширасин, онаси унинг ичидаги дард борлигини сезди.

– Рўзгоринг тинчми ўзи, қизим? – сўради она безовталаниб.

Гулчехра шу жойда ўзини тутиб турга олмади. Бир неча кундан бери сассиз йиғлаётган юракнинг сирини кўзлари фош этиб кўйди! Онаси унинг дардларини тинглагач, қизини юпатди:

– Бу ҳар бир аёлнинг бошида бор қисмат! Эркак киши уйдан етти қадам узоқлашдими, бўйдок хисобланади. Шунга қўничишинг керак! Биз-ку, оддий одамлармиз, ҳатто пайғамбаримизнинг хонадонларида ҳам шундай можаро бўлган.

– Қандай можаро? – Гулчехра ажабланиб онасига бокди.

– Ҳазрати Алининг хотини Фотима онамиз, биласан, пайғамбаримизнинг қизлари бўлган. Эрлари устиларига хотин олмоқчи бўлганлариди, ичларига бир қалтироқ кирибди. Бу ҳақда оналарига, оналари оталарига айтибдилар. Шунда пайғамбаримиз (С.А.В): “қизинг чиқиб дарахти қуссин, қалтироғи қолади”, деган эканлар. Фотима онамиз, ўшанда бир улкан теракни қучган эканлару, қалтироғлари теракка ўтган, дейишади.

Ривоят Гулчехрага бир оз бўлса-да таскин бўлди. Онасининг сўзларидан тасалли топиб, уйга қайтди, хиёнатни кечирди ҳам. Лекин, эрига кўзи тушди, дегунча, унинг ўзга бир аёлга хотинининг ҳиссизлигини сўзлаб турган ҳолатини кўз олдига келтирап, ўз-ўзидан хомуш тортар, истамаса ҳам эридан жирканга бошларди: «Наҳотки унута олмасам?». Бот-бот ўзига ана шу саволни берар, ахир бунақада бирга яшашдан маъно йўқ-ку, дея даҳшатга тушарди. Кейин онаси сўзлаб берган яна бир ривоятни эслади.

Одам билан чўчқа дўстлашишибди. Чўчқа дўстини уйига мөхмона ҷақирибди. Даствурхон ёзиб, топган тутганини опдига кўйибди. Кейин бир оз мақтов олиш илинжида, «Қандай?» – деб сўрабди.

– Ҳаммаси яхши, гап йўқ! – дебди одам. – Фақат, уйинг бир оз сассиқ экан.


Одамнинг нонкўрлигидан чўчқа жаҳпланишибди. Зиёфат муштлашув билан тугаб, чўчқанинг боши ёрилибди. Дўстлик ришталари узилиб узоқ вақт юз кўрмас бўлиб кетишибди. Йиллар ўтиб, алоқалар яна тикланишибди. Энди одам уни уйига чорлабди. Мөхмона қилишибди. Кейин, хижолат ичра сўрабди:

– Дўстим, бир вақтлар бошингни ёриб кўйгандим. Жароҳатинг битиб кетдими?

– Жароҳат-ку, битиб кетди, аммо, – дея оғир хўрсанишибди чўчқа, – уйинг сассиқ деганинг ҳеч эсимдан чиқмайди.

Гулчехра баъзан эрининг сувратини қўлига олиб, «Азизим, нима қилиб кўйдингиз ахир? Хиёнатнингизни кечирдим, – ўкириб-ўкириб йиғларди у, – аммо «пуф, сассиқ», деганингизни унтулмайман, унута олмаяпман!»...

Давоми 16-бетда.



ТӘҢСІЛІККЕРДІК ОРОДАЛАЙЫЛЫМ

САРХИСОБ

Сүнгімни билмадим.

Аввалим аён –
Хануз ёдимдадир болалик пайтим.
Кейин ўсмирликни кузатдым шоён,
Күз очиб юмгунча улгайдим.

Чорак аср яшаб құйғаным ҳақдир,
Тайин ҳеч нарсага улгурмаганим.
Яна нелар ваяда қыларкан тақдир?
Вақтнинг ҳисобида ҳар бир қадамим.

Күнлар шиддатидан учоқлар ортда,
Тонг отар, күн ботар – яна ой сайри.
Йиллар пешонамга қаламин тортар,
О, у битикларни ўқиб бўлсайди!

Бир инсон умрининг мазмунни шулми:
Түгилмоқ.

Шошилиб яшамоқ.
Кейин...
Қачон эркалаймиз манов күнгилни,
Унинг сүрөгига мен нима дейин?

Қаранг, у кўксимни ургани-урган,
Нола қиломасдан тили ўйқ қушим.
Унга уқтириб ҳам бўлмайди бир гап,
Десам: фурсатим иўқ, сабр қил, тушун!

Аммо англагандай бўлар баъзида,
Ҳатто ҳозир мана шашти сусайди.
Эътибор қиломам эътиrozига,
Билганим – у мендан недир тусайди.

... Сүнгімни билмадим,
Бугуним бекор,
Бесамар кечмоқда ҳар лаҳза, пайтим.



Еэгантарим эса шунчаки ошкор –
Юрак саволидан түгилган айтим!

ҲАСРАТ

Дунё деганлари дирхамми, она,
У тўқис эмасми, бир камми, она?
Юклари эзди-ку елкамни, она,
Дардли дунёсида таскиним қани?


Билмасангиз, девдим мушикулларимни,
Лек буткул йўқотдим хуши кунларимни.
Захри ўтди қузак, қиши кунларимнинг,
Баҳор куним қани, ёз куним қани?

Шеърингни тингламас шовқин шаҳарлар,
Шомга ўхшаб борар беруҳ саҳарлар.
Одамлар кулгуни қайдан топарлар?
Бугун ўша шавқим, тошқиним қани?

Ўзимни алдайман, сизни алдайман,
Бунда «севдим», деб бир қизни алдайман.
Энди кўзингизга қараи қандай ман,
Ёлгон яшаяпман, рост куним қани?

О, бу сўзни не деб айтай онажон?
Олисдаман, уйни ташлаб – жонажон.
Ёнимдадир қозоз, қалам, кўч-кўрон,
Аммо... кўнгил деган рост иним қани?

Уни излаб хунобдириман кун-у тун,
Кишилоқда қолдиридим балки уннутиб.
Онажон, келсангиз бирор кун ўтиб,
Фақат шу... кўнглимни менга илиниб,
Шаҳарга йўл олинг, қоларман кутиб,
Сиз ва ундан бўлак таскиним қани?!



СЕН КЕТДИНГ...

Сен кетдинг.

Ва лекин кетаринг олди –
Дединг: «Бўлди. Тамом! Нуқта қўйинг, бас!»
Ортиқ саволларга на ўрин қолди...
Билдикки, тақдирнинг ҳукми ўйинмас.

Мен қотдим.

Осонмас альвидо демоқ,
Ортингдан термулиб, кўзим ёшланди.
«...Нуқта қўйинг, тамом!» дединг-у бироқ –
Мен учун ҳаммаси... кейин бошлианди!



ОТАМГА

Ота, юзингизга тушиган ажиннинг –
Ҳар бири менинг ҳар шўхлигиммиди?!
Бу оқ толалар-чи? –
Олисда юриб –
Ҳар дам ёнингизда йўқлигиммиди?

Ўқиб, одам бўлгин, – дердингиз кўпроқ,
Ҳали-ҳамон илм-у толибман, ота.
Бугун сочингизнинг тенг ярми оппоқ –
Бўлганин ҳам сезмай қолибман, ота!

Биламан, қишилоқнинг ишлари талай,
Кеч тугаб, бошлипар саҳармардондан –
Мен бугун шаҳарда юрибман ҳай-ҳай,
Ёлгиз ўғил бўлиб, бермасдан ёрдам.

Бугун зиммангизда буларнинг бари,
Сизга кўмакдошлиқ қила олмадим.
Орзулар олдинда турибди ҳали,
Етиб бўлармикан, била олмадим?!

Аслида, қишилоққа ошиқар юрак,
Аслида шаҳарга йўқдир тоқатим.
Ўз-ўзимга сабр-у қаноат тилаб,
Ёзиб ўтирибман мусофири хатим.

Ота, юзингизга ярашимас ажин,
Ота, бардам бўлинг, суюнганим – Сиз!
Ёқалари текис, юраги гижим –
Бўлиб юрган бу мен – шоир ўғлингиз!

РОЗИМАН

Согинчи ўртайди.

О, нечук дамки –
Болалик қолдирган издан розиман.
Келар кўкламларга кўз тутсам ҳамки,
Ўтган баҳорларим, Сиздан розиман!

Етишидим умримнинг чорак асрига,
Хотира қайтарар дилни аслига,

Томирларим туташи ҳар бир фаслига –
Юргурган ёз-у қиши, куздан розиман.

Бепоён ўлкамнинг бағирларида,
Тозни елкалаган адирларида,
Ҳислар териб ўсдим ёмегирларида,
Пойим ўпган дала-туздан розиман.

Нимадир ялат этди тафаккуримда,
Унга бўлсин меҳрим, ташаккурим-да!
Сўзлар билан қолдим яшаб, умримда,
Кўнглимни қуршаган сўздан розиман.

... Билмам, қанча фурсат бўлолдик ҳамдам,
Сўнг юзим саргайди фироқдан, гамдан.
Майли, қалбим, яна минг бора алдан,
Ўша...
алдаб кетган Қиздан розиман!

ЮРАГИМ СЕНИКИ ...

Юрагим сеники – нима қилсанг қил!
Ихтиёр сендадир, сендандир ҳукм.
Кўксим кенглигидан келиб қўргон қур,
У менга қалб, сенга ватандир чунки.

Озод яшагайсан унда, азизам,
Ёйилар дастидан чекмагайсан дард.
Бутун мамлакатинг узра мен ўзим –
Хитой деворидан мустаҳкам сарҳад.

Барча балоларга ўзим нишонман,
Тошиби у, наизами ва ёки ўқми?..
Юрting осмонида учмас, учолмас,
Шундай экан, нечун ҳадик ва қўрқув?!

Баралла қўшиқ айт ишқнинг мадҳида,
Жаннатий бир кўркка бўлурсан шоҳид.
Ҳеч ким халал бермас, гоҳи-гоҳида
Борса меҳрим борар дарвозанг қокиб.

Унда ўй сурасан тиниқ, бокира,
Хузурингда баҳор, тегранг лолагун.
Кулгичингга чопар лабинг соҳили,
Бахтнинг қучогида масрур малагим!

Кипригинг қитиқлар туйгулар тонги,
Шафақдаги шеър ҳам сенга аталган.
Ватан сеникидир, сен учун мангу,
Сен қандай кечасан бундай ватандан??

...Бир умр сен билан яшагим келди,
Бироқ мени қийнап шундай эҳтиёж:
Менинг ватанимни топиб бер энди,
Менинг мамлакатим дарвозасин оч!



Шосалим Жобирбекнинг яна бир сиридан воқиф ягона киши эди. Ўтган иили марказий газеталардан бирининг мухбири заводга келганди. Жобирбек билан сұхбатлашди. Нималарни дір ён дафтарчасига ёзіб олған бўлди. Мулоқот асносида, “ҳамма ёкни бетонлаштириб юборибсиз-ку, табиат кўйнинга ҳам чиқиб турасизми?”, деб сўради. Жобирбек бундай илмоқли гапларни тезда фахмларди. Дарҳол тоғли Яккабог оромгоҳларидан биріда дастурхон тузашларини буюрди. Завод цехларини айланиб чиқишгач эса, мухбир қызни бир пиёла чойга тақлиф этди.

Тоққа Шосалимнинг машинасида чиқиши. Зиёфат қизигандан қизиди. Даврада Жобирбек, мухбир ва Шосалимдан ташқари яна икки киши бор эди. Улардан бири кўрада кабоб пиширарди. Иккинчиси эса қозонда гўшт қовуриб тураг, дастурхондаги таомларни янгилаш ва бошқа майда-чуйда юмушлар ҳам уларнинг зиммасида эди.

Шосалим ўртада ўтириб қадаҳларни тўллатар, гоҳ директорни мақтаб, гоҳ мухбирни алқаб “тост” сўзларди. Зиёфат авжиди, каллалар ҳам қизиб, ўртага уят латифалар ҳам аралаша бошлади.

— Роса қизиб кетдим, — деди қиз катта пиёлани Шосалимга узатиб. — Менга муздеккина сув беринг!

— Чалоп тайёрлаб бера қолай, иссиқнинг тафтини олади! — деди Шосалим, қизнинг жавобини ҳам олмай, чалоп тайёрлашга тутинаркан.

— Чалоп? У нима? — қизиқсанди қиз.

— Саволингиз менга бир воқеани эслатди, — деди Жобирбек, ширакайф кўзларини зўрға очиб. — Собиқ Иттифок даврида вилоят раҳбарларининг иккичи котиблари, биласиз, рус миллатига мансуб кишилардан бўларди. Бир гал ана шу котиб райком секретари ҳамроҳлигида тоққа чиқиби. Чорвани кўриди. Ҳаво иссиқ; қўёшнинг тафтидан лоҳас бўлиб, катта бир тошнинг устига ўтириб олибди. Кейин хузурида қўл қовуштириб турганларга қаратса: «Такка чиқдик азиб-язиб. Энди битта жалаб бўлса, би-и-р маза килардик», дебди.

— Нима, нима? Жалаб? — қийқириб юборди қиз.

Унинг ҳикоядан таъсирланиб кетгани даврадагиларга хуш ёқди. Мақсад ҳам ўзи шу! Мухбирнинг кўнглини овлаш керак. Корхона ҳақидаги таассуротлари, аслида мана шундай даврада шаклланади.

— Ҳа, жалаб, дебди. Ўзбек тилини бузиб гапирав экан-да! — хикоясини давом эттириди Жобирбек, янада дадилланиб. — Хуллас, каттанинг гапи гап! Бажариш керак. Райком секретари хўжалик раҳбарини чеккага тортиби.

— Қишлоғингизда жалаб борми?

Хўжалик раҳбари «Йўқ» деган маънода елка қисибди: «Ўзимиз ҳам онда-сонда Қаршидан опкеламиз! Биттаси бору, ўрта ёшли хотин, лекин ўрисга кўнармикан – билмайман».

— Боринг. Кўндиринг! — қатъий буйруқ берибди райком секретари.

Хўжалик раиси қишлоқдаги якаю-ягона бева аёлни авраб-савраб, сочини қатиққа ювдириб, қошига ўсма кўйдириб олиб келгунча бир оз вақт ўтиби. Вилоят раҳбари эса, бот-бот безовталаниб, «Бир жалаб олиб келиш шунча кийинми? Бизни хатинлар буни тез бажаради», деб қўяркан. Ниҳоят раиснинг қораси кўринибди-ю, райком секретарининг елкасидан тоғ қулагандек бўлиби.

— Мана, айтганингизни бажо қилдик, — дебди хўжалик раиси, ёши етмишлардан ошиб қолган ўрис амалдорга, ўрта ёш жувонни рўпара қилиб.

— Нима бу? — сўрабди амалдор, кўзлари ола-кула бўлиб.

— Буми? — ҳайрон бўлибди хўжалик раиси. — Бу сўраганингиз – жалаб! — Кейин, бева аёлга ҳадиксираб қараб, «кечирасан, Потма!» деба узр сўраб кўйибди.

— Ҳей, калла! — дебди ўрис амалдор. — Чорвада ишлайсан, жалабни билмайсан? Катикни оласан, чашкага соласан. Сув куясан, ложка билан чаласан – жалаб бўлади.

Мухбир қиз латифанамо бу ҳикоядан қотиб-қотиб кулди. Қийқириқлар латифага, латифалар қадаҳларга уланиб кетди.

Эртаси куни тонгда Жобирбек зил-замбил калласини кўтариб, ўзини илк бор нотаниш тўшакда кўрди. Кейин бир неча кун ўзидан ўзи жирканиб юрди. Бир-икки ой ўтиб, ўша кўнгилсиз воқеани энди-энди унута бошлаганди, Тошкентдан мухбир қиз кўнгирок қилиб қолди.

— Жобир ака, нима иш қилиб кўйдингиз? Мен сизга ишониб тоққа чиқиш ҳақидаги таклифингизни қабул қилгандим! — Қизнинг иддаоларидан Жобирбек ёмон бир иш қилиб кўйганини фахмлади. Аммо, ҳеч нимани эслай олмади. — Биламан, кайфингиз баланд эди, — нолиниша давом этди қиз, — мен роса қаршилик қилдим. Кучим етмади! — У энди йигламсираб ҳиққиллай бошлади. — Юзим шувут бўлди, Жобирбек ака!.. Сиз ҳузурингизга борган ҳамма аёлларни шундай қиласизми?

Жобирбекнинг пешонасидан совуқ тер чиқиб кетди. Тили калимага келмади – қовоқ арига ўхшаб нимадир деб тўлдиради:

— Кечиринг, кайфчилиқда!

— Мен сизни айбламайман, йигитчилиқда бўлади. Тушунаман. Қолаверса, ўзимдан ҳам ўтди. Тоққа чиқмаслигим керак эди. Мен-ку, барисини унутмоқчи эдим, аммо...

— Нима, аммо?


— Бола!..

Жобирбекнинг кўз олди қоронғулашиб кетди. Боши арининг уясидек ғувиллар, хаёлида ечимсиз саволлар чарх уради: «Энди Гулчехранинг юзига қандай қарамайман? Болаларимнинг-чи? Лекин, муштипар қизни бу аҳволда қолдириб бўлмайди, болани ҳам!».

Орадан бир неча кун ўтиб, Шосалимни Тошкентга жўнатди...

Жобирбек кейинги пайтлари хотинидаги ўзгаришни пайқаб Гулчехра ўша воқеадан хабар топдимикин, деб чўчиб юрарди. Агар хабар топган бўлса, кимдан деган савол қиёнарди уни: «Бу ишлар бости-бости бўлиб кетганига анча бўлди. Наҳотки жабрини бир умр тортсан!». Жобирбек ўз-ўзини айблашдан чарчамас, «ўша норасиданинг уволига қолдим» деб қиёналарди у.

Ўшанда Шосалим Тошкентдан «қиз ҳомиладан кечибди» деган хабарни олиб келганди. Жобирбек бир хисобда қувонганди. Ҳатто операция чоғида, жарроҳ қизни бир умрга майиб қилиб кўйганини, энди биргина орзузи, Тошкентдан бир ҳовли сотиб олиб – шунда беташвишгина яшамоқчи эканини айтиб юборганда ҳам унчалик оғринмади.



Ишни батамом бости-бости қилиш учун Шосалимни яна Тошкентга жўнатди. У зиёфатда хизматда бўлган икки танишини бу сафар йўлга ҳамроҳ қилиб олди. Ахир 50 минг доллар билан якка– ёлғиз йўлга чиқиб бўларканми?

Агар шу воқеа бўлмаганида, Жобирбек Гулчехра билан аллақачон гаплашиб олган бўларди. Муносабатларини ойдинлаштиришни кечикириб келаётгани ҳам шундан. Бир кўнгли, «Воқеани бошдан-оёқ сўзлаб берсам, мени тушунармикан?» деб ўйлар, бир кўнгли ич-ичида шу кўнгилсиз воқеага асло қайтмасам, ҳеч қачон эсламасам, дерди. Кейин, яна мушоҳадага бериларди: «Воқеадан уч кишигина воқифмиз – мен, Шосалим ва қиз. Хотиним уч кишининг биридан эшитиши мумкин холос. Мен айтганим йўқ. Нима деб айтаман, ахир? Шосалим? У айтмайди – унақа пасткаш эмас у. Демак, биргина у қоляпти. Лекин, олганини олди-ку? Ками бўлса мендан сўраши керак!... Йўқ, йўқ, имоним комилки, Гулчехранинг хафагезаклигига бошқа сабаб бор! Қандай сабаб? Билмайман, уф-ф-ф!».

Ана шундай кечинмалар оғушида янги бозор курилишини айланиб чиқач уст-бошини қоқди-да, машинаси томон кетаётганди, рўпарасидан бир лўли хотин чиқиб қолди.

– Ман санга бир пол очай, сан эшитгин! О-о-о, руҳинг бозовта, кўзларингда дард, ўйингда ҳаловат йўқ! Чарчагансан болама, чарчагансан! Бер, атаганингни – бер! Ман санга бир пол очай.

Жобирбек табиатан ромга ҳам, ромчиларга ҳам ишонмасди. Аммо ҳозир беихтиёр ўзини ромчининг измига топширди. Санамай пул берди. Кейин унинг лўлича жаврашларига астойдил қулоқ тутиб турди.

– Бургутнинг бачаси экансан, чумчуққа ўхшаб яшайсан, тартанак уясига илашгансан...

Ўша ёндафтарчаданги бизга таниш жумлалар. Жобирбекнинг кулгиси қистади: «Илон, чаён, тартанак, чумчуқ. Нима бало, ромчиси тушмагур, зоология ўқитувчисими, дейман!».

Бир оздан сўнг машинада кетиб бораркан, ром тафсилоти ўта маънили экан, деган хуласага келди. Кейин, ёдимдан кўтарилиб кетмасин, деб ёндафтарчасини олдида, сўзларини қисқартириб-қисқартириб, ўзи тушунадиган тарзда қоғозга тушириб қўйди.

Жобирбек бу бошқотирмадан кейинроқ бирор маъно уққанми йўқми – билмадигу, аммо Акмал жиноят ишини очища, калаванинг учини айни шу ром тафсилотларидан топгандек бўлди.

22

Акмал тергов ишларининг бориши ҳақида шаҳар ички ишлар бўлими бошлиғи майор Нурхўжаевни хабардор қилиб турарди. Бугун ҳам ҳар галгидек хонада уни майор Нурхўжаев, яна фуқароча кийимда икки киши кутиб туришган экан.

– Акмал Чориев, – уни бояги икки нотаниш меҳмонга таниширди Нурхўжаев, – мазкур жиноят иши юзасидан қидирув-тергов ишларини олиб бораётпти. – Кейин, Акмалга юзланди: – Қилинган ишлар юзасидан батафсил маълумот берсангиз.

Акмал жиноят ишига оид тафсилотлар тиркалган папкадаги хужжатларни бир неча нусхада кўпайтирганди. Даврадагиларга биттадан тарқатиб чиқди. Сўнг тафсилотларни бирма-бир баён этишга киришди. Тинглагувчилардан ана у иккитаси бу пайт Акмал берган тергов

хужжатларини синчиклаб кўздан кечирмоқда эди. Сиртдан қараганда Акмал билан қизиқмай кўйишгандек, унинг сўзларига эътибор беришмаётгандек туюларди. Шундан Акмал бироз хижолат тортди. «Эҳтимол, уларга халақит беряётгандирман», деб ўйлади ичида. Кейин хужжатлар билан яхшилаб танишиб олишлари учун имкон яратмоқ бўлиб, бир муддат сўзлашдан тўхтади. Бояги кишилар «нега тўхтадингиз» дегандек «ялт» этиб унга қарашди. Акмал сўзини давом эттириши лозимлигини англаб, воқеалар ривожини тўхтаган жойидан давом эттириди, меҳмонлар яна қоғозларга эгилишиди.

Акмал бирпайтнинг ўзида ҳам сухбатдошини тинглашга қодир бўлган қадимги юонон файласуфи Цицерон ҳақида ўқиганди. Ҳозир шундай қобилият соҳиби бўлган анави кишиларни кўриб, ҳаваси кўзиди.

Меҳмонлар тергов-қидирув тафсилотлари билан танишиб бўлишгач, ниҳоят хужжатлардан бош кўтаришиди. Тўрда, майор Нурхўжаевга яқинроқ турган, сийрак сочли, кўзойнак таққани давра ахлига бир кўз югуртириб чиқдида, ҳаммага тегишли дегандек, ўртага савол ташлади:

– Тўпланган маълумотлардан келиб чиқиб, кимда қандай мулоҳаза бор – марҳамат!

Майор Нурхўжаев яна Акмалга юзланди:

– Биз ишнинг боришини кунда мулоҳаза қилиб борамиз. Вазият ҳозирча тўлалигича ойдинлашгани йўқ. Лекин, Чориевнинг айрим хуласаларига умид боғлаш мумкин, деб ўйлайман.

Бошлиқ шу сўзларни деб, Акмалга «айт» деган маънода бош иргаб кўйди. Рухсат бўлгач, Акмал қидирув ишлари асносида воқеаларнинг ўзи учун сирли бўлиб туюлган учта мухим нуқтаси ҳақидаги фикрларини ўртага ташлади.

23

Тергов давомида Акмал маълумот олишга муваффак бўлмаган якаю ягона одам Жобир бекнинг отаси Мурод Шомуродович бўлди. Табиатан камгап бу одам, катта ўғли Қодирбекнинг фожеали ўлимидан кейин тамоман узлатга чекинган, ўзининг кичкинагина ҳовлисида охиратини кутиб яшаб келарди.

Акмал унинг ҳузурига бир неча бор ташриф буюрди. Аммо бирорта ҳам саволига жавоб олмади. Худди «Соқов рицар»нинг ўзгинаси, нурсиз кўзларини бир нуқтага тикканича «миқ» этмай тураверди: «Қизиқ, шунақа одам ҳам бўларкан-да!». Мурод Шомуродович ҳақида ўйлаганида Акмал бир нимани тушунмасди: «Хўш, Қодирбек унинг тўнгич ўғли бўлган. Лекин, Жобирбек ҳам ўғли-ку! Майли, катта ўғлидан айрилди, тақдир! Аммо, кичик ўғлидан тирик ажralиб турибди-ку! Ахир тўнгичига бўлган меҳру муҳаббати кичигига кўчиши керак эмасмиди?.. Бунчалар ҳам қаҳри қаттиқ бўлмаса!.. Ахир, тўнгичига шунча йил мотам тутиб келаётган отани кенжা ўғлининг дом-дараксиз гойиб бўлиши, наҳотки заррача ташвишлантирмаса?»...

Акмал бу ишларда балки ўзининг қўли бордир деган хаёлга ҳам борди. Лекин дарҳол бу фикрдан қайтди. Агар шунга ўхшаш сабаблар билан айб тақаладиган бўлса, кўпчиликдан шубҳа қилишга асос етарли эди. Масалан, Мұхтарам Калонович. Сайлор туфайли Жобирбекдан панд еди. Адоватлашиб қолди. Тўғри, Мұхтарам Калонович Жобирбек йўқолишидан икки-уч кун бурун бандаликни бажо келтирди. Лекин унинг тириклик чоғи тузган реjasини гумашталари охирига етказган бўлиши мумкин-ку!



Ёки мана хотини – Гулчехра! Жаҳлланган кезлари, болаларига «Хув, етимча қолгурлар» деб ўшқириб берганини кўшнилари бир неча бор эшишишган экан.

Шуларни ўйлаб, Акмал шошма-шошарлик билан хулоса чиқаришдан тийилар, санамай саккиз демаслика ҳаракат қиласди. У отанинг хузурига сўнгги бор келганида Жобирбекнинг данғиллама ҳовлиси этагидаги эшик орқали уникига ўтганди. Қайтишда яна шу йўлдан қайтди. Усти айвонча қилиб ёпилган чиройли қилиб безатилган каровотда Гулчехрани аллақандай қофоз парчаларини ёйиб, термулиб турган ҳолда кўрди. Бир оз ўнгайсизланди. Кейин шунчаки ўтиб кетишни эп кўрмай, томоқ қириб кўйди. Гулчехра бир оз ўйчан, намчил кўзларини ердан кўтариб, унга томон ўгирилди.

– Уэр, янга! Мен отанинг хузурларига келгандим!
– нариги ҳовлига ишора қилди у. – Ирим қилиб, келган йўлимдан қайтган куним эди!

– Ҳечқиси йўқ, хизматдаги одамсиз!

Гулчехра қофоз парчаларини кафти билан яширмоқчи бўлди. Агар шундай қилмаганида, Акмал эҳтимол ҳозироқ бу ҳовлини тарқ этган бўларди. Энди эса, мана шу майдамайда қийқимлардан иборат бир парча қофоз унинг эътиборини ўзига тортганди.

– Янга, азбаройи қизиқувчанилигим учун уэр сўрайман аввало. Термулиб турганингиз, у қанақа варак. Агар Жобирбекка алоқадор қофоз бўлса – танишсан дегандим.

Гулчехранинг авзои ўзгарди.

– Бу бизнинг шахсий муносабаларимизга тегишли бир хат. Унинг ишга алоқаси йўқ қичар?!..

– Шундай бўлган тақдирда ҳам, рухсат беринг, кўрай!

Акмал яқинроқ келиб қўлини узатди. Жувон ноилож қолганди. Ўзи учун аламли бу мактубни элга овоза қилиб бадтар мулзам бўлишни истамас, аммо ҳозир уни терговчига беришдан ўзгаchorаси қолмаганди:

– Анави, тошкентлик жазманинг хати. Тошкентга кета туриб унтутиб қолдирганми, ёки атайнин, – Гулчехра, яна кўзларига ёш олди, – аламдан йиртиб ташлагандим.

Акмал кутилмаган топилмадан ҳаяжонланиб кетди. Бу мактуб сайлов даврида бир марта юзага қалқиб чиқкан-у, шу билан эътибордан четда қолган – Сакина Хаджиева исмли аёлнинг тилидан битилган мактуб эди. Кейнчалик суриштирувлар даврида Акмал ана шу хат билан қизиқкан, аммо топа олмагач, уни «Муҳтарам Калонович ўзи билан гўрга олиб кетган» деган хulosага келиб, будалилдан тамоман умидини узган эди..

– Бу мактуб Жобирбекка қандай тушиб қолганини билмайсизми?

Гулчехра терговчи мактубга ўзгача бир назар билан қараёттанини кўриб ҳушёр торти:

– Муҳтарам Калонович берган бўлиши керак!

– Муҳтарам Калонович?

– Ҳа! Ўлимлари олдидан эримни чақирирган эдилар!

Акмал миясига қуюлиб келаётган саволларга жавоб топмоги лозим эди. Энди саволлар ечимсиз қолмаслиги аник, колаверса, кўлида тилсимлар калити туриди.

– Янга, рухсат берсангиз, қофозларни маълум бир муддатга олиб кетсан.

– Бутунасига олақолинг! Бир ҳисобдан кўзимдан нари бўлгани дуруст! – розилик билдириди Гулчехра.

Акмал аввалига гапни нимадан бошлашни билмай каловаланиб қолди. У шу туришда нуфузли олимлар қаршисида номзодлик ишини ҳимоя қилаётган аспирант-дек ҳис қиласди ўзини. Назарида хulosалари ўта жўн, эътиборга молик эмасдек туюлди. «Қабул қилишмаса-я», деган бир ҳадик кўксини кемира бошлади. Кейин, орқага йўл йўқлигини фаҳмлади. Фикрини Гулчехрадан ўша мактубни олган нуқтадан бошлаб баён қилишга киришди:

– Воқеалар ривожининг учта энг муҳим нуқтасига эътиборингизни қаратмоқчиман: биринчидан, Муҳтарам Калонович ўлими олдидан сайловдаги ашаддий рақиби – Жобирбекка уни ёмон отлиқ қилишда дастак бўлган мактубни топширган. Нима учун, деган табиий бир савол туғилади. Назаримда, умрининг сўнгги дамлари виждони олдида ўзини оқламоқчи бўлган. Иккинчидан, Жобирбек эртаси куниёқ, мархумни кўмиш маросимидан кейин шошилинч равишда Тошкент сафарига отланган. Пойтахтга кетаётгани маълум, аммо пансионатга бораётганини ҳеч ким билмаган. Нега? Бизнинг тахминимизча у ўзини безовта қилишларини хоҳламаган. Унинг танҳо ўзи, гуваҳларсиз бажариши лозим бўлган қандайдир юмушлари бўлган.

Учинчи нуқта шуки, ҳамиша Тошкентга Шосалим билан бирга бориб келиб юрган Жобирбек бу сафар уни ҳамроҳ қилмаган. Сирли сафари ҳақида, ҳаттоқи энг яқин дўстига ҳам ҳеч нима демаган. Хуллас, биз барча чигил жумбоқларнинг ечими – мана шу мактубда деб ўйлаймиз.

Акмал сўзини тугатгач, ҳадиксираб даврадагиларга кўз ташлади. Уни эшитиб турган меҳмонлар қўйи эгилган ўйчан бошларини кўтардилар. Юзлари ёришганини қўриб Акмал енгил нафас олди. Қуйироқда ўтирган ингичка мўйлаби ўзига ярашиб турган йигит луқма ташлади:

– Таклифингиз?

– Иккита нуқтада доимий назорат ўрнатишни таклиф қиласман. Биринчиси, Жобирбекнинг уйи орқали қариянинг ҳовлисини; иккинчидан, Шосалимнинг қишлоқдаги уйини доимий кузатувга олишимиз лозим.


– Асос? – кўзойнакли киши юзланди унга.

– Асосим шуки, Жобирбек билан отаси ўртасида узоқ вақтдан бери зиддият мавжуд бўлган. Бу ҳақда ҳамма билади. Ота ўғли билан деярли сўрашмай, сўзлашмай ҳам қўйган. Аммо Жобирбек отасининг ҳолидан хабар олишни канда қилмаган. Кунда-кунора кириб турган. Фаразимча, у фақаттина шу мақсадда кирмаган. Жобирбекнинг жони ана шу ҳовлида яширган бўлиши керак!..

– Бойлиги, демоқчисиз-да? – Майор Нурхўжаев унинг сўзига аниқлик кириди.

– Бу балки пулдир, балки ихтиро, – деди Акмал, Зулфиқоровнинг сўзларини эслаб. – Хуллас, бу энг бехавотир жой. Ҳеч ким шубҳа қилмайди. Кар ва соқовга айланган ота эса, билиб-билмай, улкан илонга ўхшаб ўғлининг бисотини қўриклаб ётиди.

Жобирбекнинг Шосалимсиз иш битирмоқчи бўлгани эса, бу икки ўртада зиддият пайдо бўлганининг белгиси бўлиши керак. Балки у жон қушчасига ҳамта қилмоқчи бўлган илонни кўйнида асраб юрганини пайқаб қолгандир. Уни даф этмоқ учун аввало, тортанак уясига чувалашиб қолган оёқларини бўшатиб олмоғи лозимлигини англағандир. Шунинг учун ҳам унинг Тошкентга сўнгги сафаридан



кўзлаган мақсади: биринчидан, мана бу мактубни битган жувонни топиш, иккинчидан, мухбир қизни учратиш бўлган, деган эҳтимолимиз бор.

– Муқаддам берилган маълумотларга кўра, мухбир қиз билан орани очиқ қилган эди-ку? У яна нимага керак бўлиб қолдийкин? – кетма-кет саволга тутди уни вилоят ички ишлар бошқармасидан келган вакил.

– Жобирбекнинг хизмат машинасида Асқар ака деган амаки ҳайдовчилик қилади. У киши бир воқеани сўзлаб бердилар. Айтишларига қараганда, Жобирбек Тошкентга кетмасидан икки-уч кун бурун завод меҳмонхонасида телевизор томоша қила туриб алланарсадан жуда дарғазаб бўлиб кетган. Шосалимни сўрраттирган. Уни излаб топиша олмаган. Бир оз ҳовури босилгач эса, бу масалага ортиқ қайтмаган.

Биз Тошкент телевидениеси билан боғландик. Асқар ака тусмоллаб айтган соатларда қандай кўрсатувлар эфирга чиққанини аниқладик. Дастурларни кўчиритириб келдик. Ногиронлар куни муносабати билан берилган бир лавҳада, бундан бир йилча бурун мухбир сифатида заводга келиб-кетган жувон намойиш этилган бўлиб чиқди. Кўрганлар уни танишди. Иккита ногирон боласи бор экан. Эҳтимол, ўшаларни деб шундай ишга қўл ургандир.

Жобирбек ҳам ўша куни ана шу лавҳани кўриб тутақиб кетган чамаси. Шосалимни излаб қолиши ҳам шундан бўлиши керак! Чунки қиз билан боғлиқ можарони бости-бости қилиш учун эллик минг доллар пулни Тошкентга Шосалим олиб бориб берганди-да. Демак, шубҳа туғилган: ё қиз Шосалимни алдаган, ёки Шосалим Жобирбекни чув туширган.

Шосалим сўроқ пайти: «Жобирбек пулни хотиним кўрмасин деб, отасининг дарвозаси томонидан чиқариб берди», – деган эди. Бу эса Жобирбекнинг бисоти отасининг ҳовлисида эканидан, Шосалим бундан боҳабар эканидан далолат беради.

Вазирлик вакили кўзидан ойнагини олиб, дастрўмолчаси билан унинг шишаларини тозалай бошлади. Бир муддат нималарнидир мuloҳаза қилиб турди. Кейин:

– Жобирбек мактубни айнан Мұхтарам Калоновичдан олгани тасдиқланганми? – деб сўради.

– Йўқ. Жобирбек билан Мұхтарам Калонович палатада ёлғиз бўлишган. Марҳумнинг хотини айтишича, Жобирбек кетгач эрининг ҳузурига кирганида, уни кўзлари жиққа ёш ҳолида кўрган.

– Ҳм-м, қизиқ! – Вазирлик вакили яна кўзойнагини тақиб олди. – Жудаям қизиқ! – Кейин Нурхўжаевга юзланди у. – Бу ишни тезроқ охирига етказиш керак. Одамлар орасида миш-миш гапларнинг урчиб кетишига йўл қўйиб бўлмайди. Шундоқ ҳам бир-икки куракда турмайдиган узунқулоқ гаплар тарқаб кетиби. Ишни тезлаштириш учун сизларда ҳамма имконият бор, деб ўйлайман. Кадрлар масаласида-ку, – у Акмалга ишора қилди, – гапирмасак ҳам бўлади. Фақат, манёвр учун мутахассис керак бўлса – марҳамат!

25

Фуқароча кийинган икки нотаниш кишининг – Акмал уларнинг ички ишлар вазирлигидан эканини йиғин сўнгидаги билди – бугунги ташрифи ҳам аслида шаҳар аҳолиси орасида тарқаб кетган турли миш-мишларнинг олдини

олиш, тергов-қидирув ишлари билан танишиб, жараённи тезлаштиришга қаратилган эди.

Шаҳарда уч ойдирки ҳамманинг оғзида шу гап эди. Ҳар ким бу воқеани ўзичи талқин қилас, ҳар куни янгидан-янги тахминлар тўқиларди: кимдир Жобирбекнинг тақдирига азбаройи қайғурганидан, кимдир эрмакка ўчилигидан, кимдир ўта қизиқуҷанлигидан – хуллас, ҳеч ким бу мавзуни четлаб ўтолмасди: «Жобирбек чет элга қочиб кетганмиш!» – сайлов пайти юзага қалқиб чиқкан бир жувоннинг мактубида, унинг чўнтағида иккита спорт кўрганлиги айтилган маълумотни дастак қилиб сўзлаб юрди одамлар аввалига. Кейин, «ҳукумат қамаб кўйганмиш – ихтиросини чет элга сотгани учун», деган фаразлар тарқади. Хуллас, шаҳар кунда бир янги маълумот эшишарди, фаразлар бисёр, фақат Жобирбекдан дарак йўқ эди.

– Элнинг оғзига элак тутиб бўлмайди, – шаҳар ички ишлар бўлими бошлигининг хонасига эрталабдан бери танда қўйиб олган меҳмонларнинг бири деворга осиглик соатга бир қараб олди-да, барчага қарата деди: – Токи масалага ойдинлик киритиб, ишни охирига етказмас эканмиз, миш-мишлар улғайиб бораверади. Билингки, бундай асоссиз миш-мишлар терговни ҳам чалғитиши мумкин.

Майор Нурхўжаев меҳмоннинг охири гапидан бир оз саросимланиб қолди. Акмал ҳам уни «Миш-мишларга ҷалғиб, тергов ҳаракатларини охирига етказа олмаяпсизлар» қабилида тушинди. Фақат меҳмон фикрини давомини айта бошлаганидагина бир оз тинчланишиб, ҳатто билинар-билинмас табассум билан бир-бирларига қараб олишиди.

– Умумий тергов ҳаракатлари натижаларидан қониқиши ҳосил қилдик, – деди у ҳамроҳига юзланиб. Иккинчи меҳмон, боши билан тасдиқ ишорасини бергач, давом этди: – Бу ҳақда вазирга етказамиш, Чориевнинг таклифини ҳам эртагаёқ генерал ҳузурида кўриб чиқамиш. Балки ёрдамга иккита яхши ходим жўнтармиз.

Акмал шундагина меҳмонлар ички ишлар вазирлигидан эканини фаҳмлади. Ўзини шу пайтгача худди болалардай ҳис этди. Бирдан жиддий тортди. Лекин ичидан хурсанд эди у. Чунки вазирлик вакиллари унинг ишидан қониқанликларини айтишди. Таклифларини маъқуллашди. Айниқса Акмалнинг таклифини генерал ҳузурида кўриб чиқамиш, дегани жуда ёқди. Ахир, генералнинг назарига тушиш – бу ҳазилакам гап эмас!

Эртаси куни Тошкентдан иккита ходим етиб келди. Майор Нурхўжаев хонасида, Акмал ва бояги ходимлар иштирокида ҳаракат режаси тузилди. Қидирув ишлари поёнига етгунга қадар режанинг махфийлиги сир тутиладиган бўлди.

26

Эрталаб гаражга келган Асқар ака заводга вақтингчалик Шосалим директор этиб тайинланганини эшишиб ҳайрон қолди: «Шосалим – директор?» – ақли шошиб қолди бу янгиликдан. Ахир Шосалим директор бўлади, деб ким ҳам ўйлаганди?! Кейинги бир неча йил мобайнида у умуман заводдан узоқлашганди. Уни Жобирбекнинг шахсий ҳайдовчиси сифатида танишарди одамлар. «Қизиқ замон бўлди-да, – ўйлади Асқар ака, – бир умбалоқ ошсанг-у, директор бўлиб қолсанг! Омад деганлари шу бўлса керак? Бир ҳисобдан шуниси ҳам яхши.



Синашта одам!» Шу пайт Асқар аканинг кўнглидан оғриқли бир фикр кечди: «Наҳотки, Жобирбек шу кўйи жим-жит бўлиб кетса? Қандай яхши киши эди-я! Унга қанча-қанча ёрдамлар килганди. Институтда ўқиётган қизига шартнома пулларини ўтказиб бериб турарди. Ўғлини уйлантирганда тўй харажатларига қарашвортганди. Эй, Худо, қайда бўлса ҳам омон бўлсин ишқилиб!», – юзига фотиха тортди у. Кейин машинани ўт олдирди-да, ташқарига ҳайдади.

Чиқавериша уни диспетчер хотин тўхтатди:

– Аскар, медосмотр прошёл?

– Да, брось Нина, отпусти меня! – Шу расмиятчиликни одатдагидек четлаб ўтмоқчи бўлди у.

– В этот раз серёзно! Аскар, иди, время не теряй!

Асқар ака Нинани ҳеч қачон бундай жиддий қиёфада кўрмаганди. Шундан вазият бошқачароқ эканини, ҳатто директорнинг ҳайдовчиси бўлса ҳам, қоидага бўйсуниши лозимлигини фахмлади: «Оббо, Шосалим-эй! Тартибни остонаядан бошлабди, – ёмон эмас. Интизом – яхши!».

Асқар ака машинани чеккага чиқариб тўхтатди. Кейин, кўриқдан ўтиш учун тиббий кўрик хонасига қараб кетди.

«Асабларингиз жойида эмас!» – дейишди унга. Биринки ҳафта ҳордиқ олиши кераклигини айтиб машинадан четлатишди. Машинани эса вақтинча Илҳомжон деган янги йигит юргазиб турадиган бўлди.

Асқар акани шифокорларнинг кутилмаган хулоаси танг қолдириди. Бир кўнгли, норозилик билдиримоқчи бўлди-ю, «балки Шосалим ўзига синашта одамни ҳайдовчиликка олгандир» деб фикридан қайтди. Бўйсунишдан ўзга чораси қолмаганди. Фақат машинасига бир оз ачинди: «Ёш йигит, устига-устак тажрибасиз, машинани асраб минсин-да ишқилиб!» – ташвишланди у.

Шосалимнинг тиббий кўрикка алоқаси йўқ эди аслида. Ҳайдовчиларнинг алмаштирилишидан-ку, умуман бехабар эди. У бугун эрталаб эртаки ўрнидан туриб, устбошини тузатишга киришди: оқ кўйлак кийди, рангли галстук тақди. Костюм-шим, кора туфлида у бибинои директор бўлди-қолди. Ўзини ойнага солиб, «Одамни одам қиласидан усти-бош экан-да!» деди. Ўзига-ўзи сукланиб турганди, телефон жиринглаб қолди.

– Табриклиман!..

Шосалим бу товушни эшитди дегунча, қарама-қарши ҳислар орасида муаллақ қолар: на кувонар, на қайгурга оларди. Ана шу товуш соҳиби туфайли у бугун хаёлига келмаган юксак мартабага эришди. Аммо бу товуш унга кун сайин тубанлашиб бораётганигини ҳам эслатиб турарди. Ҳозир ҳам худди ана шундай ҳолатга тушди:

– Раҳмат! – зўрга жавоб қилди у.

– Нима, хафамисан? – сўради сирли овоз.

– Йўқ! Аксинча!

– Шосалим, унутма! Сенинг номзодингни тасдиқлатиш менга осон кечмади. Мана, энди директорсан. Бардам бўл! Заводдаги ишлар ўз йўлида – сенсиз ҳам завод ишлайверади. Шартизиз эсингдан чиқмасин – ўқдингми?

Шосалим «Уқдим» дейишга ҳам улгурмай қолди. Қўнғироқ қилган сирли товуш соҳиби гўшакни кўйиб кўйди.

Гулчехра тунни мижжа қоқмай ўтказди. Ранги-рўйи бир ахвол қизрасининг соглиғидан хавотирда эди. Кейинги кунларда, тўрт ёшли Лайло кечқурунлари алаҳлаб

чиқадиган одат чиқари. Уйқусида гапиради: «дада, кетманг, дадажон!», деб йиғламираб уйғониб кетарди у. Кейин бир муддат ўпкасини боса олмай, хўрсиниб-хўрсиниб йиғларди-да, яна ухлаб қоларди.

– Эй Худо, гунохларимни кечир! – зорланиб нола қиларди шундай кезлари Гулчехра, айриқлиқ дамлари кун сайин катталашиб бораётганидан маъюсланиб. – Эримга қилган аччиқларим, зарда-ю зардобрарим учун ўзимни жазола! Норасидаларимга раҳиминг келсин, эй Аллоҳ! Дадасини болаларимнинг бошига қайтар. Ўтинаман Сендан!..

Эрининг тўсатдан ғойиб бўлиб қолгани Гулчехрага дастлаб унчалик таъсири қилмади: «Ўлиб кетмайдими? Усиз ҳам куним ўтади!» – алам ва изтиробларини кўнглидан кечган шу совуқ сўзда ифода этди у. Кейин, ҳафта-үн кун ўтиб, жазманлари билан улоқ чопишиб ҳолдан тойган айғир эри қайтганида айтиш учун, аччиқтизиқ гаплардан жумлалар тузиб юрди. У нимагадир эрининг йўқолиб қолганига ишонмас, буларнинг бари Жобирбек томонидан ўйлаб топилган ҳийла – тошкентлик жазманлари билан узоқроқ муддат, олисроқ бир жойга бориб келиш учун тузилган режа бўлиб туюларди.

Орадан кунлар, ҳафталар ўта бошлади. Одамларнинг бирда ачиниш, бирда очиқдан-очиқ ҳақоратомуз боқишилари қалбини чил-чил синдирарди. Айниқса, ўғли Қодирбек ва қизи Лайлонинг дадасини сўраб берган саволларига жавоб топа олмай қийналарди. Назарида, Жобирбекнинг йўқолиб қолишига ҳамма уни айблётгандек бўлиб туюларди. Нигоҳлар таъқибидан қочишига уринар, аммо яширингани жой топа олмасди. Кейин фахмлардики, у ўзини-ўзи таъқиб қилмоқда эди. Шундай кезлари йиғлар, илтижо қилар, қани энди фойдаси бўлса: «Сизни ўйдан бездирдим, бегим! Жонингиздан тўйдирдим, мендан аразлаб қаерларда юрибсиз ахир? Минг бор узр, келинг, пойингизни кўзларимга суртай – қайти-и-и-нг!»... Юрагини қоплаб ётган музлар эриб, кўзларидан сел бўлиб оқарди унинг.


Шосалимнинг вақтинчалик директор этиб тайинлангани-ю, Асқар аканинг ўрнига бошқа бир йигитнинг ҳол-аҳвол сўраб кела бошлагани – аввалига уни бир оз тинчлантириди: «Демак, буларнинг бари вақтинчалик, эримнинг топилишига ҳали ишонч бор. Ҳар қалай, осто намиздан оёқларини узишмаяти-ку!» – умидланарди у.

Янги ҳайдовчи Илҳомжон ҳақиқатдан ҳам Жобирбекнинг остонасидан нари кетмасди. У уззу-кун шу атрофда айланиб юрар, Жобирбек хонадонининг юмушларини бажариб туришга масъул этиб тайинланганди. Шу билан бир қаторда, унинг бу хонадон билан боғлиқ, амалга ошириши лозим бўлган махфий юмушлари бор эдиким, энди ана шу хусусида сўз юритамиз.

Гулчехра қайнатасига Қодирбек орқали кечки овқат чиқарганди, у «бобомнинг тоблари қочиб қопти» деган хабар олиб келди. Гулчехра дарҳол Илҳомжонга телефон қилиб, отани касалхонага олиб бориб қўйишини сўради.

Мурод Шомуродовични юраги бир оз безовта қилган экан. Ранги докадек оқариб кетган бу саркаш қария, хасталикнинг оғриқ азобларига миқ этмай дош берарди. Уни ЭКГ қилишди. Сўнг обдон текширишди.

– Касали жиддий эмас, бир ҳафтага ётқизамиз, – деди шифокор, Илҳомжонга унинг кийим-бошлари солинган пакетни тутқаза туриб. – Ҳаммаси жойига тушиб кетади!



Эртаси куни қайнатасини кўргани Гулчехра келди. Ота келини билан совуққина бош иргаб саломлашди-ю, аммо набираларига боқиб юзлари ёришиб кетди. Болалар ҳам қийқиришиб унинг қучогига отдилар ўзларини. Гулчехра бир-бирларини кўрганда бир муддат бутун оламни унугиб юборадиган бу уч болакайни холи қолдириб ташқарига чиқди-да, сўнг врачнинг ҳузурига кирди.

Врач Шомуродовлар хонадонидан тушган бу беморга алоҳида эътибор қаратган, ЭКГ натижалари, анализ хулосалари, рентген маълумотларини шахсан ўзи назорат қилиб бораради. Муолажани ўз зиммасига олганди. Бу оиланинг аввалдан шаҳарда катта мавқе тутишини, ҳозир ҳам барчанинг дикқат-эътиборида эканини яхши биларди. У хонасига Гулчехра Шомуродова кириб келганида ўрнидан сапчиб туриб, алоҳида мулозамат кўрсатиб қаршилади. Эри туфайли бошларига тушган ташвишга ҳамдардлик билдириган бўлди. Кейин Жобирбек ҳақида янгиликлар бор-йўқлиги билан қизиқди.

– Нажот, аввалимбор Худодан, – маъюсланди Гулчехра, – қолаверса, орган қидирайти. Қариндошуруғлар ҳам тинч ўтиришгани йўқ. Бир томони Тожикистон, Москва, ҳатто Малайзиягача бориб келишиди – дараклари чиқмаяпти.

– Ажабо, бутун бошли одам бирданига йўқ бўлиб қолса! Қизиқ! – врач лабини чўччайтириб, боши билан сарак-сарак қилиб қўйди.– Қаёққа кетган бўлиши мумкин?

Врач билан бу мавзуда сухбат қурмоққа Гулчехрада ҳоҳиш йўқ эди. “Қаёққа кетган бўлиши мумкин?”. Ҳозир ҳамма шу саволнинг атрофида айланарди; фақат, кимдир азбаройи унинг ечимини топа олмай қўйналар, кимдир бу ташвиш барчанинг ташвиши бўлиб қолгани-ю, ўзи ҳам шундан мустасно эмас эканлигини кўрсатиш учунгина шу савол атрофида кезинарди. Бу ечимсиз савол буғун барчани қизиқтираётганини Гулчехра биларди. У яна бир нарсани яхши билардики, бир тоифа одамлар жавобнинг фақат ижобий бўлишини хоҳлашар, яна бир тоифа одамлар эса, оқибат қандай бўлишидан қатъи назар, саволга жавоб топсалар бас – врач ана шу тоифадан эди. Шунинг учун ҳам врачнинг бемани саволига истар-истамай жавоб қиларкан;

– Қаёққа кетган бўлсалар ҳам омон бўлсалар, бас! – деди гапни қисқа қилиб. – Отамнинг аҳволлари қалай? Илҳомжоннинг айтишига қараганда, хавотирга ўрин йўқ эмиш – шундайми?..

– Ҳа, ота бардам! Фақат биласизми...

Врач ўзининг шахсий мулоҳазаларини тиббий кўрик натижалари сифатида айтиш ўринлимин, деган уй билан бир муддат жимиб қолди. Бу қисқа муддатлик сукут Гулчехранинг безовталанишига сабаб бўлганини кўргач эса уни тинчлантириди:

– Қайнатангиз соппа-соғлар. Анализлар шуни кўрсатаяпти. Аммо у кишининг юрагида зардоб йигилган. Бу кучли бир ҳаяжон билан кўздан йиғи бўлиб потраб чиқиб кетса ажаб эмас. Эҳтимол, соғинчдандир!..

Гулчехра врачнинг гапларини эшитаркан, қайнотасининг доимо бирдек – тош қотган қиёфасини кўз олдига кептириди. Кейин сухбатдошининг «Эҳтимол Жобирбек топилиб келиб қолса – шу воқеа рўй берар?» деб тушунди. Ичida эса, «эҳтимолдан йироқ бу» деган уй кечди.

Гулчехра бу хонадонга келин бўлиб тушган кезларини аҳён-аҳён эслаб турарди. Бирда ширин, бирда аччиқ хотиралар билан ёдга оларди ўша кунларни. Дастрлаб, Шомуродовлар хонадонидан совчи келганини эшитиб, дугоналарининг унга ҳавас билан қарашларидан сархуш бўлиб юрди. Кейин Жобирбекни кўрди. Танишиди. Кўркамгина, маданиятли бу йигитга кўнгил қўйди. Ширинширин орзулар қанотида парвоз қилиб юрди. Тўйдан кейин, қайнанаси Гулсум аянинг меҳрибонликларидан кўнгли ийиб кетган чоғлари, бирин-кетин икки фарзанд түғилганида Жобирбек хўроздек диконглаб оламга сифмай кувонган пайтлари – ҳаётидан масрурлик ҳиссини туди.Faқат тўнгич фарзандининг ўлимидан кейин, одамови бўлиб қолган қайнатасига нисбатан қалбининг аллақайси бурчида тушунксиз бир ҳис яшарди. У хотинидан бошқа бирор билор билан деярли гаплашмайдиган, қувончни ҳам, қайгуни ҳам бир хил – бепарво қаршилайдиган бу одамга қандай муомала қилишни, қай тахлит муносабатда бўлишни билмай қийналарди. Бир гал энди келин бўлиб тушган чоғлари қайнатасига рўбарў келди. Шарт ўзини чеккага олди-да, таомилга кўра таъзим бажо қилди:

– Ассалому алайкум, отажон!

Шомуродов бир муддат келини бўлмиш оиланинг бу янги аъзосига қараб жойида қотди. Кейин эштилар-эштилмас қилиб: «Ваалайкум ассалом, баҳтли бўлинг!» деди-да, йўлида давом этди.

«Менга гапирдилар!» – қувончдан терисига сифмай кетди у. Аммо хурсандчилиги узоққа чўзилмади. Шу-шу қайнатасидан бошқа бирорта ҳам сўз эшитмади. Бир сафар қайнотасига юрагини ёрди :

– Отам бизни унчалик хушламайдилар. Яхши гапириб эркалатмасалар ҳам, нуқул тергаб, койиб турсалар ҳам рози эдим – овзоларини эшитиб турсак бас эди!

Гулсум ая оғир ўйга ботди: “Болам, – дея гап бошлади кейин у, – отангиздан ранжимангизлар! У кишининг дарди ёлғиз менга ва Худога аён. Сизлар бунга асло эътибор қилманглар, хўбми?” – Гулсум ая фақат икковларига тегишли исмисиз бу дардни дастурхон қилмади. Шу дард билан оламдан ўтди бечора.

Жобирбек ўзи билан отаси ўртасида тилмочлик қилган, шу икки қарама-қарши соҳилни бирлаштириб турган – кўпприк вазифасини ўтаган онаизорининг хурматини қилди. Қозон-қозон оштарқатди элга. Казо-казо дин пешволоварини чорлаб, онасининг ҳақига дуои фотиҳалар ўқитди. Йил мътракасида қабрининг устига даҳма қурдирди. Қабрни бетонлаб, чиройли қора мармар билан безади.

Жобирбек отам даҳмани кўриб кўнгли ийирмикин деб ўйлаганди. Бундай бўлиб чиқмади. Қабр бошига келган ота унисизгина йиғлади. Совук мармар тошни силаб-сийпаларкан, нуқул «чакки бўлиби» дегандек бошини чайқади. Жобирбек ҳайрон: отасининг қиликларидан тутақар, аммо ўзини-ўзи босишга куч топарди. Чунки отаси ҳамиша ҳақ бўлиб чиқарди.

Бир куни Гулчехранинг тушига қайноаси кирди. Мархума тўшакда ётиб Гулчехрага илтико қилармиш: «Болам, бунча мени қалин қилиб ўраб- chirmadilarning. Кўрпаларни олиб, устимни енгиллатинглар – нафасим сиқилиб кетаяпти-ку!».

Гулчехра тушини эрига айтган эди, Жобирбек индамади. Бу туш бир неча бор тақрорланди. Бир гал унинг ўзи



ҳам шунга ўхшаш бир туш кўрди. Шундан сўнг ишчиларни олиб бориб, онасининг қабри устидан бетон ва мармар тошларни қўпортириб ташлади. Шундан кейингина арвоҳ уларни безовта қилмайдиган бўлди.

29

1964 йили Қарши чўлини ўзлаштириш ҳаракати бошланди. Тарихда мисли кўрилмаган ишлар рўй бера бошлади. Амударёнинг сувини 123 метр баландликка кўтариб берадиган олтита насос станцияси куриб ишга туширилди. Чўлга обиҳаёт келди. Поёнсиз саҳро улкан қурилиш майдонига айланди. Мамлакат аҳамиятига молик бу вазифаларни бажариш, минг-минг гектарлаб кўриқ ерларни ўзлаштириш, янги типдаги турар жой манзилларини барпо этиш учун – барча куч ва имкониятлар шу ишга сафарбар этилди. Бир қатор завод ва корхоналар ишга туширилди. Ана шулардан бири, тўғрироғи энг йириги – бетон заводи эди. Заводга шу соҳанинг ёш мутаххасиси, маҳаллий раҳбар Мурод Шомуродов директор этиб тайинланди.

Мурод Шомуродов ўз даврининг ватанпарвар кишиси эди. У астойдил бел боғлаб ишга киришди. Ҳафталаб уйга келмас, янгитдан ташкил этилаётган "совхоз"лар учун турар-жой манзиллари куриш билан банд бўларди. Уни «чўл бургути» деб аташарди. Ҳақиқатан ҳам бургутга ўхшарди: ушлаган жойини узиб оладиган шартаки одам эди у.

Шомуродовнинг уйига кўп бормаслигининг бошқа бир сабаби ҳам бор эди. Кўз очиб кўргани, суюкли Шоҳсанами бир неча ойдан бери хасталаниб, тўшакка михланиб қолган. Муродбек унинг шундоққина кўз ўнгига қовжираб бораётганини кўриб ўтганарди. Ўзини иш билан овутар, ғойибдан; "Шоҳсанам оёққа туриб кетди", деган хушхабар келишидан умидланар эди. Бир кун уйидагилар уни чақиртириши. Қайнонаси раҳматли унга остоноада пешвоз чиқди.

– Болам, Шоҳсанам сизга муҳим бир гап айтмоқчи, – кўзларига ёш олди кампир. – Нима деса, хўб денг болам! Ўтинаман сиздан – биз ҳаммамиз шунга қўндик!..

Муродбек ўйлаб ўйига етолмасди: «Қанақа муҳим гапи бўлиши мумкин?». Шоҳсанамнинг бошида ўтириб, уйғонишини кутди. Дарвоқе, Қодирбек кўринмайди? – аланглади у ёқ-бу ёққа. Ўғлига кўзи тушмагач, холаларидан бири олиб кетган бўлса керак, деган хulosага келди. Шу пайт кўлига Шоҳсанамнинг совукқина бармоғи текканини пайқади. Кўзлари хотинининг нурсизланиб қолган нигоҳлари билан тўқнашди. Шоҳсанам зўрма-зўраки жилмайишга ҳаракат қилди.

– Келмайсиз, бевафо... .

Муродбек умри бино бўлиб, бу қадар самимий гина эшитмаганди. Бу қадар беғараз, ёқимли ранжишини кўрмаганди. Кўзлари ёшланди:

– Агар менга қолса, ёнингдан сира ҳам жилмаган бўлардим, жоним!

– Биламан, – Шоҳсанам унинг хижолат тортишини хоҳламади. – Отам билан энамга ўзим айтиб эдим. Менга боғланиб қолмаслигингиз керак. Иш билан овуниб юрганингиз маъқул.

Муродбек Шоҳсанамнинг тўзгиб кетган соchlарини тўғрилаб кўйди.

– Менга бир гап айтмоқчи эмишсан?

Шоҳсанамнинг кўзидан бир томчи ёш юзига думалаб тушди-да, оғзининг бурчига бориб тўхтади. Бемор куруқшиб қолган лабларини хўлламоқ бўлдими, тили билан ўша бир қатра сувни артиб олиб лабларини намлади.

– Мен энди тузалмайман, тўрам!

– Ундоқ дема – ноумид шайтон! – унинг гапини шарт кесди Муродбек.

– Менинг куним битган, – бояги гапини бошқа бир жумлода тақрорлади Шоҳсанам. Қўзларини эрига тиқди: "Сиздан бир ўтинчим бор!" – унинг синиқ нигоҳида ана шу ўтинч, ана шу илтижо савол аломатида акс этди.

– Айтганимни қиласизми?

Муродбек ҳозир шу дамда, шу лаҳзада Шоҳсанам «ўл» деса, ўлишга тайёр эди. Шунинг учун ўйлаб-нетиб ўтирамай «ҳа» деди.

– Уйланинг!

– Нима? – Муродбек ток ургандек бир сапчиб тушди, қулоқларига ишонмади. Бу борада, шубҳага асос бўладиган бирон иш қилмаганди. Бировга нолинган одам эмасди. Иш билан овуниб, турмушидаги кемтиқни билдирамай келаётганди.

– Шоҳсанам, нималар деяпсан? Менга сендан бошқа ҳеч ким керак эмас!

– Биламан! – Шоҳсанам унинг кўлини меҳр билан силаб кўйди. – Шунинг учун ҳам кўзим очиқлигига ўйлансангиз, дейман. Гулсумга ўйланинг!..

– Гулсумга? – Муродбек эсидан озаёзди. Бу қандай томоша ахир? Гулсум Шоҳсанамнинг синглиси-ку! Ҳали ўн гулидан бири очилмаган қизалоқ. Ўзининг орзуҳаваси, кўнгил майллари бор, ахир! Ўғлимизга муносиб оналик қиласи деб, Гулсумнинг ҳоҳиш-иродаси билан ҳисоблашмаслик бу ўта худбинлик-ку! – деб ўйлади у ичида.

Муродбек ана шу мулоҳазаларини ётиғи билан тушунтироқчи бўлганди, Гулсум уни тўхтатди. Хотинининг кейинги гапи барчасидан ошиб тушди.

– Гулсумнинг сизда кўнгли бор!..

У кўзида потраган ёшларни кўрсатмаслик учунми ёки ўзи айтган «ҳақиқат»нинг таҳир таъмини ҳазм қилишга қийналдими, бошини ўгириб юзини яшириб олди: "Менга қолса – Қодирбек ўксимаса бас!..".

Муродбек бошқа бир сўз демади. Бу фикр унгача ҳам роса чириқидан ўтгани, оила даврасида обдон муҳокама қилиниб, кейин унга ҳавола этилгани аниқ эди. Қайнисинглиси Гулсумнинг Қодирбекни олиб қаёқладир кетгани-ю, қайнотасининг қораси кўринмаётгани, айниқса муштипар онанинг «биз ҳаммамиз шунга рози» деган сўзлари шундай хуласа чиқаришга асос берарди.


– Ўтинаман, йўқ деманг! – илтижо қилди Шоҳсанам.

– Ёлғиз ёдгорим Қодирбек учун сўрайман – Гулсумга ўйланинг!

Муродбек ўпкасини боса олмади. Үнсиз йиғлади, кейин розилигини билдириб, Шоҳсанамнинг қўлларини сиқиб кўйди.

30

Илҳомжон ўша куни Муродбек Шомуродовични қасалхонага жойлаштириб қайтгач, уст-бошини ташлаб чиқиш баҳонасида Жобирбекнинг уйи орқали отанинг ҳовлисига ўтди. Марҳума Гулсум аянинг бурчакдаги хўжрасини титиб қўриши лозим. Шубҳа уйғотмаслик ва эҳтиёткорлик юзасидан қўл фонарини ёқиб хўжрага кирди. Барча бурчакларни титкилаб чиқди. Айтарлик, эътиборга лойиқ бир нима топмади ҳисоб. Ҳафсаласи пир бўлди. Шу пайт уйнинг бурчагига ўрнатилган голланд пеккаси унинг нигоҳини ўзига тортди.



– Қизик, – деди у металлни чертиб кўраркан. – Ҳужра деворининг нариги томонида – Муродбек ота яшаб турган уй, аммо, у хонада голланд печнинг ярмини кўрмагандим. Қолаверса, томда тутун чиқадиган мўри ҳам йўқ. Демак, бу ўзига хос сейф бўлиши керак? – Илҳомжон эгилиб печнинг эшикласини очди-да, ичкарига қўл суқди. Қўли аллақандай қаттиқ бир нарсага тегди. Фонарини тўғрилаб эгилиб, ўтхонанинг ичкарисига қаради – калит тешигини кўрди. Кейин ҳар қандай қулфни оча оладиган маҳсус мосламани олди. Уни калит тешигига тиқиб, аста-секин ўлчамларини мослаб, қулфнинг тилсимларини очиб борди. Сўнги операцияни бажариб бўлган эди ҳамки, «ширқ» этган товуш чиқди – голланд печнинг қоқ ўртасида тирқиш пайдо бўлганди. Илҳомжон уни тортиб очди. Сейфдан иккита папка, тўрт юз минг америка доллари ва беш юз минг сўм ўзбек сўми чиқди. Илҳомжон ҳаммасини катта салашан халтага солди. Кейин сейфни ҳозирча очиқ қолдириб, аввал уйни, кейин ҳовлини тарқ этди.

Эртаси куни эрталаб белгиланган вақтдан бир оз эртачироқ Жобирбекнига келди. Гулчехра қўнгироқ қилганди. Касалхонага ўтиб келмоқчи экан.

– Тайёрланиб туринг, мен ҳозир! – Илҳомжон қўлидаги пакетни кўтариб кўрсатди Гулчехрага. – Амакининг уст-бошларини уйларига кўйиб чиқай.

Гулчехра ишонди, чунки у Илҳомжоннинг худди шу юмуш билан кеча отанинг ҳовлисига кириб чиққанидан бехабар эди-да.

Илҳомжон ҳужрага кириб олиб келган нарсалари ни сейфга жойластириди-да, бояги усул билан уни яна қулфлади. Қайтиб чиққанида Гулчехра икки боласи билан йўлга тайёр туришганди.

31

Шосалимнинг биринчи иш куни телефон орқали табрикларни қабул қилиш, шахсан ташриф буюрганларни кутиш ва кузатиш билан кечди Айрим нозикроқ меҳмонларни маҳсус хонада, чиройли тузалган дастурхон атрофида қабул қилди. Қутловларнинг кети кўринмас, Шосалим бу одамларнинг кўпчилигини танимас, ўз навбатида ўзи ҳам бу доирада унчалик таниқли эмасди.

Бу одамлар қизик бир тоифага мансуб кишилар эди. Уларнинг назарига тушиш ҳам, назаридан қолиш ҳам осон. Улар сени мартабанг туфайли танишади, мавқеинг учун қадрлашади. Илло вазифадан кетган кунинг батамом унтишади. Бу одамларнинг даврасидан тулки каби ҳийлакор бўлсанг жой топасан, бўридай бешафқат бўлсанг – ўрин эгаллайсан. Эшақдай хизматларини қилсанг кўним топасан. Аммо оддийгина бир одам бўлиб бу сафда юришинг қийин кечади.

Шосалим ҳозирча бу сирлардан воқиф эмасди. Айни шу дамларда бутун дунё унинг теграсидан айлангаётгандек, бутун олам унга томон тортилаётгандек – ўзини чексиз имкониятлар соҳибидек тутмоқда эди.

Эртаси куни ишхонага кела солиб, ходимлар бўлими бошлиғи Нафиса Жаҳонгировани ҳузурига чақирирди.

– Менга штатлар жадвали бўйича ходимлар рўйхатини тайёрлаб берсангиз. Кейин келаси ойнинг биринчи чоршанбасидан аттестация ўткизилиши ҳақида буйруқ лойиҳасини тайёрланг.

Шосалим шу қадар совук, расмий оҳангда гапирдики, Нафиса уни куни кеча ҳазиллашиб, чақчақлашиб юрган Шосалимга ўхшатмади: “Товба, наҳотки одам

шунчалар тез ўзгарса?” – деб ҳайрон бўлди. Кейин бир нима демоқчи бўлиб оғиз жуфтлаганди, Шосалим: “Аттестация ҳаммага бирдек таъллуқли!” – деди кескин, эътирозга ўрин қолмайдиган қилиб. Сўнг, боядан бери турган жойида қоқкан қозиқдай туриб қолган Нафисага бир оз мулоимлик билан, фавқулодда бундай қарорга келишининг сабабини тушунтирган бўлди: “Нафисахон, шундай қилмасак бўлмайди. Заводда меҳнат интизоми жудаям бўшашиб кетган. Сабабини ўзингиз биласиз, Жобирбекнинг қўнгилчанлигидан фойдаланиб корхонада текинтомоқ қаланги-қасанғилар кўпайиб кетди!”.

Шосалим аттестация баҳонасида жини сўймайдиган уч-тўртта одамни, тўғрироғи Жобирбекка тегишли одамларнинг думини тугиши мақсад қилган – шу ўйл билан кимнинг ким эканини ҳам кўрсатиб қўймоқчи эди. Бу кишиларни заводда «Жобирбекнинг одамлари» деб аташарди. Бир мунча имтиёзга эга эди улар. Шосалим айни шу одамлар билан чиқиша олмай юрарди. Зиддиятлар кескинлашган дамлари ҳам Шосалим жаҳтини ичига ютар, Жобирбекнинг ҳурмати туфайли кескин чоралар кўришдан ўзини тийиб келарди.


«Жобирбекнинг одамлари» аслида унга етти ёт бегона кишилар эди. Жобирбек қайда бир чор-ночор кун кечираётган хонадонни кўрса, дарҳол шу оиладан бирорни заводга ишга таклиф қилар, яхшигина маош тайин қилиб, рўзгорини бутлашга имкон яратиб берарди. Юқоридаги кишилар ҳам турли даврларда Жобирбекнинг муруввати туфайли завода кўним топишган, аста-секин завод шароитига мослашиб, корхона атрофида кечадиган ташмачилик, умуммulkни ўғирлаб сотиш, мижозга навбатиз хизмат кўрсатиш эвазига чойчақа ундириш, лимитда белгиланганидан ортиқча маҳсулот бериш сингари ноқонуний ишларга аралашиб, ўз улушларини ундириб юришарди. Мўмай даромад эса рўзгорга ҳам, аҳён-аҳён уюштириладиган базми жамшидларга ҳам етиб ортарди. Шосалим дастлаб улар билан улфатчилик қилиб юрди. Кейинчалик бир воқеа сабаб бўлди-ю, у бу даврадан оёғини тортди. Ўшанда бир оз ширакайф бўлиб қолган анави пакана Алимбек гандираллаганича ўрнидан турди-да:

– Ҳамма қадаҳлар тўлдирилсин, – деб амр қилди. Кейин эса, даврадагиларга бир ҳақиқатни англатмоқчи бўлиб нутқ ирод қилди: – Олинглар! Барчамизнинг валий-й-ней-й-матимиз Жобирбек акамни соғлиқлари учун ичамиз. Биз ҳаммамиз у кишининг оёқларини ўпсак арзиди!

У мувозанатини йўқотиб, мункиб кетмаганида, ҳали узоқ саннаган бўларди эҳтимол. Боши билан дастурхон устига муккасидан кетган Алимбекни ёнидагилар ушлаб қолишиди. Қадаҳлар бўшатилди.

“Қизик! – Шосалим давра аҳлига ажабланиб қарай бошлиди. – Ахир куни кеча чоришини судраб, завод эшигидан ийманибина кириб келган болалар мана шулар эмасми? Илк мояна олганларида, пулнинг чўғи баландлигини кўриб шошиб қолган: “Кассир адашмадимикин ишқилиб? Ортиқасини қайтар, деб қолмасмик” деган ҳадик-хавотирда иш куни тугашини безовталашиб кутган, кейин уйларига шамолдай учиб, оиладагилари билан тўлиб-тошган ҳаяжонларини баҳам кўрган – ўша соддадил йигитлар қани? “

Шосалим даврадагиларнинг жойлашиш тартибига разм солди. Аввал эътибор бермаган экан. Кечагина биртўл бўлиб чекиши майдончасидами ёки ошхонада тўпланишиб



турадиган бу жамоада тенглик йўқолганди. Табақаланиш бошланганди: энди базмларда Алимбек, Тохир найнов, Носир ва Шуҳратлар давранинг тўрини ишғол қиласидиган, ташаббус шулардан бошланиб бошқалар уларга эргашадиган бўлиби. Табақаланиш, уларнинг заводда тутган мавқеларининг баланд-пастлигидан эмасди аммо. Бу даврада кимнинг қайси жойда ўтириши, завод атрофида кечадиган мўмай даромад манбаи – «олди-берди» пойгалидаги иштироки кимнинг қанча ўлжа топаётгани билан белгиланаарди. Устомонлиқда эса анави тўртта даврабоши қолган барча курдошларини ортда қолдирганди. Давра ва йиғинларда бошқалар уларни опқишлиар, мақтар, бу жамоада тилёғламалилик, алдов, ясама тавозе сингари муносабатлар одат тусига кира бошлаганди.

Бу гал ҳам базм одатий тарзда бошланиб, анъана вий суратда давом этаётганди. Бирда Алимбекнинг ишбилиармонлиги, бирда Тохирнинг олғирлиги, Шуҳратнинг маҳоратию Носирнинг «жасорати» тилга олинди. Кейин оғизларда кўпирганд мана шу кўпик мақтовлар бир пиёла ароқ билан ювилиб, тозарган оғиз бўшликлари яна кўпиришга тайёр қилинарди.

Тохир найнов Алимбекнинг қулоғига згилиб нимадир деди. Шу лаҳза Алимбек, боядан бери ароққа қўл урмай ўтирган Шосалимга «ялт» этиб қаради: «Найновнинг шубҳаси ўринли!» дилидан ўтказди у. Кейин, вазиятни бир оз ўз измига солмоқчи бўлиб, юқоридаги нутқини ирод қилмоқ учун ўрнидан турганди у боя.

Қадаҳлар бўшатилгач Тохир найнов Алимбек билан маъноли кўз уришириб олди. Кейин синовчан кўзларини Шосалимга тиқди:

– Сиз олмайсизми? – Шосалимнинг олдидағи давра бошланганидан бери қўл урилмаган қадаҳга ишора қилди у.

– Йўқ, мен ичмайман, йигитлар! – даврабошиларнинг кўнглида кечәётган ғалаёнлардан бехабар Шосалим, куруқкина қилиб жавоб қилди.

– Нега? Сабабини билсак бўладими?

– Саволда кишини таҳқиқлайдиган бир оҳанг бор эди. Шосалим шундан ҳушёр тортди: қараса ҳамма унга қаҳрли нигоҳ билан боқаяпти. У «аввалги сафар ичганимда, Жобирбек сезиб қолиб роса танбех берганди» деб ростини айтиши ёки бошқа бир сабабни рўйиқ қилиб вазиятдан чиқиши мумкин эди. Аммо у бундай қилмади.

– Сабаби оддий, ичмайман вассалом! – деди у жўнгина қилиб.

– Жобирбек акамнинг соғлиғи учун ҳам ичмайсизми?

– Йўқ!

Даврадагилар саросималаниб қолишиди. Носир сарик тутақиб кетди:

– Вей, Шосалим ака, қорнингиз тўйиб қолдими? Ўзингиз ҳам шу одамнинг орқасидан кар-р-рил-лаб юрибсиз. Сиз ҳам у кишининг оёғини...

“Бир камим сенларга ҳисобот беришим қолувди, – ўйлади Шосалим. – Қолаверса, сенлар унинг оёғини ўпаверинглар, мен эмас!” Шу лаҳза кўксидада уни аҳён-аҳён безовта қилиб турадиган бир оғриқ уйғонди. Жобирбекдан гинаси йўқ; у дўст сифатида хурматини жойига кўйиб келарди. Аммо заводдагилар унинг қора ўтмишини билганлари учун ҳам, унга Жобирбекнинг дўсти, деб эмас, унинг шахсий ҳайдовчиси деб қараашарди. Алам қиларди! У ҳамиша барчага бир ҳақиқатни англатмоқ истагида ёнарди. Ҳозир шунинг мавриди келган кўринади.

– Жобирбек – менинг дўстим! Сенлар эса унинг маляйисизлар. – Шосалим ўзи томон қараб турган қаҳрли нигоҳларга нафрат кўзларини қадади. – Сенлар унинг оёғини ўпсаларинг арзиди, чунки у сенларни одам сафиға қўшиди. Мен эсам унга келган балога кўксимни қалқон қилганман. Агар ўшандада мен бўлмасам, ҳозир Жобирбек бу ўринда бўлмасди!

Шосалим ғолибона қиёфада даврадан чиқиб кетди. Бошқалар оғзини очганча уни кузатиб қолишиди. Маглублик алами чидаб бўлмас даражада эди, аммо кўнишибдан бошқа иложлари қолмаган эди. Чунки улар бугун Шосалим билан Жобирбекни боғлаб турган ип ўзлари ўйлагандан анча мустаҳкам ва пишиқ эканини англаб етишганди.

32

Шосалим директорнинг курсисига ялпайиб ўтирганча бир ойдан кейин ана шу ялангоёқ рақибларининг қизариб бўзариб завод дарвозасидан чиқиб кетишларини кўз олдига келтириди: «Зап иш бўлади-да!». Ўйлаган режасининг пухталигидан завқланиб мазза қилди у.

Қабулхонага тапур-тупур қилиб ўн чоғли одам киради. Шосалим ғала-ғовури эшитиб тугмачани босади. Котиба киради. Ортидан бояги норози қиёфалар кўринади. Шосалим ҳеч нимадан бехабар одамдай сўрайди:

– Нима тўполон?

– Ўртоқ директор! Мана бу – бир гурӯҳ безорилар сизнинг ҳузурингизга бостириб киришмоқчи, – котиба қулочини ёзиб, танаси билан эшикни тўсиб, ортидаги олон-монни ичкарига киритмасликка ҳаракат қилади.

– Қўйсангиз-чи, Мунаввар опа! Булар безорилар эмас, ўзимизнинг ишчиларимиз-ку! – дейди у бошлиқларга хос бағрикенглик билан. Кейин: «Қўйворинг уларни, киришсин бемалол, арзлари бўлса эшитай!» – деб келганларга юзланади:

– Хўш, хизмат?

– Биз ишсиз қолдик! Энди нима қиламиш? – чувиллашади улар.

– Нега ишсиз қоласизлар? Ким сизларни вазифангиздан маҳрум қилди? Камина, масалан бу ҳақда ҳозир эшитиб турибман.

– Бизни аттестациядан ўтказишмади! – ғалаён қилади улар.

– Ҳа-а-а, аттестацияданми? Аттестациядан бирорни бирор ўтказмайди. Ҳар ким ўз билими, малакаси билан ўтади бу имтиҳондан, – дейди у уларни очиқдан-очиқ масхаралаб.

– Энди нима бўлади? Иложи йўқми? – мулзам бўлган тўда бир поғона паст тушиб, ялинчоқ оҳангда сўзлай бошлайди.

– Мен нима ҳам қила олардим? – атай камтарину хокисор тутади у ўзиниadolatli раҳбар эканини кўрсатиб. Кейин: «Аттестация комиссиясининг ишига аралашишга менинг ҳаққим йўқ» деб бояги тўполончиларни ҳайдаб юборади.


Шосалим ана шу воеа рўй берадиган фурсатни кўз олдига келтириб яна бир карра завқланди. Шу пайт эшикдан кимнингдир боши кўринди.

– Мумкинми?

– Киравер! Кел ўтири! Менда ишинг борми?

– Мен ҳайдовчингизман. Икки кун бўлди «Волга» ни қабул қилганимга!

– Асқар ака-чи?



– Тиббий кўриқда шифокорлар рухсат этишмабди, шекилли.

– Бир ҳисобда яхши бўпти! – ўйлади Шосалим.

Асқар ака ҳарқалай Шосалимни бир ҳайдовчи сифатида билгувчилардан. Шунинг учун ҳам уни сўраттирмаётганди. Кейин ўзининг янги ҳайдовчисига синчиклаб разм солди. Ёши бўлса 25-26 ларда. Елкала-ри кенг – шуғулланган бўлса керак. Сочини калта қилиб, тоза-озода кийинишидан – олифталиги аён.

– Отинг нима?

– Илҳомжон!

– Жобирбекнинг хонадонидан хабарлашиб турибсанми? У ёқда нима гаплар? Мана бу ишлар билан бўлиб, ўн кунча бўлди бора олмадим.

– Хабар олиб турибман. Кеча отани касалхонага ёткиздик.

Шосалим бу хабардан тараддулланиб қопди.

– Кеча дедингми? Ҳм-м-м, нима қипти отага?

– Дўхтирлар юрак дейишаюпти, менимча – асаб!

Ота бечора ўғлини ўйлайвериб эсини йўқотиб қўйган кўринади.

– Яна нима бўлди?

Илҳомжон Шосалимга бир оз яқин сурилди-да, овозини бир парда пастлаб гапида давом этди:

– Кеча касалхонага олиб кетаётганимда ота ўзини ғалати тутди. Нуқул бурчакдаги ҳужрани кўрсатиб: «У ёққа ҳеч кимни киритма. Печ қизиб ётилти – куйдиради!» деб алаҳлади роса.

– Нима? – Шосалим савол беришга бериб қўйди-ю, калласига қўйилиб келган бир фикрдан саросималаниб қолди: «Калаванинг учи топилди! – ўйлади у. – Нега шу нарса аввалроқ ҳәёлимга келмади-а? Ахир, Гулсум аяннинг хонасида катта голланд печ бор-ку! Унда олов ёнганини ҳеч ҳам эслай олмайман. Муштипар аёл, қачон ҳол-аҳвол сўрагани кирсам, сандалида ўтирган бўларди. Демак!..».

– Бўпти, ишингни давом эттиравер. Агар керак бўлиб қолсанг гараждан ўзим чақирираман. Ҳозирча Жобирбекнинг хонадонидан хабар олиб тур!

Шосалим Илҳомжоннинг ортидан кузатиб турди-да, эшик ёпилиши билан телефонга кўл чўзди. Шоша-пиша аллақандай рақамни терди. Нариги томондан жавоб бўлгач, «Қилич, бу кеч менинг шаҳардаги уйимда учрашайлик – гап бор», деди. Кейин, «Шунқор ҳам келсин», деб тайнинлади.

33

Акмал «Қурувчи» меҳмонхонасидан Жобирбек ҳақида маълумот сўраган иккичи киши бўлиб чиқди. Меҳмонхона ходимаси унинг суратини кўриб дарров таниди.

– Бу одамнинг шахси билан яна ким қизиқанди? – сўради ундан Акмал.

– Кимлигини билмайман-у, ҳар ҳолда аёл киши эди, – жавоб қилди у.

– Нималарни сўраганди?

– Шу одамнинг бизнинг меҳмонхонамизда тунаган-тунамагнлигини, тунаган бўлса ким билан бўлганлигини сўраганди. Мен мижозларни қайд қилиш китобида фақат унинг номи борлигини, аммо белгиланган муддатгача меҳмони бўлгани ҳақида маълумот бергандим.

– Бу, ҳойнаҳой Гулчеҳра бўлса керак! – дилидан ўтказди Акмал. Кейин айрим ноаниқликларга ойдинлик киритиш учун меҳмонхона ходимасини яна саволга тутди:

– Меҳмонхонага кунда юзлаб одам кириб чиқади. Уларнинг ҳаммаси ҳам хотирада сақланиб қолавермайди. Айнан Жобирбек билан боғлиқ воқеаларнинг аниқ-таниқ ёдингизда қолганига сабаб нима – шуни тушунтириб берсангиз?

Жувон бирдан қизариб кетди. Боши қуи эгилди. Бармоқлари билан куйлагининг шокилаларини ўйнаб, оҳиста гап бошлади:

– Биласизми, жудаям кўзга яқин йигит эди у. Кўркам, хушбичим, устига устак пули кўп эди. Бизнинг меҳмонхонамизга бунақа одамлар камдан-кам келишади.

– Жувон бир муддат жимиб қолди.

– Шунинг ўзими?

Жувон терговчининг саволига дарҳол жавоб қилмади. Ўша хушбичим, хушсурат йигитга ўзида ҳам майл бўлганини, маълум бир муддат Жобирбекнинг ишқий саргузаштлари туфайли мўмайгина даромад олиб келганини рўйи рост тан олди.

– У менга ҳам ёқарди, – деди у аста ийманиб.

Акмал аввалига Фарангисни эркин қўйди. У ҳам терговчининг қулоғига лағмон илган бўлиб роса обқочди. Рад қилиб бўлмас далилларни рўйач қилгач эса, ранги бўзариб довдираб қолди. Ўзини бир умр кузатув остида бўлгандек ҳис қилди. Қўркувдан дағ-дағ қалтирас, вазиятни фикр қилмоққа ожиз эди у. Терговчи шу қадар кўп маълумотларни қаердан ва кимдан олганини билолмай боши қотганди.

– Энди Сакина ҳақида сўзлаб беринг! – қантарилган қарталарни бир-бир очишида давом этди Акмал.

Сакинанинг номини эшитиб жувон батамом тор-мор бўлди. Бутун вужудини қалтироқ босди.

– Мени қамашадими? – йиғламсиради у.


– Йўқ, аммо жазо муқаррар! Терговга берган ёрдамнгиз эса айбингизни бир мунча юмшатади.

Акмалнинг сўзлари далда бўлиб, Фарангис бир оз тинчланди. Кейин, энди ҳамтовоқларининг қайигида қола олмаслигини, бу тешик тогора узоққа сузишга ярамай қолганини пайқади. Сўнг кўз ёшлиарни артиб, ўзини бир оз тузатган бўлди-да:

– Айтаман, ҳаммасини айтаман! – деди.

Давоми келгуси сонда





Í à³àäàð Ì ó³àääàñ Âàòàí èøëàðè

ВАТАН ИШЛАРИ

Сен ўзбек деганде гоздек турмасанг,
Ўзи пушт-илигинг тўлиқмикан, бил.
Кўнглингда бир кичик Ватан қурмасанг,
Бу кўнглинг қамишизор, қўриқмикан, бил.

Бир вақт яйловида қўй, сизир боқсанг,
Қўриган хас йигиб, гулхан, ўт ёқсанг...
Энди чанг далани кўриб тумоқсанг,
Шу Ватанга меҳринг илиқмикан, бил.

Битта айвон қурмай ёзида ётсанг,
Қишида судранги, яна совқотсанг,
Баҳор келган қушига кесагинг отсанг,
Дилинг тирик, миянг силлиқмикан, бил.

Тўрт қўшини томидан бўй чўзса томинг,
Ҳалолдан кўпайиб кетса ҳароминг,
Қун ўтиб унубиб қўйсанг саломинг,
Ишган обрўларинг тариқмикан, бил.

Амалинг бўлганда ҳаммолинг бўлган,
Қўл ювганда бир дастрўмолинг бўлган,
Изингдан эргашган шамолинг бўлган,
Дўстларинг карвони юлуғмикан, бил.

Онанг сандиқ очиб, ёпгандаи бўлди,
Ичидан бир туғун топгандай бўлди,
Пойинг ниманидириб ўтгандаи бўлди,
Бобонг кийган эски чоригмикан, бил.

Ватан ишлари бор, ҳар қандай ишдан,
Устундир. Олийдир, борки юмушдан.
Буни туйиб ўтсанг гар сен турмушида,
Шу кунлар ишдати ёруғ экан, бил.

Нақадар муқаддас Ватан ишлари,
Бу ишлар дилларининг ювгай гашларин.
Үйингга кеч борсанг, қолсанг ушланиб,
Ватан учун бўлса улуғ экан, бил.



ОНАМ ЙИГЛАР ЭДИ...

Райимқул акага

Кўнглим бекаси деб билган азизам,
Тун. Мисжса қоқмадим бўлмасдан мазам.
Сиз бефарқ ётдингиз, тонгача бегам,
Онам йиглар эди менга қўшилиб.

Офтоб ердан олар экан тафтини,
Мен кимдан олайн айтинг, мафтуним!
Пешонамга қўйиб иссиқ кафтини
Онам йиглар эди менга қўшилиб.

Хаста дилга ўйлар келаркан хаста,
Хаста дил девори гиштмаскан, пахса.
Онали уй экан ойдин, орастга,
Онам йиглар эди менга қўшилиб.

Сизга суянмасам, ким бўлсин суянч,
Айтинг, таянмасам ким бўлсин таянч.
Үйинг меҳрдан ганч, кетсин дилдан ранж,
Онам йиглар эди менга қўшилиб.


* * *

Шўхмисан, сен билолмадим, шодонмисан,
Шаддодгинам ёки шоҳи жаҳонмисан,
Шу кунларда қалбим гирён айлайверар,
Шу қалбимни ёқкан оташ, тобонмисан?

Анов осмон малаклари фаришталар,
Атрофингни нурдан безаб, саришталар.
Юрагингдан ҳаяжонли бир йўл кўрдим,
Жон ишимга туташган ул йўл – ришталар

Ҳали-ҳануз қўлларим ҳам дод солади,
Маҳзун титроқ оҳангиди куй чалади.
Чунки шу кун қўлинг ушлаб турганида,
Кафтинг тафти дардларимни даволади.





СУРУР

Бобур НАБИ

Ҳикоя

Унинг хаёллари ўзида эмас – осмонларда учиб юрарди, лабида эса ним табассум, тепаликка қиялаб чиқиб бораркан, гоҳ-гоҳ ўзича сакраб, кўлларини ҳавода ўйнатиб кўяди. Оёғи остидаги ўнқир-чўнқир йўл ҳам уни чалғита олмас, аксинча паст-баландликлар унинг юришига ёрдам берәтгандек эди.

Адирнинг чап тарафида олма боғи ястаниб ётибди. Ўнг томонида эса пахта пайкали. Олмалар кузги күёшнинг заиф нурида ялтираб, гўё кўз қисиб тургандаи. Қуёш ҳам куни билан нур сочиб ҷарчаган шекилли, тоғ ортига ҳорғин бош қўймоқда. Баҳром шу бокقا қарайди. Мана, ҳозир йигим-терим пайти, ҳосилни йигиштириб олиш керак. Шу адирнинг энг тепа қисмida у бувиси билан яшайдиган ўй жойлашган. Ҳойнаҳо бувиси қовоқхўрда қилиб, уни кутиб ўтиргандир. Бу овқат ҳақида балки сиз билмассиз, лекин бир марта татиб кўрсангиз, ошқовоқдек ширин неъмат борлигига яна бир карга амин бўласиз. Ана ўша ошқовоқни сигирдан янги согилган сутта қўшиб қайнатилса, энг мазали қовоқхўрда тайёр.

Баҳромни қувноқ қайфиятда кўриб, Ризвон бувининг ҳам юзига табассум югурди, лекин барибири бу саёқ невасини койимоқчи бўлди.

– Ҳой, Баҳром, сенмисан, болам? Шу пайтгача қаёкларда юрувдинг? Бу ёқда шунча иш қоп кетдию.

Баҳром бу гапларга эътибор бермади. Қандайдир қўшиқни хиргойи қилиб, сўрига узала тушиб ётиб олди. У ҳамон самоларда учиб юрарди. Ризвон бувин турган жойида қотиб қолди. Ахир ҳамиша салом бериб келарди-да. Бугун негадир бошқача бўлиб туюлди. Ўзи билан ўзи овора. Сен кимга гапирияпсан, демайди ҳам. Ризвон бувининг энди ростакамига жаҳли чиқиб кетди. Косага невасининг севимли овқатини сузиб, дастурхонга қўйгач, секин Баҳромни қақирди:

– Ҳой, бола, сенга нима бўлди?

Баҳром ҳеч нарса бўлмагандай ерга қараб ётарди. Ризвон кампирни ёмон хаёллар ўраб олди. Тавба, нима бўлди экан, а? Ҳеч бунақа одати йўқ эди-ку. Кампир энди бақиришга тушди:

– Баҳром! Ҳой, Баҳром!

Ва ниҳоят бола бу оламга қайтди. Бошини кўтариб, қаршисида қошларини чимириб турган бувисини кўрди. Шундагина қаерда эканлигини англади. Дарҳол ўзини ўнглаб, бувисига салом берди.

– Валейким, – деди Ризвон кампир заҳархандалик билан. – Ҳа, Баҳромбой, нима бўлди? Жа бошқача қўринасиз...

Бола бувисининг феълини яхши билади. Жаҳли чиқади-ю, аммо бирор ёмонликни ўйламайди. Шунинг учун ҳам Баҳром эркалик қилаверади. Ризвон буви эса биринчи невасаси бўлгани учун уни бошқача қўради. Койиб-койиб, яна эркалаб кетаверади.

– Ҳеч нима бўлмади, буви. Пастга пахта тергани келишибди. Шуларни кўргани тушувдим, – у шундай деди юзи қизариб кетди.

Аммо Ризвон кампир қоронғида буни сезмади. Менга нима, дегандай кўл силтади ўз юмушларига шўнғиди...

Баҳром оптоқ тишлирини кўрсатиб, бир илжайдио ҳузур билан қовоқхўрдасини, ундан кейин ўчоқда қайнатилган чойни ичди. Бувисининг сигирларга ем бер, деган эслатмасидан кейин уйнинг орқа томонига – адирнинг энг тепа қисмига олиб чиқадиган йўлга ўтди. Богнинг тугаш жойида молхона бор эди. Иккита эна-бола сигир, улардан сал нарироқда эса бир буқача бойланган. Буқачани Баҳромнинг шахсан ўзи бокяпти. Оппоқ майин юнглари, мунҷоқдек мўлтираб турган кўзлари, пешонасадаги қора қашқаси ва айниқса, ярим қаричча келадиган шохлари Баҳромнинг дийдасини юмшатиб, унда новвосчага нисбатан янада кўпроқ меҳр уйғотарди.

Ҳозир ҳам сигирларга емини бергач, ўз “суюклиси”нинг олдига бир тоғора кўсак қўйди. Кўсак молларнинг севимли емиши, қолаверса, семиртиради. Буқачанинг оғзини кўпиртириб кўсак ейишини завқ билан томоша қилиб тургач, бўйнидаги юнгини аста силади. Новвос халал берма, дегандек гўёки қозигини сугуриб юборадиган даражада бир пишқириб қўйди. Ҳеч қанча вақт ўтмай, тоғора тарақлай бошлади – буқача кўсакни еб бўлиб, тоғорани ялаб-юлқаётган эди. Баҳром новвосдан тоғорани базур тортиб олди-да, ой шуъласи ёритиб турган тепаликка чиқмоқчи бўлди.



Осмон очик, юлдузлар порлаб турибди. Ой ҳам тўлин. Атроф худди кундуздек ёп-ёруғ. Бир ёқда чигиртка нағма қилади, узоқроқдаги зовурдан эса қурбақаларнинг сайраши эшитилади. Баҳром тепаликка чиққа, кўқрагини тўлдириб нафас олди. Сўнг майсалар устига чалқанчасига чўзилди. Кўлларини ёзиб, тепасидаги ойга тикилди. Шу аснода боягина хаёлларини ағдар-тўнтар қилиб юборган қиз ҳақида ўйлай бошлади...

Баҳром боғнинг кўйи қисмida олма тераётганида катта йўл бўйидаги эски шийпонга иккита автобус келиб тўхтади. Ичкаридан қий-чув қилиб, талабалар тушишиди. Баҳром барча ишини йиғиштириб, ўша томонга юргуди. Талабалар аввалига янги жойни кўздан кечириб чиқишиди. Кейин эса автобусдан юкларини тушира бошладилар.

Баҳром беихтиёр автобус ёнига бориб қолди. Ҳашарчиларнинг гоҳ адирларга, гоҳ узоқдан кўриниб турган тоғларга тикилиб турини кузатиб, ёнига келган қизни пайқамади.

– Ҳей, сизга гапирияман.

Бола ёнига қарадио, юраги тез уриб кетди. Қип-қизил ғунча лаблар, қоп-қора чарос кўзлар, айниқса, унинг ҳуснига ҳусн қўшиб турадиган юзидағи кулгичи Баҳромни бир кўришдаёқ ўзига мафтун этди. Ўзун киприклар остида таажжубли тикилиб турган ҳумор кўзларга боланинг кўзи тушиб, икки юзи қизариб кетди.

Қиз қувноқ овозда яна сўз қотди:

– Болалар тарқаб кетишиди. Ўзим қийналяпман, сумкамни кўтаришворинг.

Баҳром энди ўзига келди. Баҳтиёр қизнинг тўрvasини кўлига олди.

У қиз билан гаплашишни жуда-жуда истарди. Аммо бирор сўз тополмади. Қиз анча шаддод экан, ўзи болани сўроққа тутди:

– Отиз нима?

Бу кутилмаган саволдан бола эсанкираб қолди. Наҳотки унинг исмими билгиси келяпти?! Баҳром қулоқларига ишонмади. Беихтиёр исмими айтдио сармасст ҳолда осмонда уча бошлади. У шу пайтгача бундай ҳолатга тушмаган эди. Олдинлари қизларни кўрганда ҳам ўзини йўқотиб қўймасди.

– Менини Шоҳида, – деди қиз ўша-ўша қувноқ оҳангла. Ўртоқларим Шоҳи деб чақиришади. Сиз яхши бола экансиз. Шу ерликмисиз?

Наҳотки у ҳам қизга ёқиб қолган бўлса?! Бўлмаса, бунчалик сўраб-сурштирмасди. Балки кўл бериб кўришарман, деб ўйладио дарров юзи помидор бўлиб кетди. Қизнинг ингичка қошларини кериб, лабини чўччайтириб турини боланинг қалбига яна ўт қалади. Ҳали-ҳамон жавоб талаб қилиб турган нигоҳ билан Баҳромнинг ҳам нигоҳи тўқнашдио дарҳол кўзини четга олди.

– Ҳа, шу ерда боғимиз бор. Ҳар йили кузда ҳосилни териш учун келаман.

Унинг гапи узилиб қолди. Нарироқда бир неча қиз улар томонга қараб келишаётган эди. Қизлар икковини кўриб, қиқир-қиқир кулишиди. Бола баттар хижолат бўлди. Энди бу ерда ортиқчалигини сезиб, орқасига бурилди. Кепган жойига қайтиб кетмоқчи эди, бояги қувноқ овоз уни яна тўхтатди. Баҳром юраги зириплаб, ортига қаради. Ўзи билмаган ҳолда кўзини юмиб олган экан, қизнинг чақиривидан сўнг ўзига келди. Шоҳида унга кўлини чўзиб турарди. Бола энди тамомила карахт бўлиб қолди. У аста ўнг кўлини кўтариб, қизнинг майин кўлини ушлади. Шунда унинг бадани чумоли ўрмалагандек жимиirlab кетди. Шунчалик сархуслигидан хушини йўқотаёди. Кўзлари сузилиб, гандираклаб ортига қайtdi. У йўқолган бир қоп олтинини қайta топиб олган одамдай осмонларда учиб борарди...

Баҳром иккала қўлини бошининг тагига ёстиқ қилиб кўйди-да, оёқларини чалкаштириб, тепасида турган ойга яхшилаб разм солди. Оймома доимидан кўра сал катталашгандек кўринди. Ёки ўзига шундай туюлдимикан? У янада синчковлик билан назар солди. Шу қадар берилиб тикилдик, гўё ой билан ёнма-ён тургандек ҳис қилди ўзини... Кейин ойда ўша таниш қиёфа намоён бўла бошлади. Аввал кўзлар, қошлар, киприклар расми чизилди, сўнгра қизғиш лаблар ва бежиримгина бурун тасвири пайдо бўлди. Аста-секин ой ўрнини қизнинг руҳкори эгаллади.

Баҳром унга шунчалар яқин турганидан хижолат тортиб, юзини орқага олди. Тик турган жойида яна ўша майин қўл тафтини ҳис қилди. Бола энди ўзига бўйсунмади. Қизнинг кўлидан маҳкам ушлаб, қирларга қараб югуриб кетди. Икковлон кучлари етган жойгача чопишиди. Энг юқори чўққига чиқишига, оёқлари остидаги лолақизғалдоқлар қучогида анча вақтгача бир-бирига тикилиб ўтиришиди. Қанча пайтдан бери бир-бирига тўймаган кўзлар бугун айрилишни ҳеч ҳам истамасди. Висол дамлари етиб келгани ҳар икки ошиқ юрак учун ҳам аниқ бўлиб турса-да, журъат этиб бир нима қилишга ботина олмасди. Ҳатто бир сўз дейишга-да ҳожат йўқ эди. Фақат нигоҳлар сўзлашар ва бу тилни фақатгина ошиқ юраклар тушуна оларди.

Улар узок вакт шу зайлда ўтиришиди. Лекин ҳеч бир-бирига тўйишмади. Аксинча янада кўпроқ термулиб турини хоҳладилар. Қизнинг лаблари табассумга мойил тарзда жилмайганида унинг кулгичи боланинг дилига қайта ўт ёди. Юлдуз чақнаб турган қизнинг кўзларида чукур муҳаббат изҳори яширин эканлиги шундокқина билиниб турарди. Лабининг четига тушиб турган бир тутам сочи эса қизнинг жаҳрини чиқармасди. Аниқроғи, Шоҳида бунга эътибор бермаганди. Бола икки бармоғи билан ўша зулфни қизнинг қулоғи орқасига ўтказиб қўйди. Шундагина ҳаёдан қизарган юзлар кўздаги нигоҳ билан бирга қўйига эгилди. Кейин қиз унинг кўлидан юлқиб чиқиб, нарироққа борди-да, кўллари билан юзини тўсиб олди.

Баҳром ўзида йўқ ҳурсанд, баҳтидан сармаст эди. Ҳозирда ундан баҳтли одам топилмасди. Оппоқ тишлирини кўрсатиб, жилмайди-да, гуллар устига аста чўзилди. Кўзларини юмиб, лаҳзалар ичиди рўй берган воқеалар ҳақида кўпроқ ўйлашга урина бошлади...

– Ҳой, сизга гапирияман.

Бу таниш овоздан Баҳром кўзларини очди. Қуёш тиккага келиб қолган, атрофида эса бир неча қиз унга қараб турини ўшишарди. Қизларнинг олдида чўзилиб ётгани ўзига ҳам эриш туюлиб кетди, шекилли, дарҳол ўрнидан сакраб турди. Шундай ширин тушнинг белига тепгани учун уларни бир сўкмоқчи бўлдио, лекин бояги таниш овоз унинг қулоқлари остида жаранглагандек яна янгради:


– Ҳей, эски таниш, пахтазорда юрган буқача сизга қарашибими?

Бу ўша қизнинг овози эди. Наҳотки уни топиб келган бўлса? Бу ерга қандай чиқишиди экан? Ёки шунчалик кўп ухлаб юбордими? У саволларига жавоб топгунича қиз яна гап ташлади:

– Сизни бувингиз қидириб юрибди. Пастга тушсангиз, яхши бўларди, – улар шундай деб, ортига қараб кетишиди. Шоҳида кета туриб, ўнга ўғирилди. Қўлини кўтариб, хайрлашган бўлди-да: – Бундан кейин бунақа жойларда ухламанг, – деб ширин кулгичини ўнга ҳадя қилиб кетди.

Бола то ўзига келиб олгунича қизлар пахтазор ичиди ғойиб бўлишиди. Нима дейишди? Буқача бўшалиб кетибди-ми? У дарров яна пахтазорга қараб йўл олди. Энди у дунёдаги энг баҳтиёр инсон эди. Югуриб бораркан, қип-қизил тусга кирган юзидан табассум аримасди...





УСЛУБНИНГ ГЎЗАЛ ҚИРРАЛАРИ

Шодмон ОТАБЕК

Талабалик йиллари Иброҳим Фафуровнинг «Гўзалликнинг олмос қирралари» деган китобини талашиб-тортишиб ўқиган эдик. Бу китоб биз шу маҳалгача ўқиган асарларга мутлақо ўхшамас, бутунлай бўлакча, эркин, шоирона бир услубда битилгани боис диққатимизни тортган эди. Кейинчалик билсак, Иброҳим aka университетда ўқиб юрган кезларидаёқ устоз Умарали Норматов эътироф этганидек, талаба Фафуровдан мунаққид Фафуровга айланиб улгурган экан. Муаллимларимиз ўқиб чиқишига топширган мажбурий адабиётлар рўйхатидаги аксарият китоблар зерикарли туюлар, уларни мажбурият юзасидан ўқир, адабиёт илмида узоқ ҳукм сурган қуруқ академизм, иқтибосбозлиқ, юзакилик иллати жонимизга теккан эди. Иброҳим аканинг ўша китобида бўй кўрсатиб, нишона берган ва бизга янгиликдай туюлган фазилатлар асардан асарга мукаммаллашиб, йиллар давомида сайқал то-пиб, бекиёс ва бетакрор бир услуб сифатида шаклланди. Тафакур тарзидаги ўзига хослик, сўз санъатини эстетик ҳодиса сифатида ҳис этиш ва талқин этиш, бадий асар моҳиятига теранроқ кириб бориш, танқидни гўзалликни кашф этиш санъати деб ҳисоблаш унинг ижодида устувор йўналишга айланди.

«Адабий танқидни эссе жанрига яқинлаштириш, икки жанрни омухта қилиш учун кўп йиллардан бери уринаман», дейди муаллиф. Бу уриниш ажойиб самаралар бергани учун ҳам асарлари худди бадий асар каби мароқ билан ўқилади. Бизда ҳали-хануз асл намунаси яратилмаган «Машхур кишилар ҳаёти» туркумидаги асарларни Иброҳим Фафуровдек потенциал ёзувчилик салоҳиятига эга бўлган қаламкашлар ёзса мақсадга мувофиқ бўларди, деб ўйлайман. Дарвоқе, Иброҳим аканинг насрый асарлари ҳам бор, факат улар эсселари, бадиалари соясида қолгани учунми, у қадар оммалашмаган.

Санъат асари ҳақидаги асар ҳам санъаткорона ёзилиши лозимлиги кўп таъкидланади, аммо бунга амал қилиш осон эмас. Немис файласуф ёзувчиси Лихтенберг «Эй Худо, китоб ҳақида китоб ёзишдан ўзинг асра» деган эди. И. Фафуров эса китоб ҳақида, ёзувчи ҳақида ёзишини яхши кўришлигини ўзи очиқ эътироф этади. Демак, ҳамма гап қаловини топишда. «Қалов»нинг калити эса битта – истеъод!..

Шахсий кутубхонамда вактим бўлгандага ўқиб қўярман деб бир четга таҳлаб қўйган китоблар анча тўпланиб қолган экан, вақт топиб эринмай ҳаммасини ўқиб чиқдим. Айримларини шунчаки вараклаш билан кифояландим. Менда энг чукур таассурот қолдирган, энг кўп завқлантирган, чексиз ҳайратлантирган китоб – Иброҳим Фафуровнинг «Шарқ» нашриётида 2008 йили чоп этилган «Мангу латофат» асари ((2006 йили чоп этилган «Ҳаё – халоскор»нинг мантиқий давоми) бўлди. Шубҳасиз, бу китобни шунчаки вараклаб ёки тез ўқиб бўлмасди. Уни ютоқиб, ҳайратланиб, завқланиб ўқидим.

«Мангу латофат»нинг жанри гарчи бадиалар, рисолалар деб белгиланган бўлса-да, китобнинг мазмун ва мундарижаси бу қолипга сифмайди, қамров шу қадар кенг. Муаллиф китобнинг миллат ҳақидаги куюнчак, но-зик ва теран фикр-мулоҳазалари, кузатишлари жамланган бобини «Миллатнинг биллурланиши» деб ўзига хос, шоирона номлади. «Миллат деганда биз нимани англаймиз? Миллат қачон юзага келади? Халқ деганда нимани тушунамиз-у, миллат деганда нимани тушунамиз?» каби кўпчиликни қизиқтирган, бир умр тўлқинлантириб келган муаммо-саволларга жавоб қидиради.

«Хуллас, тил, тарбия ва маърифат билан миллат майдонга чиқади. Миллат ҳалққа ёхуд авомга хос тарқоқликнинг тугаганлигидир. Давлатчиликнинг мустаҳкам ва тебранмас тарзда шаклланганлигидир» деган хуносадан қониқиш хосил қиласиз. Миллий онгнинг ўйғонишида бекиёс хизматлар қилган, фидойилик кўрсатган жадидчилик ҳаракатининг йирик вакиллари – Фитрат ва Бехбудийларнинг фаолияти, қолдирган боқий мероси атрофлича таҳлил қилинади.

Китобнинг иккинчи, салмоқли қисми адабиёт, шоир ва ёзувчилар ҳақида, шу боиси у «Адиблар гулшани» деб номланган. Муаллифнинг ёниқ, эҳтиросли сўзи туфайли таникли адилларимиз ҳақидаги тушунча ва тасаввурларимиз теранлашади, бойийди, уларнинг нурли сиймоси кўнглимизига янада яқин бўлиб қолади.

И. Фафуров атоқли адаб Одил Ёқубов ижоди ҳақида тўхталаркан, шундай ёзади: «Менга Одил Ёқубовни ёзувчи даражасига кўтартган «Муқаддас»да ҳам, ундан кейин яратилган «Ларза», «Тилла узук», «Бир фельетон



қиссаси» каби асарларда ҳам шу «Икки мұхаббат»дан әрғашыб кепаётган бир ЎЗАК НАРСА (тақид бизни – Ш. О.) борга үхшайды. Буни, янгилишмасам, инсоннинг ўз-ўзини очишга, ўз майлини намойиш қилиш, иродасини күрсатиш ва тасдиқлашга бўлган интилиш деб атash мумкин. Булар ахир ижод ва ижодкор учун ўзак, асос нарсалар эмасми?».

Иброҳим Ғафуров худди табиб беморнинг томирини ушлаб, дардини бехато айта олганидек, ҳар бир адид ижодидаги ўша ўзак нарсани тўғри белгилайди, шу боис айтган сўзлари жўяли, залворли, таъсири. Шу боис унинг битикларида ўзи сўйган, ўзи севган ва ихлос кўйган адиларнинг суврати ва сийрати ёрқин очилади. Ҳар бир айтган каломи, сўзи, ҳар бир фикр-мулоҳазаси адабиёт аталмиш мўъжизага буюк мұхаббат ва эҳтиромдан, ошуфталиқдан туғилади. Шу боис биргина жумла билан Эркин Воҳидов ижодининг бутун маъно-моҳиятини жуда теран ва ҳақоний акс эттира олади: «Унинг барча ёзган асарлари замиридаги самимият, маҳрамона инсонийлик, меҳр-оқибатни одамийликнинг энг юксак идеали дараҷасида тушуниш ва ўз асарларида шундай талқин этиш, яъни шеър-достондагина эмас, ҳаётда ҳам, ҳаётнинг ҳар қандай ҳолатларида шунга риоя этиш, оғишмай амал қилиш, Ватанга худди отага суюнгандай суюниш, ҳалқга худди онага топингандай талппиниш, юртнинг, элнинг камолини ўйлаш, орзу қилиш, унинг учун тинимизиз қайғуриш ва юрт маънавияти, тарихи ва анъаналаридан доим завқларга тўлиб юриш, қадим мумтоз шоир, муаррих, донишманд адид аждодлар каби комилликка сажда қилиш, комилликни кўрган, унга дуч келгандан дарҳол илҳомга тўлиш, ҳаяжонланиш – Эркин Воҳидовни инсон, шахс, катта санъаткор шоир сифатида ўз даври, ўз авлоднинг жуда ёрқин пешқадам вакили деб қарашга имкон беради».

Китобда адиларнинг ижоди билан таржимаи ҳоли, шахсияти бир бутунликда, яхлит олиб қаралади. Яқин ўтмишда ўтган таникли адилар ҳақида гап кетганда, муаллиф айрим олимлар каби «Ҳа энди, улар ўз даврининг фарзанди эди» каби умумий мuloҳазалар билан чекланмайди. Улар санъатининг бетакор жиҳатлари нозик таҳлил қилинади, айни чоғда дунёқарашларидағи мураккабликлар, фарқли томонлар ҳам холис кўрсатилади. Бу ўринда муаллиф қиёслаш усулидан унумли фойдаланади. Фитратлар, Қодирийлар шўролар замонида ўзларини озод ҳис этмаганлари, Абдулла Қаҳҳор каби адилар эса ўзларини озод инсон деб ҳис қилиб, қизил мағкуруни қабул қилганликлари тўғри таъкидланади. Айни чоғда муаллиф ўз фикрини ягона ҳақиқат тарзида тақдим этмайди. Келажақда Абдулла Қаҳҳор ижоди бошқача талқин қилиниши ҳам мумкинлигига ишора қиласиди.

Қиёслаш орқали таникли мунаққидлар – Озод Шарафиддинов ва Умарали Норматовлар ижоди, истеъододининг ўзига хос томонлари холис ва теран ёритилади.

Таникли Ҳамзашунос олим Лазиз Қаюмов ҳақиқидаги кузатишлар ҳам бетакор, диққатга сазовор: «Ҳамза деган оғизга бол тутарди. Фақат мағкура чегаралари ва меъёрларига сира сиғмайдиган Ҳамзадай улуғ миллатпарвар ва озодлик жарчисини мағкура платформаларига ва унинг чегаралари ичига сиғдириш, тортиб олиб киришга уринарди. Ҳамзанинг серкирра ижоди ва тарихий фаолияти эса бунга сиғмас ва ўз бошига исён қиласиди».

Бу мuloҳазаларда И. Ғафуровнинг очиқ айтолмаган, айтишга истиҳола қилган фикрлари ҳам бўй кўрсатиб турибди. Андишали, маданиятли олим шу тариқа тўла-тўқис айтолмаган гапларини китобхоннинг фахму фаросатига

ҳавола этади. Марифатли китобхон учун ёзади ва шундай китобхонни орзу қиласиди.

«Мангу латофат» бошдан оёқ озодликка, ижод эркинлигига ташналиқ, империячилик, истилочилик, зўравонлик ва қатағон сиёсатига, қизил мағкурага қарши чексиз нафрат руҳи билан суғорилган. Усмон Носир ҳақиқадаги «Қисматнинг овози» бадиасида бу фоя айниқса бўртиб кўринади. Ушбу аламли битикларни хотиржам, ҳаяжонсиз ўқиши мумкин эмас:

«Даҳшатли Сибир ўрмонларида яланғоч кўқсини ўйиб қонга ботирган Усмон Носир!

Сенинг шеърларингда қисматнинг ҳайқиради!

Гуноҳинг нима эди, сени бунчалар шафқатсиз забун қилдилар?»

Адабий мұхитда, турли давраларда «Шеъриятни ҳеч ким Иброҳим ақачалик чуқур тушуниб, таҳлил қиполмайди!» деган гап юради. Бу эътирофда жон бор, албатта. «Шеърни таҳлил қилиш жуда ҳам гўзал қизнинг кипригини санаш билан баравар. Киприк санашга берилб кетиб, гўзалликнинг асл моҳиятидан бехабар қолиб кетасиз» деб ёзади мунаққид. Маълум муддат бошқа ишларга андармон бўлган мунаққид шеърият таҳлилидан андак узоқлашган ва муҳлислар унинг асарларини соғиниб қолишган эди. Китобда муаллифнинг Ойбек, Зулфия, Шайхзода, Абдулла Орипов, Азим Суюн, Саъдулла Ҳаким шеърияти ҳақиқидаги ўзига хос, оҳорли мuloҳазалари ўрин олган. Айниқса, сўнгги йиллар шеърияти ва адабий жаражон ҳақиқидаги теран кузатишлар, кутилмаган хулосалар ногоҳ ўқувчини сергак торттиради, уни фикрлашга, мушоҳадага чорлайди.

«Хозир аксар истифода қилинаётган шакллар бир тусли ва номавзунки, уларни эслаб қололмайсиз. Мингта шеър – битта шеърга үшшайди баъзан. Юзлаб шеърлардан тузилган тўпламлар баъзан битта шеърнинг турли вариацияларида туюлади. Булар адабий ўқишлилар сустлашгани ва уларда изчил системанинг йўқлиги натижасидир» деб ёзади муаллиф.

Китобнинг мавзу доираси анча кенг. Учинчи – «Ахлоқни соғиниши. Ҳаё – ҳалоскор» деб номланган бобда муаллиф маънавий, ахлоқий, фалсафий масалалар ҳақида ўта куюнчаклик билан, айни чоғда жиддий ва тेरан мuloҳаза юритади. Оламнинг ва одамнинг номукаммаллигидан куйинади, қайғуради, комил инсонни орзу қиласиди. Бу жиҳатдан у буюк ўтмишдошларига үхшаб кетади.

Достоевскийнинг дунёни гўзаллик қутқаради деган машҳур ҳикмати бор. Иброҳим Ғафуров замона зайли ва глобаллашув шароитидан келиб чиқиб, масалага сергакроқ назар ташлаган ҳолда бўлакча, ҳаётйроқ ёндошади:

«Ер юзида тугал оқиллик, меъёр ва иродада билан яшамоқдан ўзга чора қолмади.


Оқиллик, меъёр ва иродади!

Одамзодни шу уч нарса қутқаради. ...Яқин орада барча одамзод шу фикрга келади».

Бу – бутун цивилизация тараққиётини синчков кузатган донишманднинг хулосаси! Унга қўшилмоқдан бошқа илож йўқ!

Муаллифнинг умидбахш, некбин башорати ижобат бўлишига ишонгинг келади.

Иброҳим аканинг китобга, мутолаага ошуфталиги ўзи бир достон. Биринчи китобнинг шукуҳи, нашъу намоси (дарҳақиқат, илк китоби чиққан муаллифнинг қувончи бекиёс, бетакрордир) ҳақида самимий ҳаяжон ва лиризм билан суғорилган ҳикоясининг ўзи бир достон. Наво-



иини қандай ўқиб ўргангани ўзи бир достон, Навоийни тушуниш қишин дея танбаллигини, ҳафсаласизлигини хаспўшловчиларга зўр ибрат! У болалигидан китобга астойдил меҳр қўяди, (бу ихлос бир умр давом этади) бошқа тенгдошлари каби ҳайитликда ўйинчоқ ёки бирон ширинлик эмас, китоб ундиради. Керакли китобларни ўсмирилик ва ёшлик йилларидаёт ўқиб чиқади. Шу нарса унинг ҳаёт йўлини, тақдирини белгилайди. Бу – унинг бахти ва омади эди.

Яхши китобхон билганларини бошқаларга ҳам илинади, ўқиган китобларидан бошқаларнинг ҳам баҳраманд бўлишини истайди. Муаллиф Абулфайз Байҳақийнинг «Тарихи Масъудий» китобини ўқиб, қаттиқ таъсирангани, бу ҳақда Одил Ёқубовга гапириб бергани, адаб ҳам бу асарга қизиқиб, ундан сўраб олиб ўқигани ва оқибат ижодий ғоя туғилиб, «Кўхна дунё» романни яратилганини мароқ билан ҳикоя қиласди.

ИброҳимFaфуровнинг мумтоз адабиётни ҳам, замонавий адабиётни ҳам бирдай маҳорат билан магзини чақиб, нозик таҳлил қила олиши (бундай мунаққидлар бизда саноқли) аввало Оллоҳ юқтирган истеъоддога ўша мутолаа маданияти эш бўлиб, яхши самара бергани натижасидир. Яни чоғда қаламининг қудрати ва услубининг гўзалигини ҳам шу икки омил билан изоҳлаш мумкин. Мен аслида ушбу мақолани Иброҳим Faфуров услугига бағишламоқчи эдим. Шундай қислама нарса жой-жойига тушадигандек туюларди. Мен бу услубни таърифлайдиган сўз, иборани кўп қидирдим: гўзал, бетакрор, жозибадор, гаройиб, оҳорли, мафтункор... Кўтаринки сўзларни қўллашга иймандинми, бундай таърифлашга журъат қиломадим. Балки «Оддий сўзларни усталик билан уйғунлаштириш санъати» десам тўғрирок бўлармикин? Балки бу услубнинг сехру жодуси заминида шунчаки она тилни аъло дараҷада билиш ва уни теран, нозик ҳис эта билиш салоҳияти ётар? Нима бўлганда ҳам бу услуб бетакрор, бекиёс. Уни таърифлашга сўз қидириб бош қотиргандан кўра «Иброҳим Faфуров услуги» деган мавзуда диссертация ёзib қўя қолган маъқулдек туюлади. Ижоди шунга арзиди, шунга имкон беради. Таржимонлик маҳоратининг ўзи ўнлаб илмий ишларга мавзу бўла олади.

Дарҳақиқат, сўз туйғуси ўтқир, сўзга, адабиётга ошуфта кўнгил И. Faфуров услугидан завқланмаслиги, ҳайратланмаслиги мумкин эмас. Бизда адабиёт ҳақида, ижод ва ижодкор ҳақида шу маҳалгача ҳеч ким бундай ёзмаган эди. Тилнинг, сўзнинг гўзалиги ва қудрати, чексиз имкониятларини фақат ёзувчи, шоир эмас, олим, мунаққид ҳам намойиш эта олиши мумкин экан. И. Faфуров гапга чечанлигини, сўзамоллигини кўрсатиб қўйиш учун шундай ёзмайди, гапни айлантирмайди, бодилик қилмайди, у борликни, адабиётни шундай англайди ва шундай ҳис этади, ҳиссиятларини сизга ҳам «юқтиради», унинг фикрлаш тарзи, услуби шундай, ҳаммаси табиий! Ўзини мажбур қилиб ёзмаётганига, ёзганлари фақат илҳом маҳсули эканига ишонасиз. У сўз уммонида балиқдек эмин-эркин сузади. Гоҳо қўйилиб келаётган фикрларини қофозга туширишга улгуролмаётгандек туюлади. Шунда унга оҳанг ёрдамга келади. Мусиқачиларда сўз тугаган жойда оҳанг, куй бошланади деган гап бор. Унинг матнидаги бетакрор оҳанг сизни аста-секин аллалаб, ўз оғушига олади, сеҳрлайди. Услубдаги жозиба, маънодаги улугворлик, эҳтирос ва кўтаринкилик ҳам ана ўша оҳанг орқали зухур бўлаётгандек туюлади. Ана ўша оҳанг, услуб тифайли Ойбек шунчаки Чўлпонни ҳимоя қилиб мақола ёзмайди, балки «фарёд қиласди», Одил Ёқубовда янги асар яратиш ғояси туғилди эмас, «ғояси ёнди» дейилади...

Чукур маърифий билим билан омухта бўлган бу ноёб услугуб гўзаликнинг олмос қирраларини кашф этишда кўл келаётир. Айни чоғда бу услугуб руҳиятимизда кўтаринки, эзгу туйғулар уйғотади, сўзга, сўз санъатига меҳру ихлос уйғотади.

Иброҳим Faфуров ижоди ҳақида замондошлари анча-мунча иш қилишган бўлса-да, унинг феномени ҳали ҳазм қилинмаган, ўрганилмаган. Уни тўла-тўқис ўрганиш, ҳис этиш иши аввало унинг услубидан бошланмоғи лозим. Катта адабиёт остонасида турган ёшлар айниқса унинг тил маҳоратини синчилкаб ўрганишлари керак.

Иброҳим ака сўзларнинг маъно товланишларини ниҳоятда нозик илгайди ва бундан унумли фойдаланади. Янги сўз ва тушунчаларни (масалан, тангдиллик, неомумтоз, миқёсли тасвир усули, муҳаббат фани каби) дадил истифодага олиб киради. Айрим сўзларнинг этимологиясини (масалан, фан сўзини) тилшунос олимдан ҳам кўра зуккороқ, чуқурроқ таҳлил қиласди.

Биз ҳар куни эшитиб, ўқиб юрадиган севги, муҳаббат деган сўзларни синоним – маънодош деб ўйлаймиз. Муаллиф бу сўзлар орасидаги нозик фарқни шундай шарҳлайди: «Муҳаббат бир томонлама бўлмайди. Лекин мана севги, яхши кўриш эса тамомила бир томонлама бўлиш эҳтимолидан узоқ эмас. Севги ва яхши кўриш бир томонлама, яъни жавобсиз бўлиши мумкин. Унинг ожизлиги, аянчлилиги шунда. Лекин муҳаббат ҳабиблиқда ва доимо икки томонлама, яъни англанган ҳодисадир. »

И. Faфуров китобининг «Ноёб сўзлар поэзияси» бобида айрим шоирларнинг ҳозирги китобхонга тушунарли бўлмаган сўзларни (хатто луғатлардан ҳам маъносини топиш қишин бўлган сўзларни) кўп қўллагани учун асосли равишида танқид қиласди. Ажабо, устознинг ўзи ҳам китобида шундай сўзларни бемалол қўллайди. Буниси қандоқ бўлди дея аввалига ҳайрон бўлдим. Ўша сўзларни ўзим ҳам яхши тушунмаганим учун қаламда белгилаб қўйган эдим, эринмай луғатларга қараб, аксариятининг маъносини билиб олдим. Шу баҳонада сўз бойлигим ортди ва... устозни тушундим. Китобхон шу баҳонада луғат титкилаб, сўз бойлигини орттирса ўзига фойда экан!

«Мангу латоғат»нинг сўнгги бобига устознинг кундалик матбуот учун ёзган оддий, ўртамиёна мақолалари ҳам киритилганки, улар муаллифнинг бошқа, баркамол асарлари соясида қолиб кетгандек туюлади. Шунингдек, Усмон Носирнинг исму шарифи айрим ўринларда Носирий деб аталиши ҳам сал эриш туюлади. «Қутлуғ қон»да Холматнинг ўчи (?) ҳақида гапирилади, аслида Ёрмат бўлиши керак. «Уғқ» романидаги ота Икромжон ўз ўғли Турсунбойни отиб ўлдиргани (?) (бундай воеа бўлмайди) айтилади. Китобнинг бошқа бир саҳифасида эса бунга тамомила зид фикр айтилади. Натижада ўкувчи чалғиб қолиши мумкин. Тўғри, бундай жузъий нуқсонлар юксак савияда ёзилган китобнинг ғоявий, бадиий, маърифий аҳамиятини пасайтиrolмайди, албатта. Ҳарқалай, бундай нуқсонларнинг бўлмагани маъкул.

«Умрда шундай бир палла келади: донишмандлик палласи, – деб ёзади муаллиф ўз китобида. – Ақл чироги равшан тортиб, равшан ёниб, равшан, ишончли зиё тарадиган палла».

Бу сўзларни бемалол муаллифнинг ўзига нисбатан қўллаш ҳам мумкин. Иброҳим Faфуров истеъододи жилоларидан, ақл чирогидан, тафаккуридан, илҳом булоғидан таралаётган зиё мудом бизни фикрлашга, маънавиятга, маданиятга чорлаб туради. Тилагимиз – бу зиё ҳеч қаҷон сўнмасин.



Ñóyí ÷èì ́çèí ãñàí, 3óâîí ÷èì ́çèí á

* * *

Тонг отмоқда...

*Төг қизининг ёногиدهк қизарган шафақ,
Чўққилар ҳам таққан каби бамисли зирак.
Қалдиргочлар “Вал фажерни” куйлаган чоги,
Осмонларга учмоқ бўлиб ҳаприқар юрак.*

Тонг отмоқда...

*Фаришталар ҳузуридан муждалар олиб,
Деразадан шўх-шаън елиб киради насим.
Қаранг, томга майсалардан тўшама солиб,
Қизгалдоқлар қадаҳ тутиб айлашар базм.*

Тонг отмоқда...

*Булоқ худди тонг чогида кўз ёрган мисол,
Субҳи саҳар ёғду сочиб таранади ер.
Менинг мудроқ илҳомим ҳам уйгонар алҳол,
Тонгдек оппоқ қоғоз узра тўклилади шеър...*

* * *

*Тизгинсиз хаёллар тин билмас асло,
Кўлимдан етаклаб кетади, олис.
Согинч – ҳижрон туни қорайган само,
Мени қийнамагин, қийнама, ёриши...*

*Сабр – менинг ёлгиз юпанчим, тогим,
Суячим ўзингсан, қувончим ўзинг.
Сохта нигоҳларга дуч келган чогим,
Мен сенинг бағрингдан топаман тўзим.*

*Овунчоқ сўзлардан изларман таскин,
Ёлгизлик, сен билан сирдоши тутинидим.
Бу дарднинг давоси йўқ экан, баским –
Ўқиндим, ўқиндим, ёмон ўқиндим.*

*Сен энди қайтмайсан!..
Ўтди тўрт фасл,
Бокира ҳисларим куйиб бўлди кул.
Сени кутавериб чарчадим, васл!
Энди тоши санамга айландим буткул.*

**Nigora TOFAEVA**

*Афсус ва надомат ичидা қолиб,
Бир куни пойимга келсанг уриб боши.
Мен сенга боқмайин кетурман, голиб,
Худди сен кетгандек бир пайт, бағритоши!*

ТУН СЕҲРИ

*Тун! Борлиққа,
Зулмат ҳоким,
Кўзларимда уйқу йўқ зарра.
Юлдузчалар жисмирлар, само –
Менинг каби безовта, қара.*

*Дарахтлар ҳам уйқуси қочган,
Ҳаловатин йўқотган, жисмодир.
Бир чигиртка чириллар ёмон,
Бармогини босди-ёв кимдир.*

*Ой кўзига кўриниб нондек,
Кўлмакдаги аксин қувлайди.
Сўнг бўшашиб, осмонга боқиб
Қайдадир ит нолон увлайди.*

*Ёзай дейман, ёзолмам, олам –
Тўлгонади уйқусизликдан.
Менга уйқу бермагин майли,
Ўзинг асрса туйгусизликдан!*

*Тун дегани бунча имиллоқ,
Оёгини босади судраб...
Назаримда бутун бир дунё
Тонг отишин кутмоқда мудраб.*





«ТОШКЕНТ – НОН ШАҲРИ»

Таҳририятдан: Яқинда “Ўзбекфильм” киностудиясига Россиянинг Старомайтский районидаги Новиковская номли мактабнинг бешинчи синф ўқувчиларидан ҳаяжонли хат келди. Болалар ўзларининг юртдоши бўлган ёзувчи А. Неверовнинг “Тошкент – нон шаҳри” қиссаси асосида яратилган шу номдаги бадиий фильм, унинг дунёга келиши тарихи, кейинги тақдирни ва қаҳрамонларининг қисмати билан жуда қизиқишаётгандикларини ёзишибди.

Ха, ҳақиқатан ҳам илҳом ва ҳалол меҳнат билан яратилган асарнинг умри боқий бўлади. Ижодкор учун бундан ортиқроқ мукофот бўлмаса керак.

Биз машҳур “Тошкент – нон шаҳри” фильмининг саҳналаштирувчи оператори, Ўзбекистонда хизмат кўрсатган санъат арбоби Ҳотам Файзиевга мурожаат қилиб, мазкур картинасинг суратга олиш жараёнига тегишили хотира-лари билан ўртоқлашишини илтимос қўлдик.

Ўз эсдаликларини қунт билан қофозга тушириб келган Ҳотам акага миннатдорчиллик билдирамиз.

1966 йилнинг октябрь ойида “Тошкент – нон шаҳри” фильмни устида иш бошланди. Сценарий ёзувчи Александр Неверовнинг шу номли қиссаси асосида кинодраматург Андрей Михалков-Кончаловский томонидан ёзилганди.

Бу картинада биз учун энг муҳими – муаллиф қиссасида тасвирлаган воқеалар кечган жойларни топиш эди. А. Неверов ўз қиссасида 20-йилларда Волгабўйида кечган оғир очарчилик асоратларини, улкан минтақа аҳолисининг азоб-уқубатларини акс эттирган эди.

Рассом Э. Калонтаров иккаламиз эса суратга олинадиган жойларни кўздан кечириш учун Россиянинг Оренбург, Куйбишев, Горький, Саратов областларида бўлдик. Қишлоқлarda бўлганимизда маҳаллий аҳоли билан суҳбатлашдик, ўша воқеаларга шоҳид бўлганиларнинг ҳикояларини эшитдик. Қаерга бормайлик, қайси уйга кирмайлик, меҳмондўст руслар бизни ҳеч бўлмаса қайноқ карам шўрвасиз кўйиб юборишмасди.

Одамлар билан дилдан суҳбатлар асносида биз ҳалқ бошига тушган кулфатлар, тирик қолиш учун одамларга ҳамма нарсани ейишига мажбур этган машъум очарчилик йиллари ҳақида кўпроқ ва бири иккинчисидан даҳшатли маълумотлар ола бошладик. Биз бу ерда уйлари деразаларига тахта қоқиб ташланган, кимсасиз қишлоқларни кўрдик; ўз умринининг якунини сабр билан кутаётган ёлғиз қарияларга дуч келдик. Улар ҳеч кимга керак эмас эдилар гўё. Уларга ҳеч қандай ёрдам беролмаслигимизни тушуниб, қайғуга ботардик.

Биз кўп жойларни кўрдик, суратга олдик ва астасекинлик билан ўзимиз иш бошлаган мавзу ичига кира бошладик.

Шу билан суратга олинадиган жойларни кўришининг биринчи босқичи тугади ва биз Тошкентта қайдик. Бу ерда режиссёрлик сценарийиси устида иш бошладик.

Тасвирга тушириш жойлари географияси жуда кенг эди. Фильм воқеалари Россия, Қозогистон ва



Ўзбекистон ҳудудларида бўлиб ўтарди. Режиссёрлик сценарийиси тайёр бўлганидан кейин суратга олишнинг табиий жойларини топиш учун иккинчи бор ижодий сафарга чиқдик.

Бу сафарда биз қаҳрамонимиз Миша Додонов ўтган йўллардан юришга қарор қилдик. Қиши келиб қолганлиги сабабли сафаримиз анча мураккаблашди. Студиядан биз кигиз этик – пийма ва пўстинлар олдик. Сафаримиз чоғида улар бизга жуда аскотди.

Фильмда кўп воқеалар темир йўл билан боғлиқ эди. Шу сабабли биз олдиндан мамлакатнинг барча темир йўлларида юриш ҳуқуқини берадиган махсус рухсатнома ҳужжатларини олдик. Бу ҳужжатга асосан биз тепловозлар кабиналарида ҳам, юқ ва йўловчилар поездларида ҳам юришимиз мумкин эди.

Дастлаб Актюбинскдатўхтадик. Буердамеҳмонхонага мослаштирилган кўхна француз вагонида яшамизга тўғри келди. Актюбинсқда биз эски икки ўқли вагонлар ва бўш темир йўл тармокларини изладик. Омадимиз келган тақдирда шу ернинг ўзида қолган обьектларни танлашимиз керак эди. Афсуски, Актюбинсқда излаганларимизни тополмадик.



Бизнинг кейинги тұхташ жойимиз Бузулук станцияси бұлды, бу ердан қаҳрамонимиз Миша Додонов нон шахри Тошкентта қараб йўл оларди. Бу ерда фильмимиз учун мос келадиган объектларни топишимизга жуда ишониб турғандик. Ахир Александр Неверов ўз қиссасида айнан Бузулукни, унинг одамларини, қашшоқ қишлоқларини қаламга олганди.

Темир йўлни, вокзални ва яқин-атрофдаги қишлоқларни диққат билан кўздан кечириб чиқдик. Ўша машъум очлик йилларини бошларидан ўтказган кексалар билан гаплашдик, уларнинг ёғоч уйларига кириб кўрдик.

Бизга алоҳида объектлар маъқул келди, бироқ барча кўрсаткичлари билан бизни қаноатлантирадиган объектлар мажмуасини тополмадик. Гуруҳимиз тасавирга олиш ишларини хотиржам олиб бориши мумкин бўлган бўш темир йўл тармоғи масаласида ҳам муаммолар пайдо бўлди.

Бизга Александров Гайга боришни маслаҳат беришди. У ерга поездлар кам қатнаркан, шу сабабли бемалол суратга олиш ишларини олиб бориш мумкин экан.

Александров Гайга юқ состави кетаётганини билди қолгач, шоша-пиша энди юра бошлаган поезднинг вагонига осилиб чиқиб олдик. Аммо тез орада бу ишимииздан афсусландик. Вагон ичи ифлос ва жуда совуқ эди. Муздай елвизак оҳақ қолдиқларини чанг қилиб кўтарарди. Тез орада усти-бошимиз оппоқ тус олди, ўзимиз Қорбобога ўхшаб қолдик. Бир-бириմизга қараб кулардик: юзларимиз худди тегирмончиники дек эди.

Бир неча соатдан кейин состав қандайдир бекатда тўхтади. Вақтни йўқотмасдан, тепловоз томон чопдик. Машинистларга рухсатномаларимизни кўрсатиб, тепловозга чиқиб олдик.

Аввалигамашинистлар бизнингташқиқуринишимиизга ажабланиб, ҳайрон бўлиб қарашибди. Ниҳоят бунинг сабабини билишгач, дарҳол бизни кабинага ўтқазишибди ва қайнок чой билан сийлашибди. Тез орада баданларимизга иссиқ югурди, ўзимизни тетик ҳис қила бошладик.

Тепловоздан ҳамма томон яхши кўриниб турарди. Йўл бўйи биз ўзимизга маъқул жой қидириб ҳар томонга аланглаб келдик.

Кечга яқин Александров Гайга етиб келдик. Маҳаллий раҳбарият билан мулоқотда бўлгач, бизнинг талабларимиз бу ерда адо этилмаслигини тушундик.

Тунни вокзалда ўтказиб, эрталаб орқага қайтдик. Бизни темирйўлчилар учун жиҳозланган вагонга жойлашибди. Вагон юқ составига тиркалган эди.

Вагонда ётиш мумкин бўлган полкалар бор эди. Қаттиқ совуқ туфайли вагоннинг бутун ойналарини қиров ва муз қоплаганди.

Қидибувлар бизни Пенза бекатига олиб келди. Чоратроф оппоқ қор билан копланган эди. Буюртма таксида ўзимизга мос қишлоқни излаб Пенза области районларини айлана бошладик. Қалин ёқкан қор, ўтиб бўлмас йўллар ва қаҳратон совуқ ишимиизни қийинлаштиради.

Шундай кунларнинг бирида Эмануэль Калонтаров ўзини ёмон ҳис қилди. У бурни ва қулоқларини совуқка опдириб кўйганди. Калонтаровни шифохонага ётқизишига мажбур бўлдик, ўзимиз эса объектларни қидиришини давом эттиридик.

Пенза бекатида бизга темир йўл тармоғи бўйлаб Нижне-Ломово шаҳарчасига боришни таклиф этишибди.

Рассомимизни шифохонада ёлғиз қолдириб кетишига кўнглимизни чопмай турди. Шифокорлар Калонтаров янга бир неча кун муолажа олиши лозим деб айтишибди. Мен Эмануэлнинг яқинда бирдан ўзига маъқул келган қандайдир

манзарани кўриб қолиб, қувончдан қийқириб юборганча қиялиқдан чопиб келаётган маҳали қор ўюми ичидаги чуқурликка тушиб кетганини эсладим. Ўшанда уни аранг қалин қор қатлами тагидан суғуриб олгандик. Тарашадай қотиб қолган, фақат тишлари тақиллаётган шўрлик Калонтаров оёғида тик туролмасди. Уни қиздирадиган нарсанинг ўзи йўқ эди. Гуруҳимиздаги келишувга кўра ўзимиз бир грамм ҳам ичмасдик, ёнимизда ҳам спиртли ичимлик олиб юрмасдик.

Пензадан биз Нижне-Ломовога йўл олдик. Шаҳарча мўъжазгина эди. Шаҳарча раҳбарияти билан учрашиб, ўз мақсадимизни баён қилдик. Улар рус ёзувчисининг тилга тушган асари бўйича фильм олаётганимиздан жуда мамнун эканликларини билдиришибди.

Бизни бир колхоз раиси билан таниширишибди. Унинг исмини эслаб қолмаганимдан афсусдаман. Раис жуда ажойиб одам экан. Бизга бундай ҳавода у ёқларга машиналарда бориб бўлмаслигини тушунтиришибди ва отларга тиркалган катта-катта чаналарда йўлга тушишни таклиф этишибди.

Қалин пўстинларга ўралиб олган кўйи қишлоқлардан бирига йўл олдик. Аниқ йўлнинг ўзи йўқ эди, қалин қорда узоқ юрдик. Қаҳратон совуқ. Кўзларимизга қадар бекитиб, ўраниб-чирманиб олганмиз. Атрофда фақат оппоқ ранг. Қор тагидан телефон симёғочларининг учлари аранг кўриниб турди.

Ниҳоят омад биз томонга юз бурди. Биринчи дуч келган қишлоқнинг ўзиёқ бизнинг тасавуримиздаги қишлоққа мос келарди. Биз узоқ излаган, аммо сира тополмаган шамол тегирмони ҳам бу ерда бор эди. Энг ҳайратланарлisisи, қишлоқда ёғочдан бунёд қилинган черков ҳам сақлаб қолинганди.

Биз енгил нафас олдик. Ахир узоқ вақт, азобланиб излаганларимиз олдимиздан чиқиб турғанди-да. Қишлоқни ҳам, тегирмонни ҳам, черковни ҳам ва ҳатто бўш темир йўл тармоғини ҳам топгандик.

Шаҳарчадаги кичкина меҳмонхонада суратга олиш гурухини жойлаштиrsa бўларди. Шаҳарча бозорида эса ўша пайтлари ҳам ўзбеклар турли-туман меваларни сотиб ўтиришарди.

Биз турли кулбаларга кирдик, уларнинг эгалари билан сұхбатлашибдик, турмуш тарзи билан танишидик, суратга олиш учун кўчаларни танладик.

Қишлоқларда асосан кекса чол-кампирлар истиқомат қилишарди. Ёшларнинг ҳаммаси шаҳарга кетиб қолган. Кўплаб кулбаларда ҳатто оддийгина электр токи ҳам йўқ эди.

Электр токининг йўқлиги тасавирга олиш гуруҳимиз ишига ҳам таъсир қўрсатиши мумкин эди. Ахир техникамиз бевосита ток билан ишларди-да. Демак биз бу ерга ток ишлаб чиқарадиган ускуна билан келишимиз керак бўлади.


Колхоз раиси билан ёзда учрашибга келишиб олдик ва Пензага қайтдик. Бу ерда бизни қўзларида ўш билан рассомимиз Эмануэль Калонтаров қучоқ очиб кутиб олди.

Россияда натурани танлаб бўлганимиздан кейин биз Қозоғистонга йўл олдик.

* * *

Туркистон шаҳрига яқинлашарканмиз, вагон ойнасидан қадимий шаҳар харобаларини кўрдик ва машинада шу ерга боришга қарор қилдик.

Шаҳарда бўлганимизда ажойиб жойларни кўрдик ва каттагина объектни шу ерда тасавирга олишни,



Қозоғистонда юз берадиган саҳналарнинг қолган қисмини эса Тошкентдан 30-40 чақирим узоқликдаги “Дарвоза” бекатида суратга туширишни режалаштиридик. У ерда ҳам бўш темир йўл тармоғи бор эди.

Тошкентдаги саҳналар учун пойтахтимиз биқинида жойлашган колхоз узумзори танланганди.

Шу билан табиий жойларни танлаш бўйича давом этган узоқ ва машаққатли меҳнатимиз тугади.

Маълумки, суратга олиш гурухининг иши, ташвиши, елиб-югуриши – ҳамма-ҳаммаси актёр учун. Томошибин экранда актёрни, унинг ижросини кўради. Шу сабабли кинофильм яратишда актёrlарни танлаш жуда муҳим босқич хисобланади. Актёrlарни излаш билан иккинчи режиссёrlар ва уларнинг актёrlар бўйича ассистентлари шуғуланишади.

“Тошкент – нон шахри” картинасида рус миллатига мансуб персонажлар кўплаб учраши боис иккинчи режиссёrlицка “Мосфильм”дан рус актёrlарини яхши биладиган Константин Старостин таклиф этилди. Ўзбек актёrlари билан эса бизнинг иккинчи режиссёrimиз Эсон Каримов шуғулланди.

Актёrlик синовлари учун “Мосфильм” павильонларидан бирида ёғоч уйнинг бир қисми курилиб, унда рус актёrlари синаб кўрилди.

Додоновнинг онаси ролига кинода дастлабки қадамларини қўяётган актриса Валентина Тализина синаб кўрилди.

Эркаклар ролларига Москва ва Ленинград театрлари ҳамда “Киноактёр” студияси актёrlари синаб кўрилди.

Актёrlик синовлари яхши натижалар берди ва фильмга А. Суснин, Е. Гуров, В. Колпаков, Р. Куркина, Н. Аринбосарова, Н. Тимофеев, С. Чекан, Л. Калюжная ва бошқа қатор истеъдодли актёrlар жалб этилди.

Болалар роллари ижрочиларини топиш эса анча қийин кечди. “Мосфильм”га ҳам жуда кўплаб болаларни олиб келишди. Лекин улар орасида бизга керак бўладиган даражада салоҳиятли, бosh ролни ижро этадиган бола чиқмади. Биз ваҳимага тушиб қолдик.

Шунда кимdir яқинда болалар учун мўлжалланган фильмда суратга тушган болакай Володя Воробейни эслаб қолди. У Пермда яшарди. Володяни дарҳол Москвага чақиришга қарор қилдик.

Тез орада болакай бувиси ҳамроҳлигига “Мосфильм”да пайдо бўлди. Ш. Аббосовга ҳам, гурухимиизга ҳам у дарров маъқул келди. Болакайнинг юришидан, гапиришидан қишлоқда ўсганлиги кўриниб турарди. Ёши ҳам бизга тўғри келарди.

Володя иштирокидаги киносиновлар жуда мувваффақиятли ўтди. Биз енгил нафас олдик.

Серёжа роли ижрочисини топиш эса янада қийинро кечди. Россия областларида қидириувни давом эттиришга қарор қилдик. Куйбишев (ҳозирги Самара)ни танладик. У ерда павильонли киностудия бор эди.

Бизнинг иккинчи режиссёrlаримиз ва ассистентларимиз областнинг мактабларида, интернетларида, болалар ҳаваскорлик тўғаракларида Серёжа ролига мос болакайни излашга тушишди. Бу орада Шуҳрат Аббосов иккаламиз суратга олинадиган табиий жойлар – натура қидириб областни айланиб чиқа бошладик.

Йигирманчи йиллар очарчилиги Волгабўйи районларида бошланган ва Куйбишев шахри ҳамда унинг ён-атрофидаги қишлоқларга қаттиқ таъсир кўрсатган. Оч одамлар оломони Ўрта Осиёга нон излаб йўлга чиқди. Уларнинг кўпчилиги Қозоғистоннинг сўнгсиз чўлларида ўлиб кетди. Аммо манзилга етиб келганларга ҳам осон

бўлмади. Худди ўша пайтлари Тошкентда майда ўғрилик пайдо бўлди. Агар авваллари кичик дўконларнинг эгалари ўз дўконларини бемалол очиб қолдириб кетадиган бўлишса, энди эшикларга мустаҳкам қулф ўрнатишига ўтиши. Ўзбеклар ўз болаларини “самарска (самаралик) келаяпти” деб кўркитадиган бўлишди.

Аммо ҳар қанча оғирлик ва машаққатларга қарамасдан, Тошкент халқи Россиянинг очарчилик хукм суроётган минтақаларидан келган бечора одамларга жой берди, уларнинг қорнини тўйдирди.

Куйбишев шаҳрида бўлганимизда Шуҳрат Аббосов билан ўлкашунослик музейига кирдик. Келишимиздан асосий мақсадимизни билганидан кейин музей директори бизга Волгабўйидаги очарчиликнинг даҳшатли манзаралари акс этган ноёб суратларни кўрсата бошлади. Бу фотосуратлар мени ларзага солди...

Музей директорининг рухсати билан мен бу фотосуратларни расмга тушириб олдим. Бу суратлар фильмимиз учун декорация, либос ва эскизлар яратадиган рассомларимизга жуда кўп келди. Афсуски, вақт ўтиши билан бу суратлар йўқолиб кетди.

То биз суратга олинадиган жойларни танлаб, музей материалларини ўрганиб чиққунимизга қадар режиссёrlик гуруҳи киносинов учун болаларни танлаб бўлганди.

Яхши, истеъдодли болалар саралаб олинганилиги кўриниб турарди. Киносиновларни киностудия павильонида ўтказдик. Синов натижаларига кўра болалар ичida Володя Куденьков исмлиси энг яхши деб топилди. Фильмда у Миша Додонов билан бирга Тошкентга отланган дўсти Серёжа ролини ижро этди.

Биз маҳаллий актёrlар билан киносиновларни давом эттириш учун Тошкентга қайтиб келдик.

Ўзбек актёrlари бизга яхши таниш бўлишса-да, улар ичидан энг яхшиларини кунт билан синов ўтказибигина танлаб олдик.

Таниклий актёrlардан Ҳикмат Латипов, Жавлон Ҳамроевларни олдик. Ўзбек болакай Раҳим ролини ижро этадиган актёрни узоқ изладик. Режиссёrlик гуруҳи саъй-ҳаракатлари билан ниҳоятда қобилиятли бола бўлган Бахтиёр Набиев топилди.

Апрель ойининг бошларида суратга олишни бошладик. Тасвирга туширишнинг биринчи обьекти сифатида биз Тошкент яқинидаги колхоз узумзорини танладик.

Бу обьектда Ҳикмат Латипов, Нурхон ака Эшмуҳамедов, Жавлон Ҳамроев ва Володя Воробей суратга тушишлари керак эди.

Актёrlарга мос либослар танладик. Додонов учун уст-бош топиш анча қийин кечди. Қаҳрамонимизнинг ташқи кўриниши унчалик ўҳшамаётган эди. Болакайнинг хўб олис йўллардан, кўп машаққатлар ва азоблар тортиб келганини таъкидлаб кўрсатиб турувчи фижим, кир-чир, йиртиқ-ямоқ камзул керак эди. Бизни картинаимизнинг иккинчи режиссёri Эсон Каримов кутқарди – у қайдандир айнан шундай камзул топиб келди.

Биринчи кадрларимизни тасвирга тушириш учун бутун гуруҳимиз билан колхоз узумзорига келдик. Бироқ суратга олиш майдончасида Володя Воробей ҳам, унинг бувиси ҳам йўқ эди. Улар тезлиқида етиб келишини айтиб, бизни тинчлантиришиди.

Суратга олиш техникасини жой-жойига қўйиб чиқдик, мизансаҳнани аниқладик ва кадрни ўрнатдик. Одатда актёrlарни чарчатиб қўймаслик учун уларнинг ўрнига дублёрлардан фойдаланиларди. Дублёрлар билан кадр ва



мизансахналар аниқланади, чироқ ўрнатилади, суратга олиш камерасининг ҳаракат мароми солиштирилди ва ҳоқазо.

Мана, суратга олиш учун ҳаммаси тайёр бўлди. Ҳатто об-ҳаво ҳам бизга қўмак берәтгандай эди – қуёш чарақлаб турарди. Бор-йўғи болакайни кадрга олиб кириш ва “Мотор!” деба бўйруқ бериш қолганди, холос.

Бироқ... Володя Воробейдан дарак йўқ эди. Уни ҳеч ким олиб келолмади. Ўша пайтлари телефон алоқаси ҳали тараққий этмаган. Шу сабабли зудлиқда Тошкент билан гаплашишнинг ҳам ҳеч қандай иложи йўқ эди.

Гуруҳимиз аъзолари асабийлаша бошлашди. Бошка лавҳани ҳам суратга ололмасдик. Чунки барча кадрларда Володя Воробей бўлиши керак эди-да.

Кун бўйи бесамара кутиб ўтирганимиздан кейин ноилож орқага, Тошкентга қайтдик. Ўзимиз бўлса болакайнинг соглиғидан хавотирда эдик.

Шаҳарга келган заҳоти Володя ҳам, бувиси ҳам соғ-саломат эканлигидан хабар топдик. Болакайнинг суратга олиш майдончасига бормаганлигига сабаб эса – меҳнатига тўланадиган ҳақ масаласи эди. Буви билан набира сметадагига қараганда анча кўп гонорар талаб қилишди.

Ўшанда менга уларнинг бу қилиғи юлғичлик ва ғайриаҳлоқий ҳаракат бўлиб кўринди. Жуда жаҳлим чиқиб кетди ва Володя Воробей ўрнига Куденьковни бош ролда суратга олишина таклиф этдим. Яна бир неча киши менинг бу фикрими маъқуллади.

Лекин Шуҳрат Аббосов бу ҳақда ҳаттоқи эшитишини ҳам истамади. У бош ролда факат Воробейни кўрарди. Бошка бола уни мутлақо қониқтиրмасди.

У пайтлари бозор муносабатлари ҳақида мамлакатимизда гап ҳам бўлиши мумкин эмас эди. Биз аниқ белгиланган маошга қонаот қилиб ишлардик ва савдолашишни, ўзимизга кўпроқ пул талаб қилишни тасаввур ҳам этолмасдик. Эҳтимол ўша пайтлари болакай билан унинг бувиси кино санъатида ҳозирги бозор муносабатларининг уруғларини экишгандир. Албатта, бу ҳазил.

Аммо ўшанда улар юзага келган вазиятдан фойдаланиб, ўзларининг моддий аҳволларини яхшилашга ҳаракат қилгандилар.

Савдолашиб давом этаркан, гуруҳимиз бир неча кун мобайнида суратга олишга чиқолмади.

Воробейлар оиласи ва “Ўзбекфильм” ўртасидаги савдолашиб оила фойдасига ҳал бўлди. Кайфияти қўтарилиб кетган болакай суратга тушишга розилигини билдири.

Гуруҳ бутун таркиби билан суратга олиш майдонига етиб келди. Аммо ўша куни ҳаво айниб қолди. Кўқда енгил булувлар пайдо бўлди...

Куннинг иккинчи ярмида осмон булувлардан халос бўлади, қуёш чиқади деган умидда суратга олиш кунини бекор қилмаган ҳолда камераларни ўрнатиб, актёрлар билан саҳналарни машқ қилишни бошлаб юбордик.

Биз вақти-вақти билан осмонга илинж билан термулиб, булувларнинг тарқалиб кетишини кутардик. Лекин умидларимиз сира рўёбга чиқай демасди. Булувлар тарқалмай турарди. Кун дим. “Қилт” этган шабада йўқ. Осмоннинг биз “сут” деб атайдиган кўриниши эса гуруҳимизни қониқтирумасди.

Ўша куни ҳаво яхши томонга ўзгармади. Кечгача кутиб ўтиргач, ноилож студияга қайтдик.

Бу ҳол бир ҳафтадан кўпроқ давом этди. Гуруҳимиз очиқ кунни кутган ҳолда ҳар куни ишонч билан суратга олиш майдонига чиқарди. Аммо...

Ниҳоят бир ҳафтадан сўнг осмон артилган шишадай тиниклашди, жилмайиб қуёш чиқиб келди ва биз ишлашни бошладик.

Кадрни тасвирга туширарканмиз, режиссёrimиз Шуҳрат Аббосов картина қаҳрамонини танлашда янгишмаганига ишонч ҳосил қила бордик. Володя Воробей ўз ролини ўта ишончли тарзда талқин этарди. Биз ёш актёрнинг ҳар бир сўзига, ҳар бир ҳатти-ҳаракатига ишонардик. Буни кўриб, кайфиятимиз кўтарилиб кетди. Фильм яхши чиқишига ишонч пайдо бўлди.

* * *

Пенза облатининг Нижнее-Ломово шаҳарчасида картинализминг кўплаб объектлари жамланган эди. Биз қиши пайти келганимизда натура учун танлаб олган жойларимизга бордик.

Волгабўйи темир йўли раҳбарияти томонидан Нижнее-Ломовога эски кўринишдаги вагонларни юборишга бўйруқ берилди.

Мехмонхонага жойлашганимиздан кейин Аббосов, Калонтаров, картина директори ва мен тасвирга тушириш учун танлаб олинган қишлоққа йўл олдик.

Олдинги картиналаримизда ҳам болалар иштирок этганилиги сабабли, улар билан ишлаш борасида анчагина тажриба ортириб улугургандик.

Лекин “Додоновлар ҳовлиси” обьектини суратга оларканмиз, кутилмаганда ёш болаларнинг фавқулодда ўжарлиги ва инжиқлигига дуч келдик.

Гуруҳимиз аъзоларидан кимдир уларга токи ўйинчоқлар беришмагунча режиссёр амакининг айтгандарини қилманглар деб шивирлаб қўйган экан. Федъка билан Яшка ролини ижро этаётган болакайлардан гоҳ бири йиглайди, инжиқлиқ қиласи, “кинга тушмайман” дейди, гоҳ иккичиси. Режиссёрнинг ҳар қанча ялиниб ёлворишлари ҳам уларга кор қилмади.


Бизнинг ҳовлилардан фарқли равища, бу қишлоқда ҳовлилар ҳар куни супуриб-сидирилмайди. Қуёш кўйка кўтарилиганидан сўнг барг ва ўт-ўланлар билан қопланган ҳовлидан қўланса ис тарала бошлади. Маълум бўлишича, юпқа ўт-ўланлар қатлами тагига чўчқа ахлати ташланган экан. Одамнинг кўнглини айнитиб юборадиган даражада бадбўй ҳид шундан келаётган эди. Лекин ҳар қандай шароитда ҳам биз ишлашимиз керак эди. Маъмурларимиз шаҳарга, болаларга ўйинчоқ олиб келишга кетишиди. Болалар эса ҳамон йиглар ва бизларнинг илтимосларимизга парво ҳам қилишмасди.

Тез орада ўйинчоқлар келди. Буни кўрган болакайлар бирдан кувониб кетишиди ва режиссёрнинг айтгандарини бажара бошлашди. Лавҳа катта қийинчиликлар билан суратга олиниб бўлинди.

Ўша ёз об-ҳаво тинмай ўзгариб турди. Гуруҳимиз тез-тез бирдан ёғиб қоладиган ёмғир тагида қоларди, шундан сўнг лойга айланган ўйлардан аранг ўтиб, суратга олиш жойига минг машақатлар билан етиб келардик. Биз соатлаб осмонга термулиб, унинг очишлиб кетишини кутардик. Бу эса фильмни суратга олиш муддатини чўзарди.

Мен ҳар қандай об-ҳавода суратга ололмасдим, бу картина услубини бузган бўларди. Менинг биринчи навбатдаги вазифам табиий фактураларни, кайфиятни, ёритишнинг ўзига хосликларини экранда ифода этиб бериш эди.

Кейинчалик эса не-не машақатлар, не-не азобукубатлар билан олинган кадрларнинг ҳаммаси ҳам фильмимизга киритилмади.



Темир йўл билан боғлиқ эпизодларни суратга олиш жуда катта мушкулликлар туғдирарди. Зеро унда 20-йиллар кийим-бошини кийиб олган катта миқдордаги оммавий саҳна иштирокчилари ҳамда кўхна вагон, паровоз иштирок этарди.

Кунларнинг бирида темир йўл бекатига эски вагонлар тиркаган составни олиб киришиди.

Кўп сонли оммавий саҳна иштирокчилари тўпланишиди. Улар кийинтирилгач, вагонлар томига жойлаштирилди. Вагонлар деразлари ва зиналарида ҳам одамлар ўтиришарди. Уларга турли-туман қоплар, халталар, чамадонлар ва бошқа реквизитларни тарқатишиди.

Сценарий бўйича состав рус даласи ичидан кетиши керак эди. Шу сабабли состав бекатдан бир неча километр нарига олиб чиқилди. Ҳақиқий рус даласи бошланди.

Вагонлар томларида ўтирган одамларни ҳамда йўловчилар билан лиқ тўла ҳолда кетаётган поезднинг умумий кўринишини суратга олдик. Тасвирга тушириш ишлари анчайин силлиқ кечарди, состав доимий ҳаракатда бўлгани учун йўловчилар ҳам ҳеч қаёққа кетиб қолишмасди. Қуёш ёрқин нур сочиб турарди. Қилаётган ишимиздан ўзимиз ҳам мамнун эдик. Охирги кадр – паровоз қувуруни суратга олиш қолганди, холос.

Мен билан асистентим паровозга чиқдик, камерани ўрнатдик ва қора тутун бурқисиб турган қувурни тасвирга ола бошладик. Мен машинистдан қора тутунни кўпайтиришни илтимос қилдим. Кадрни суратга оларканман, машинистларнинг бирдан ваҳимага тушиб бақир-чақир қила бошлашганини эштдим. Мен аппаратдан нигоҳимни уздим ва уларга қарадим. Қуюқ қора тутун уларни биздан тўсиб турарди. Машинистлар жон-жаҳдлари билан қўлларини силкитгандарни олдинга ишора қилишарди. Мен шу томонга қарадим ва бирдан даҳшатга тушдим. Темир изларга кўндаланг тортилган электр сими шиддат билан яқинлашиб келарди. Бирдан ўтириб қолдим ва худди шу сонияда электр сими худди ўтқир пичноқдай киноаппарат ўрнатилган штативнинг юқори қисмини кесиб ўтди ва уларни далага улоқтириб юборди.

Агар бир лаҳзага ушланиб қолганимда эди, шубҳасиз, менинг бошим ҳам далага отилиб тушган киноаппарат ва штативнинг юқори қисми ёнида бўларди.

Ўзимни ёмон ҳис қилдим. Бутун вужудим дир-дир титарди.

Бир неча юз метр юргандан кейингина поезд тўхтади. Тасвирга олиш аппаратини кўтариб келишиди.

Тушлик пайти бўлди. Состав бекатига қайтиб келди. Ҳаммани гурух маъмурияти ташкил этган таомлар билан меҳмон қила бошлашди.

Менинг эса ҳеч нарса егим келмасди. Суратга олиш пайти бостириб келган ажал ваҳимаси ҳали бутунлай ўтиб кетмаган эди.

Оммавий саҳна иштирокчилари иштаҳа билан овқатланишарди. Гурух аъзоларининг ташвишлари етарли эди, шунинг учун мен билан деярли ҳеч кимнинг иши йўқ эди.

Мен овқатланаётган одамларга қарадим ва агар мен билан фожия рўй берганда ҳам булар ҳеч нарса бўлмагандай хотиржам ўтириб, бемалол овқатни тановул қиласверишармиди, деган ўйларга бордим.

Шу куни мен бошқа суратга ололмадим.

Эртаси куни эса тасвирга тушириш ишлари яна давом этди.

Бир куни кечқурун мен темир йўл бекатига бориб, у кечаси қандай ёритилишини кўрмоқчи бўлдим.

Мехмонхонадан станциягача бир неча километр келарди. Кечқурунлари салқин эди, шу сабабли устимга тўн кийиб олдим.

Бекатга торгина асфальт йўл олиб чиқарди. Йўл ўртасида кетиб борардим. Атроф жим-жит. Йўлда машиналар ҳам, аравалар ҳам учрамади. Бирор тирик жон йўқдай эди. Борлик ўлик сукунат оғушида. Станцияга қадар ҳали узоқ эди. Шошилмасдан кетиб борардим. Вақтим бемалол эди.

Кутилмаганда шовқин-суронважанговар ҳайқириқлар билан йўлга узун таёқ-тўқмоқлар билан қуролланган икки гурух йигитлар отилиб чиқишиди. Мен кўркиб кетдим. Яширинишининг ҳам иложи йўқ эди. Йигитлар “Ур абллаҳларни!” деба бақир-чақир қилганларича девордай жипсласиб бир-бирларига ташланишиди. Мен уларнинг орасида қолдим. Энди тамом бўлдим, деган ўйга бордим. Бошимга тушидиган зарбани кута бошладим. Жанг эса авжига чиққан эди. Йигитлар бир-бирларини аямай савалашар, атрофни оҳ-вой, сўқишилар, ингроклар тутиб кетганди. Мен қочиб қолиб, кўрқоқ деган ном ортиришдан ор қилганча ҳамон калтаклашаётганлар орасидан ўтиб борардим. Нимагадир у томон ҳам, бу томон ҳам менга тегинмади. Ҳатто менинг руслар учун хос бўлмаган чопоним ҳам уларнинг эътиборини тортмади. Мен уришаётганларни хавфсираб айланиб ўтганча олдинга юришда давом этдим. Ногаҳон енгила бошлаган гуруҳдаги йигитлар қочишга тушишиди. Голиб томон эса уларни бутунлай мағлуб этиш учун қочаётганларнинг ортидан чопди.

Мен билан ҳеч кимнинг иши бўлмади. Афтидан, ҳар кимнинг ўз душмани бор эди.

Темир йўл бекатига эсон-омон этиб олгач, тунги ёритиш қандай ташкил этилганлигини ўз кўзим билан кўрдим. Суратга олиш учун кулай нукталарни излаб кўргач, ортга тинчгина, ҳеч бир саргузаштис қайтдим.

“Бекат” обьекти жуда катта эди ва суратга олиш ишлари кун-тун давом этиши керак эди. Бу обьектда кўплаб актёрлар, оммавий саҳналар иштирокчилари билан бир қаторда бир неча поезд составлари ҳам тасвирга тушириларди. Кўплаб кадрлар ҳаракатда олинарди. Буларнинг бариси биздан аниқ ўйланган, пухта режаланган ишни талаб этарди.

Бу кадрлар актёрларнинг, оммавий саҳна иштирокчилигининг, поездгахизмат кўрсатадиган темир ўлчиларнинг, суратга олиш камераси ҳаракатининг, ёруғлик ва пиротехниканинг ўзаро мутаносиблиқда ишлашини тақозо этарди. Суратга олиш ишлари кучли зўриқишида кечди – болалар



ҳам, катта ёшли актёрлар ҳам ўз ролларини жон диллари билан берилиб ижро этишди. Энг қийин вазифа Куденъков зиммасига тушди. Унинг кетаётган поезд орқасидан кувиб етишини бир неча дублда олдик.

Суратга олиш тугагандан кейин гуруҳимизни таниб бўлмай қолди – паровоз трубасидан чиқсан қурумдан уларнинг ҳаммаси қоп-қорайиб кетганди.

Кўп объекларни суратга олдик, лекин ҳали суратга олинмагани кўпроқ эди.

* * *

Оғир, асабийлашиш ва зўриқишиларга бой иш режисеримиз Шухрат Аббосовнинг соғлиғига таъсир этди ва у касал бўлиб қолди. Киноэкспедицияни зудликда орқага қайтариш ва эпизодларнинг қолган қисмларини Тошкентга кўчириш масаласи кўндаланг туриб қолди. Шунинг учун Тошкентда тасвирга тушириш имконияти бўлмаган кадрларни бу ерда ошиғич тарзда суратга олиб бўлишимиз керак эди.

Тошкент бизни чидаб бўлмас даражада иссиқ билан қарши олди.

Картинанинг ярмидан кўпрогини тасвирга тушишимиз керак эди. Бирон жойга чиқиб ёки павильонда суратга туширишни бошлагунилизга қадар Тошкентдаги натура объекларида ишлаб туришни режалаштиридик.

Эски шаҳар саҳналари объеклари Эски Жўва бозоридан унчалик узоқ бўлмаган жойдан топилди. Бу ерда тош тўшалган кўча, эски ўзбек уйлари ҳамда ярим вайронга холидаги мачит сақланниб қолган эди.

Очлик ва чарчоқдан тинка-мадори қуриган Мишка беихтиёр сотувчи аёлнинг нонини олиб қўйиб, шошапиша ея бошлаши саҳнасини суратга олдик. Жаҳли чиқиб кетган аёл ёрдам сўраб бақиради ва болани калтаклайди. Болалар қочиб қолишади. Уларнинг ортидан оломон чопади. Болаларни милиционер тутиб олади.

Эски Тошкентни Миша Додоновнинг нигоҳида кўрсатишга қарор қилдик. Тутун бурқисиб турган кабоблар, саватлардаги қайноқ нонлар, паранжи ёпинган аёллар, уюм-уюм қовун-тарвузлар, мўл-кўл мева ва сабзавотлардан унинг боши айланиб кетиши керак эди. Мишани фавқулодда тор ва қийшик кўчалар, узун чопон ва дўппи кийган эркаклар, паранжили аёллар ҳайратга солиши аниқ эди. Бу эпизодни суратга олаётганимизда кадрнинг ўтири композицион тузилишига, динамикали ҳаракатларга ва контраст ёритилишга риоя этди. Газабга минган оломондан қочиб кетаётган болаларни тасвирга олиш учун кўл камерасини елкамга қўйганчча болалар ортидан чопишига мажбур бўлдим.

* * *

Биз Тошкентда суратга олиш ишларини давом эттираётган пайтимизда маъмурий гурух бизга темир йўл билан боғлиқ катта объектни тайёрлаб кўйганди.

Темир йўл билан боғлиқ эпизодларни суратга олиш катта тайёргарликни ҳамда бу жараёнга боғлиқ барча тармоқларнинг ўзаро мутаносиб ишлапшини тақозо этади.

Қозоғистон темир йўлнинг “Дарвоза” бекатида бизга темир йўлнинг поездлар жуда кам ўтадиган участкасини ажратиб беришди. Бу тармоқ қандайдир завод билан боғланган бўлиб, кунига икки-уч марта юқ поезди ўтиб қоларди, холос.

Гуруҳимиз билан “Дарвоза” бекатига етиб келдик ва бизга ажратилган эски поезд вагонларига жойлаштидик. “Дарвоза”да бошқа бирон меҳмонхона, ҳаттоқи рисоладагидай ошхона ҳам йўқ эди.

Биринчи кечада жуда ёмон ўтди. Тез-тез ёнимиздан ўтиб турган поездлар шовқинидан ухлаётганлар даҳшат ичида сакраб ўринларидан туриб кетишаради. Гўё қарши тарафдан келаётган поезд рельслардан чиқиб кетиб, бизнинг вагонларга уриладигандек эди. Бунинг устига нишадир бекатга яқинлашиб келаётган поездлар албатта кулоқни батанг қилар даражада чинқириб гудок берарди.

Орадан бир неча кун ўтгандан кейин ҳам барибир бу шароитга кўниколмадик ва норозилик билдириб, ўзимизга бошқа жой талаб қилдик. Гурух маъмурияти вокзал биносидан бир неча хона топди. У ерга гrimchilarни ва Сауле ролини ижро этаётган ёш актриса Наталья Аринбосаровани жойладик.

Бизга эса бекат ҳовлисида палатка тақлиф этилди. Бу беш-олти ўринлик палаткаларда киши ўзини хотиржамроқ сезарди. Лекин бу узоққа чўзилмади. Оқшомларнинг бирида қаттиқ шамол кўтарилиді ва палаткаларимизни кулатиб-йиртиб ташлади. Бу ҳол бир неча маротаба тақрорланди.

Бундай майиши муаммоларга қарамасдан, суратга олиш ишлари ўз маромида давом этарди.

Ёз ўртаси эди. Кунлар бениҳоя исиб кетган. Биз суратга олаётган жойда қўёшнинг қайноқ нуридан яшириниш учун лоақал биттагина дарахт ҳам йўқ эди.

“Поезд” объектини суратга олардик.

Эпизод каттагина эди. Уни суратга олиш мураккаб ва хавфли эди.

Қуёш оташидан вагонларнинг тунука томлари шу қадар қизиб кетганди, истак тугилган тақдирда у ерда бемалол тухум қовуриб олса бўларди.

Гуруҳимиз оғир киноаппаратлари билан вагон томига жойлашиди. Ҳаракатдаги поездда суратга олиш керак эди. Ҳеч қандай муҳофаза воситалари йўқ. Айниқса болаларни суратга олаётганда биз ўзимизни ҳам, уларни ҳам хатарга кўяётгандик. Болалар вагоннинг қайнаб турган томида яланг оёқда чопишилари, тиз букиб туришлари, кўлларини томга теккизишлари лозим бўларди. Болалар оғриқдан йиғлашарди, аммо уларнинг бундай ҳолати бизга керак эди. Бу уларга ўз ролларини ҳаққоний ва ишончли ўйнашларига ёрдам берарди. Биз тўхтамасдан суратга олавердик.

Эпизод таъсирчанлигини кучайтириш мақсадида биз тез-тез суратга олиш нуқталари ва ракурсларини ўзgartириб турардик.


Ҳаракатдаги поезднинг бир вагонидан бошқа вагоннига сакраб ўтаётган актёрларни суратга олиш техник жиҳатдан жуда қийин эди. Қуий нуқтадан тасвирга тушириш учун мен поезд вагонлари орасига боғланган осма кажавага жойлашиб олдим. Озгина ноаниқлик рўй берган тақдирда мен кинокамерам билан биргалиқда пастга, шиддат билан ўтиб бораётган рельслар устига қулақ тушишим мумкин эди.

Аммо биз таваккалсиз таъсирчан кадрларни суратга ололмаслигимизни яхши билардик, шу сабабли бундай ишларга онгли равища ўз ихтиёrimиз билан қўл урардик.

* * *

Шундай кунларнинг бирида бизнинг олдимизга студия директори Абдулаҳад Абдуллаев келди.

“Қозоқ чўли” эпизодидан кадрни суратга олаётгандик. Бу лавҳада Миша Додонов кетиб бораётган поезднинг охирги вагонига бир амаллаб осилиб олиши керак эди. Поезд ортидан югуаркан, у йиритиқ чиптакавушларидан айрилар ва энг сўнгги лаҳзада вагон зинасининг қуий



палласидан ушлаб қоларди. Шунда Мишанинг яланғоч оёқлари ерда сурдраби, ўткир тошларга уриларди.

Бу кадрни бир неча нүктадан суратга олдик. Болакайнинг оёғи ўткир тошларга урилиб қонаб кетаётганини кўрган директор бир неча маротаба суратга олишни тўхтатмоқчи бўлди, лекин улгуролмади. Кадр тасвирга туширилди ва ҳаммаси яхши тугади.

Биз тез-тез чиройли кадрни суратга олиш учун тавakkal қилиб туардик. Шундай воқеалар ҳам бўлдики, қийшиқ рельслар сабабли паровоз издан чиқиб кетди. Бир сафар эса шундай паровоз бизнинг – тасвирга олиб турганларнинг устимизга қулақ кетишига сал қолди.

Тошкентдан “Дарвоза”га жўнаб кетишимиз олдидан жуда чиройли саксовул омборини топгандик. Унга декорация ишлатиб, ажойиб манзара пайдо этса бўларди.

Рассом омборни ёғоч тўсик ва кузатув минораси билан ўраб, катта иш қилди. Саксовул таҳланиб, катта-катта ўюмлар ҳосил этилганди. Ерга қора кўмир чанг сепилганди.

Бу саҳнада Дунаев Миша билан Раҳимни ёғоч омборга олиб келиши керак эди. Бу ерда эса бир неча аёл ва жулдуровчи болалар истар-истамасдан ўтиларни бир жойдан бошқа жойга таширилар. Вазиятни баҳолагач, Раҳим аскар билан машғул бўлди. Унинг қаршисида рақс тушганча Раҳим алдаб-сулдаб аскарнинг картошкасини олиб кўйди. Мишка эса ҳалол меҳнаткаш сифатида ўтин ташишга киришди.

Оташин қуёш ва кўмир чанг актёрларга ҳам, гурухга ҳам ишлашга халақит берарди. Болалар жуда чарчашди. Настенка ролини ижро этган актриса жон дили билан, жуда ишончли ўйнади. Унга қарашнинг ўзи ҳам кўрқинчли эди. Суратга олиб бўлганимиздан кейин унинг ўзига келишига, бутун танасини қоплаб олган қора кўмир курумидан тозаланиб олишига анча вақт кетди. Кейинчалик бу кадр натуралистик кадр сифатида фильмдан олиб ташланди.

Тез ва кўп суратга олардик. Афсуски, суратга олинган кадрларнинг бир қисми фильмнинг якунловчи вариантига кирмай қолди.

Биз сценарий ҳажми катта эканлигини, суратга олинган материал бизга рухсат этилган тасма метрларидан кўпроқ бўлишини билардик. Лекин ўзимизни тўхтатиб қололмасдик. Ўзимиз ишлаётган материалга жон-жаҳдимиз билан берилиб кетгандик, уни яхши кўриб қолгандик. У ўз жозибаси билан бизни чарчоқ билмай ишлашга мажбур этарди.

Туркистанда суратга олишни режалаштирган каттагина обьектимиз қолганди. Тасвирга тушириш обьекти сифатида Туркистон шаҳридан унча узоқда бўлмаган қадими қалъя харобаларини танлагандик. У ерда жуда баланд тупроқ деворлар сақланиб қолганди. Маҳаллий худуд ва қалъанинг ландшафти ўзининг ибтидоийлиги билан катта таассурот қолдиарди.

Бизнинг қаҳрамонларимиз бу муҳитга табиий равишда сингишиб кетиб, яхлитникини ташкил қилардилар.

Бу саҳнада бир гурух одамларнинг поездни кутиб ўтирасдан, Тошкентга қараб пиёда йўлга тушишга қарор қилганилклари кўрсатилади. Уларга Миша Додонов ва Раҳим ҳам кўшилишади. Улар қуёш аёвсиз кўйдириб ташлаган қозоқ ерларидан ўтишади. Кекса бобо Додоновга буғдойни қандай экиш ва мўл ҳосил олиш йўлларини

ўргатади. Улар Тошкент ва Тошкент замини ҳақида орзу қилишади.

Қалъанинг қуёш нурлари остида кўзни қамаштиргудай чақнаб турган қайноқ оқ томлари ва кўхна тупроқ деворлар бағрида бу сўзлар ҳеч қачон амалга ошмайдиган орзудай янгарди. Бутун атроф-муҳит бор-йўқ истаклари нон шаҳри Тошкентга етиб олиш бўлган бир сиқим одамларни ғанимларча ээзб туарди.

Туркистанда охириг кадрларни суратга олгандик, шу билан тасвирга тушириш даври якунига етди. Гуруҳимиз Тошкентга қайти.

Кейинги боскич бошланди – картина монтаж қилиш ва овоз бериш. Бу ишлар бир неча ой вақтимизни олди.

Ўша йиллари рус тилига эътибор қучлироқ эди, шу сабабли бизнинг фильмимизга ҳам рус тилида овоз берилди.

Киностудия бадиий кенгаши ва киностудияда ишлайдиган кўп сонли қизиқувчилар учун фильм катта залда на мойиш қилинди. Режалаштирилган бир ярим соат ўрнига фильм икки соату йигирма дақиқа давом этди.

Фильм тугагандан кейин бирдан залга сукунат чўқди. Илк томошабинларимиз эсанкираб қолишган эди.

“Ўзбекфильм” бадиий кенгаши фаолиятида илгари учрамаган воқеа рўй берди. Бадиий кенгаш раиси фильм муҳокамасини кейинги кунга қолдиришни таклиф этди. Зоро фильмда кўп баҳсли ўринлар бўлиб, уларни юкорида турувчи раҳбарлар билан маслаҳатлашиб олиш керак эди.

Кейинроқ режиссёр Шуҳрат Аббосовга босим ўтказиш бошланди. Москвада фильмни бир серияга қадар қисқартиришни талаб қилишди. Қаршилик кўрсатиш ёрдам бермади. Бизни қўллаб-куватловчилар ҳам бўлмади. Картинанинг беш қисмини қисқартириб ташлаб, ўн қисмини қолдиришди. Асаблари қақшаб кетган Ш. Аббосов касал бўлиб қолди ва юрак хуружи билан шифохонага тушди.

Картинанинг тўлиқ вариантили нусхасини зудлиқда ўйқ қилишди... Аммо ҳозирча негатив сақланиб туарди.


Мен студия директори Абдулаҳад Абдуллаев ҳузурига кириб, картинанинг тўлиқ кўринишидан яна бир нусха тайёрлаб беришларини илтимос қилдим. Мен уни келажак учун, томошабинларнинг янги авлоди учун асраб кўймоқчи эдим.

Абдуллаев жуда ақлли ва журъатли раҳбар эди. У дарҳол ўринбосари Қаюм Абдураҳмоновни қақириб, унга картинанинг тўлиқ кўринишдаги нусхасини тайёрлаб бериш вазифасини топшириди. Мен бунинг учун Абдулаҳад Абдуллаевдан бир умр миннатдорман, у кишининг ёрқин хотирави ҳамиша қалбимда.

“Тошкент – нон шаҳри” фильмни кинотетрларга чиқарилиб, катта муваффақият қозонганидан кейин Шуҳрат Аббосов билан мени Давлат мукофотига тавсия этишди. Аммо мукофотни бошқалар олишди.

Картина ўз ҳаёти билан яшаб келмоқда. Одамлар ҳалигача бу фильмни эслашади.

Ҳотам ФАЙЗИЕВ,
“Тошкент – нон шаҳри” фильмининг
саҳналаштирувчи оператори, Ўзбекистонда
хизмат кўрсатган санъат арбоби



ÓÌ Ð Ðàëë²è – ³ÎØääÍ ếçää÷à...



Умр ўткинчи. Ҳар бир жонзот қачондир ўлим шарбатини тотади. Буни тушуниб, англаб туриб ҳам баъзан ҳаётнинг аччик кўргуликлари қаршисида қаттиқ изтироблар исканжасига қолиб кетар экан киши. Дўстим Хайрулла Абдуллаевнинг ўлими менга ва бошқа дўстларимга катта зарба бўлди. Бугун уни хотирлаб нимадир ёзишининг ўзи ҳам шунча ғам тортиқ этмоқда. Аммо тақдирга шак этиб бўлармиди.

Дўстим Хайрулла Абдуллаев билан талабалик гаштини бирга сурганиман. Устоzlарнинг ҳоли жонига қўймай сабоқлардан баҳраманд бўлган кунларни кечагидай эслайман. Аудиторияларни ҳам ларзага келтириб устоз шоирларнинг шеърларини айтгандаримизни ёддан чиқариб бўларканми. Ўша чоғларда Хайрулланинг адабиётга, хусусан шеъриятга бўлган муҳаббатини кўриб ҳайратга тушардим. Таажжуб, ижараларда, талабалар уйида бирга туриб, бу жонажон Ватанинг кўп жойларини бирга кезиб унинг шоир эканлигини билмаган эканман. Менга Хайруллонинг қўлёзмаларини отаси Худойназар aka келтириб бердилар. Унинг машқларидан умидлари, туйғулари бир олам катта бир шоир етилиб келаётганини ҳис қилдим. Ажойиб тахаллуси ҳам бор экан – Шаҳриёр. Шеърларидаги ёниқ туйғулар қалбу шуурингизни эзгу ҳислар билан лиммолим айлайди. Баъзи сатрларини ўқиб, шоирлар яrim авлиёдирлар, деган фикрларни беихтиёр эслайсан.

Она, ўғлинг ёш кетаётир,
Қайтаролмас уни кўзёшлар.

У ўз ўлимини олдиндан кўргандай ёзган бу мисралари қалбингизни титратиб юборади. Шаҳриёрнинг учта фарзанди бор. У барча оталарга хос ўз дилбандларига сатрлари орқали сабоқлар ҳам беради:

Фарзандим, ҳозирдан ўргана боргин
Қандай севмоқликни халқни, Ватанини.

Шаҳриёр она Ватан, шу меҳрибон халқ олдидағи бурчларини ҳам тे-ран ҳис қилган. Унинг шеърларидаги мазмун ва моҳият фикрларимизни исботлайди. Мисол учун у бу мисраларни шундай катта ишонч билан айтганки, дилни ажиб муждалар билан тўлдиради:

Балки эллик ийлдир, балки беш юз ийл,
Бу юртда ўлгали ҳаққум йўқ асло.

Чиндан ҳам унинг камтарингина ижоди ўлмасдир. Отаси келтирган қўлёзмаларини курсдош дўстлар ҳамкорлигида китоб ҳолига келтирдик. “Ёшлик” журнали мухлисларига Шаҳриёрнинг ижодидан намуналар тақдим этаётимиз.

Ғайрат МАЖИД

* * *
Умримда, эҳтимол, илк бора,
Жазокор қисматни болладим.
Бугун мен қояда ўлтириб,
Руҳимни қуёшга тобладим.

Нотавон занглари тўклишиб,
Ярақлар, энди у кескирди.
Силтасам – тошларни кесади,
Айтажак сўзларим кескинди.

Бундан сўнг тилиммас, гапимни
Ана шу шамиширим айтажак.
Ҳар битта ҳайқуриқ, додига
Тоғлардан акс-садо қайтажак.


Ўзим ҳам задогон қавмидан,
Куролли бир ситоҳсалорман.
Кўз юмган чогда ҳам шеърларим –
Лашкарим кўнглида қоларман.

Тутиб қўши қўлтиқдан, қўллагай
Топинган авлиё, ҳам тирим.
Негаки, абадий чақнагай,
Қайта ҳеч зангламас шамиширим.

* * *
Дунёда излаган нарсангни
Ахтариб, юрагим топдингми?
Яшириб келаётган бу хасис
Даҳри дун айбини ёпдингми?

Гар топган бўлсанг, кўп вақтлардан
У интиқ нарсанг, айт, не экан.
У ҳам гоҳ ненидир сўрасам,
Сен каби бирон сўз дермикан?

Унинг ҳам жиссими сен сингари,
Миқти-ю йўллари оғирми.



Дуч келса ўтларда, тигларда
Сен мисол ёнарми, огирми?

Борми айт унинг ҳам сен каби
Абадий Худодай паноҳи.
Йиғларми қоп-қора тунларда
Кўкатлар кўз ёшин нигоҳи.

Шодлигим шавқингдан кам эмас.
Мақсадга бетиним чопгансан.
Ҳар қалай ёмонмас, албатта,
Яхши бир нарсани топгансан.

СУЗАЁТГАН БУЛУТ

Сузаетган булут – сузаётган қалб,
Риҳлат манзилиги элтаётган йўл.
Қаршингда турибман төглардай қараб,
Олис маконларга чўзганимча қўл.

Сузаетган булут – сузаётган қалб,
Осмонлардай чексиз утуг Худодай.
Мен сенинг қаршингда тизлар чўкаман,
Танга илинжисида келган гадодай.

Сузаетган булут – сузаётган қалб,
Бўй берма чақмоғу қалдироқларга.
Мен сенга интилиб яшайман абад,
Сен талпин доимо қалби покларга.

Сузаетган булут – сузаётган қалб,
Риҳлат манзилига кетаётган йўл.
То абад орtingдан қоламан қараб,
Олис манзиллардан силтаганча қўл.

КЎЗЛАРИНГ

Билганимда қарамас эдим,
Улар мени боқиб туширди.
Кўзларинги ўткир зиёси,
Кўзларимни оқиб туширди.

Бошдан ўтиб қийналган ўзим,
Сен кўрмаган фожеадир бу.
Шундан бери кўзимга, эвоҳ,
Ёруғ олам буткул қоронегу.

Фаҳминг расо, англарсан ҳолим,
Бундай яшаши азоб-ку, моҳим.
Ўткир дунё сарҳадларини
Гир айланар ўтмас нигоҳим.

Хайриҳоҳдай, хайёлларимда,
Боқар менга ҳабиб кўзларинг.
Қачон, ахир, сўқир кўзимни,
Даволагай табиб кўзларинг.

Эл билмаган қувноқ оҳанглар,
Мавж уради кўнгил куйимда.
Ҳам кўзларим очилар эди,
Порласалар улар... уйимда.

* * *

Тилагинг имкондан ортиқмас зинҳор,
Қани зўр орзуйинг амали етса.
Нигоҳинг ўт бўлса чиндан қаҳвор,
Тикилсанг бу дунё тутаблар кетса.

Тилагинг имкондан ортиқмас асло
Қанийди қиши умринг ҳамали етса.
Нигоҳинг сув бўлса қараган асно
Энг қақроқ сахролар гуркираб кетса.

Тилагинг имкондан ортиқмас асти
Қанийди Ҳақ ўзи довонга элтса.
Нигоҳинг ер бўлса сеҳрли дасти,
“Тур” деса, ўликлар тирилиб кетса.

ИШҚСИЗЛИК

Билинг, динсизлар осиймас,
муҳаббатсизлар осийдор.

Эркин Воҳидов.

Осиймиз, тан олмаслик – гуноҳ,
Қисмат ўлмиши биз-чун ишқсизлик.
Билмам қайси вақтлардан, эвоҳ,
“Ҳикмат” ўлмиши биз-чун ишқсизлик.

Бу қандайин гафлат аламки,
Муҳаббатни билмай яшамиз.
Ҳақ соз амал ёғдирса ҳамки,
Үнга амал қилмай яшамиз.

Ишқ – дард, буни билар ҳар бир кас,
Кўлдиради уни ишқсизлик.
Башар зотин ишқ ҳеч ўлдиримас,
Ўлдиради уни ишқсизлик.

* * *

Дунё катта, аламлар катта,
Катта, демак барида тиргак.
Бу маҳобат ичра, албатта,
Кичик жонни асрароқ қерак.

Дейлик, сенда мӯъжазмас балки
Улар каби катта бўлса жон.
У ҳоҳласанг, ҳоҳламасанг ҳам,
Довлик ичра қурад ошиён.

* * *

Не кун бу, уйгонган кундан ўзгача,
Не тун бу, ой ёнган тундан ўзгача,
Ўлсам қасосим ҳам айбисиз тўкилган,
Қон учун олинар хундан ўзгача.

Теграм гир ўраган сонсиз гувоҳим,
Ҳамма бор, бир сени топмас нигоҳим.
Энг оғир ўлимга маҳкумман ўзим,
Сени севганим -- энг улуғ гуноҳим.

Кўнглимдан бемажсол шеър оқаётир,
Кўз олдимда қумдай ер оқаётир.
Ҳижронлар тафтига кўмиди умрим,
Юзимдан шовуллаб тер оқаётир.

Биз яшар баҳордан, айни кузгача,
Умр оралиги – қошибдан кўзгача
Сену мен ўзгармай бир хилда қолдик,
Бир менинг қисматим бўлди ўзгача.

* * *

Таскин ё мададга муҳтож дамлари,
АЗоб етказамиз билмай юракка.
Дунёниг метинвор ҳасрат, гамлари,
Кириб келаверар тинмай юракка.

Ҳар бири кирганда зарб берар, қай бир
Гусса қалб деворин дарчалагайдир.
Оқибат бағрига тоши тўла тақдир,
Оҳир бориб дилни парчалагайдир.

Олдиндан узоққа қувиб гафлатни,
Аянчи ҳолни деб чекмаймиз қайегу.
Аслин олсак бу ҳам яхлит давлатнинг
Бўлинини каби фожеадир-ку.


Одамлар даҳлсиз ўлқада гамнинг
Лашкари олдига қўйинки тўсиқ.
Кучин сезсин у ҳам сезгири одамнинг,
Ўтда қоврилмасин ҳар битта қўшиқ.

* * *

Бунчалар гўзал деб гап отиб кўрдим,
Ҳафсалам пир бўлди лекин шу замон.
Кўрслик калтагидан меҳрим карвони,
Йўртди қулагали жарликлар томон.

Гофил лой юз босар ўткир поинадан,
Ёлгиз нуқта қолган изчаларига.
Энди нигоҳларим аяб қарайман,
Шаҳарнинг чироили қизчаларига.





ХОЗИРГИ ЗАМОН ЛОТИН АМЕРИКАСИ ШЕЪРИЯТИ

ФЕРНАНДО РЕНДОН

Шоир ва публицист, йирик жамоат арбоби Фернандо Рендон 1951 йилда Колумбиянинг Меделлин шаҳрида туғилган. Эркпарвар шоир “Прометео” номли адабий журналга асос солган ва ушбу журналга муҳаррирлик қилган. Айни пайтда Фернандо Меделлин Халқаро Шеърият Фестивалининг директори вазифасида самарали фаолият олиб бормоқда. Бу шеърият анжумани дунёдаги энг йирик ва нуфузли шеърият байрамларидан бири саналади. У 1991 йилда Жанубий Америкада жойлашган Колумбия мамлакатининг Меделлин шаҳри ер куррасидаги энг хавфли ва даҳшатли шаҳарга айланган бир даврда ташкил этилган. “Санъат ва Прометеода шеърият” деб номланган ташкилот раҳбари сифатиди Фернандо Рендон “Гулливер лойиҳаси” ҳамда болалар учун шеърий маҳорат мактабини ҳам бошқаради. У талабалар, ўкувчилар ва кенг жамоатчилик учун кўплаб адабий ўқув курслари, анжуманлар, маъруза ва симпозиумлар ўтказган. Қолаверса, у Лотин Америкаси Шеърият Фестивали Тармоғини ташкил қилган. Унинг шеърлари ўзбек тилида ўқувчилар эътиборига илк бора ҳавола этилмоқда.

* * *

Бир лахзада сароб тош каби қотди. Қундузнинг энг охирги нурига чулғанган одам ўз тобугтида тўртга кишининг оғирлигига тенг бўлиб қолди. У ўз-ўзини ишғол қилиб, ўз коронгулиги илий омчиш бир навдаги замин мисол устимизга ўрлади.

Бизни қок туш остида қапиштирувчи тортишиш кучи бирор кимса тикланишидан умид қиласмаган тақиқланмиш афсона-нинг юз томонидир. Аммо бошқа харсанглар айни шу осмоннинг остида Милет қаландарининг товушига кетди айланниб.

Алмисоқдан колган дengиз қўмлөк соҳилга айланган маҳал сувнинг шартли овози-ла қурамиз сухбат, сўнг туткич бермас модда қурийди қумда, эт ҳамда сертола, ўзгарувчан хаётнинг суюқ ҳаёлига айланар.

Ўлиб қайта тирилувчи бу абадий шувоқ коинот суюқлиқда йўқотади моҳиятини ёхуд ўз ўчоги ичига кирап, негаки у билмайди ё ҳар доим карши туролмас енгигб бўлмас вақтнинг измига. Дерлар-ку, шайтон чидаганда юз йил азоб чекиши учча осонмас. Ҳаво, бир қисм каро тупрок ва оловдан сўзлар ясалади, улар шамол ва ё ҳали ўлим ўчогига ёриб киролмаган ифодасиз каттакон лой оҳанрабодай ўзига тортган кум кукунларидир. Сўзлар яна бирданига улоқтирилган қояларга ўхшаб зилзамбіл ёки хотираға тўлиқ заминда жислашган чанг-тўзон мисол.


Аммо биз бир кун қайта нурга айланувчи тошнинг тилида ҳам сўзламофимиз даркор. Келажак алмисоқдан колган тошнинг устига ёзилади. Қайта туғилиш ана шу тошдан ўзимизнинг ялтироқ табиатимизга қайтиши демакдир.

ФРАНЦИСКО ДЕ АСИС ФЕРНАНДЕС

Шоир ва маданият тарғиботчиси ФРАНЦИСКО ДЕ АСИС ФЕРНАНДЕС 1945 йилда Никарагуада туғилган. “Шеърият, муҳаббат ва ўлим”, “Ҳаёт дараҳти”, “Санъаткор ўйлари”, “Тинмай оқиб турар қон” каби ўнга яқин китобларнинг муаллифи. Асарлари бир неча тилларга таржима қилинган. Франциско кўплаб ҳалқаро адабий ташкилотларнинг аъзоси ва шеърият байрамларининг фахрий иштирокчисидир. Айни пайтда у Марказий Америкада жойлашган Никарагуанинг Гранада шаҳрида йирик шеърият анжуманини бошқаради.

ШОИР ИЛА КЎЗГУ

Бир инсон бор мудом кўзгумда яшар,
менга боқкан ондан олгувчи баҳра,
истаркан гўёки ўз ёши учун
инжиқ ва беҳаёш хаёлим асрар.
Аввалроқ ҳаммаси ўзгача эди,
уни ўзгартириди вақт деганлари,
энди у раддия берар ҳар нега,
ёшлиқ, гўзалиги чекинди нари.
Гўёки изгирин у яшар жойда
ёмғир ҳам бошлаган унда бемалол.
Кўзгудаги одам сирли ва ўйчан
сўзимни қайтарар гунг садо мисол.
Ағсус, унинг шавқи дўнмиш ажинга
ёлғизлик ва мунгдан теккандай қарғиши
териси бужмайиб кетибди, э воҳ,
оёқлар қийшайган, кўз – чуқур гардиши.
Танбеҳнамо нигоҳ этади таъқиб,
шодлигу ёлғонга шерикмас асло.
Вужудини чирмаб оларкан хаёл
эшишмас созимдан чиққанда садо.
Кундан кунга ўхшаб борар отамга
унда гамга ботган отам чеҳраси.
Иш ва кунларидан қониқмайди ул,
истар кўпроқ бўлса садоқат саси
уйимда ва ёрқин орзуларимда.
Аксалардан иборат ўз дунёсин ҳам
солиштириб қўрар менини билан:
Ўлчови ўйқ дунём, на қувонч, на гам,
на ҳақ ва на ёлғон, на наср, на шеър,
тошилоқ ва тиканзор аро адашган
буғу боласига кўп ўхшайсан дер.
Қўлин тароқ қилиб сочин тараркан,
Ўхшашигимизнинг илоизин тортиб
Ўзи чекингани ёлғиз узлатнинг
Завқини дафъатан бузмоқчи бўлган
Дунёвий қиёфам истамас ортиқ!



ГЛОРИЯ ГАБУАРДИ

РОДРИГО БЕРДУГО

Шоира ва адаба Глория Габарди 1945 йилда Марказий Америкада жойлашган Никарагуа мамлакати поитахти Манагуада туғилган. Шу шаҳардаги Марказий Америка Университетида докторлик унвонини олган. 1974-1979 йилларда у Мексикада яшаган. Кейинчалик она юртига қайтиб, жамоат ишларида фаол иштирок этиши билан бирга бадиий ижодга катта эътибор қаратади. Бир нечта китоблар муаллифи саналган Глориянинг асрлари немис, итальян ва румин тилларига таржима қилинганди. У 1982 йилда йирик адабий мукофот соҳиби бўлган. 2004 йилдан буён Гранада шеърият анжумани координатори вазифасида фаолият олиб бормоқда. Глория Габуарди шеърлари ўзбек тилига илк бор таржима қилинмоқда.

СЎЗ САЛТАНАТИ

Бир макон истарам – сўз салтанати,
Каломлар нахрига кўнгил илҳақдор.
Инсоний дардларни ювиб ташолсалам,
Илдизин руҳимга қадаса тақдир.
Кимга ўҳшар эдим – тилла изловчи,
Хомхаёл баҳрида сузган бир шоввоз
Ва ё ҳуриятни севувчи жонбоз.

Калом салтанати
Қанотли дўстлар
Шоҳдан шоҳга кўнса ўйноқлаб, нафис,
Юлдузнинг туси-ю шамол таъмини
Йигит эҳтиюсинг самимилигин
Кила олсан ҳис.

Инсонни борича англашга,
Денгиз ва юлдуздан ўргулиб,
Руҳ тан билан ул баробар
Жонимга фарогат бергулик.

Руҳга сўз дунёси истарам,
Қалбимнинг хоҳиши кенг юртдайди
Барча эл излаган ноқарам
Инжулар тизмаси мисоли
Юртимнинг қоронегу шомида
Тилимдан ташқари отилемши
Бир дунё – каломлар жомида,

Киргогидан оишган
Дарё – сўз баҳри,
Олдидан не чиқса этар зумда гарқ,
Алдагувчи умид сузар оғзимда,
Тирик орзуларни ўлдиргувчи шавқ.
Лабларимни куйдирмоқ учун
Тасавур калитин,
Амбония, Банда, Тернат ва Тидор
Оролларин ранги ва нордон таъмин
Йўллари, фожиа, саргузашти-ла
Веспуучи ва Магелланнинг оҳ дарёсида
Тақдим этмоқ учун менга бус-бутун
Каршиимда сўнгги бор тўхтамоғи-чун
Биргина кўзингнинг нури деб хорман,
Чайқалишинг орзу остонасида,
Сачрашингга оптоқ саҳфага зорман.

Родриго Бердуго Писаро 1977 йил 9 январда Чили поитахти Сантьяго шаҳрида туғилган. Бир неча йилдан буён испан тилида нашр этиладиган “Оқим” ва “Ақиқ лаблар” журнапларининг ҳаммуҳаррири вазифасида ишлаб келмоқда. Илк шеърий тўплами “Парда ортидаги яланғочлар” деб номланади. Шеърлари итальян, португал, поляк, араб ва француз тилларига ўзирилиб, турли антологияларда босилган. Родриго “Шеърият дўстлари” номли уюшма ташкил этган танлов ғолиби бўлган. Жаҳон шоирлари уюшмаси аъзоси сифатида у чет мамлакатларда ўтказиладиган шеърият байрамларида фаол иштирок этиб келмоқда. Шеърлари ўзбек тилига биринчи бор ўзирилмоқда.

У КУНДАН СҮНГ


Душманона саёҳат учун замин мусиқасин чаларкан
Улар нарсаларнинг ўрнин ўзгартди
Денгиз кўтарила бошлиди аста,
даҳшатли давралар қолмоқда ортда
Йўлимиз кўзларни излайди, излаюр тошларни бир йўсин.

Қандоқ жўр бўлишини билади улар,
Воқиф ҳар нарсанинг тескарисидан
Бошлиди барчаси томчи-томчилаб, яна номма-ном
Уйдирма япроқдек оёқ остида.
Улар яхши билар, ўлган кимсаларни тасвирлашмайди
Етарили дунёнинг нарғи томони
кўзгалини дараҳт ва сувларга қарши
Ашёлару ҳаётга ҳамда
Юлдуз жасорати бўлмаган исталган оғриққа қарши.

Улар яхши билар,
Ниманидир тўлаб
Болишилар ичида ёнган қаламларни тутаркан,
хуласалаб тасавурларни
Шу тариқа келишган эди
Шу тариқа жойлашишганди
томчима-томчи, номма ном
Нарсалар одамлар-ла чекланмасдан аввал
Аммо вақт тош билан, нур билан ўлчанганди
Тош ва қон нурни қоғозга муҳрлашни ўйларди
Гўзалик дарёларни кавлаган замон
Ва ниҳоят
кўлларида тасодифлар новдасин ушлаб
Парвардигор кутарди бизни.

**Инглиз тилидан Аъзам ОБИД
таржималари**





ЭРИНИ / ЭР ҚИЛГАН А ЁЛ



Гулом КАРИМИЙ

Ҳикоя

Таътил пайти қишлоғимга борганимда адабиётга қизиқиб юрадиган бир неча ҳамқишлоғим мендан: «Садафий деган шоирни танийсизми?», – деб сўрашди.

– У ҳақда бир-икки эшитганман, дарвиш шоир, дейишади. Лекин ўзини кўрмаганман, китоби ҳам менга учрамаган, – дедим.

– Наҳотки?! У, ахир, бизнинг вилоятдан, қўшни туманданэкан. Шеърлари биланайтиладиган қўшиқларни артистлар «Эй, Садафий» деб тугатишади-ку, – ажабланишди ҳамқишлоқларим.

– Вилоят у ёқда турсин, туманимиздан бориб пойтахтда яшаётганларнинг кўпчилигини ҳам танимайман. Тошкент катта шаҳар, ундаги шоирлар сони Алишер Навоий давридаги Ҳирот шоирлари сонидан кам эмас, – дедим мен сал баланддан келиб.

Ҳамқишлоқларим билан бўлган адабий сұхбат, бу соҳада уларни қизиқтирадиган бошқа мавзу бўлмагани учун, шу тарзда якунланди. Бироқ шу сұхбат сабаб бўлиб, мен қўшиқчилик санъати ва унинг беназир имкониятлари ҳақида мулҳазага берилдим.

Агар етти яшар талантли болакай ойнаи жаҳонда бирон қўшиқни қойиллатиб айтолса, бутун элга танилади. Камида бир неча кун барчанинг оғзида гап бўлади. Ўзинигина эмас, қўшиғи матнини ёзган шоирни ҳам эларо машҳур қиласди. Ҳолбуки, бир неча китоби чиқсан носирни ўз маҳалладошларининг кўпчилиги тузук-куруқ танимаслиги, таниганлар ҳам, биронта шеърини машҳур хонандалар қўшиқ қилиб куйламагани учун, катта ижодкор сифатида эътироф этмаслиги мумкин. Мана, ҳамқишлоқларим ҳам мендан: «Бирон янги нарсангиз чиқдими?», – деб сўраш ўrniga, Садафийни таниш-танимаслигим билан қизиқишиди. «Танийман, ўзимизнинг укахонлардан», – деб бир оз ёлғонлаганимда, улар наздида каминанинг мақоми бир поғона кўтарилган бўларди.

Тўғри, шоир дўстларим таъсирида шеърлар қоралаганман. Бир турқуми «Соҳил оҳанглари» тўпламида чоп ҳам этилган. Бироқ, афсуски, қўшиқ бўларлик шеърим йўқ. Боз устига, қўшиқбоп шеър ёзишининг уддасидан чиқилганда ҳам, уни хонандаларга, айниқса, йирикларига ижро эттириш мушкуллигини яхши билардим.


Маҳалламизнинг мўъжаз адабий давраси ёшуслиси ва адабиётнинг тор кўчаларида биздан бир неча пойафзални кўпроқ тўзитган шоир акахонимиз қўшиқбоп шеърлар ёза олар, улар унда-бунда майдароқ хонандалар томонидан куйланган ҳам эди.

– Фалончини зўр шоир дейсизми? Аслида унчалик эмас, – дерди одатда акахонимиз бирон номи чиққан шоир ҳақида гап кетганда. – Гап шундаки, унинг шеърларини катта артистлар қўшиқ қилиб айтишган. Бу жиҳатдан унинг омади чопган. Лекин шеърларини таққосласангиз, барибир, менини кучли! Фақат хозирча бирон номдор артист билан танишолмаяпман-да.

Ниҳоят, акахон адабиётнинг кенг ва ёруғ майдонига чиқиши, яъни номи ва шеърини катта саҳналарда жаранглатиш учун фоятда машҳур хонандага мўлжаллаб, маҳсус қўшиқ матнини ёзди. Хонанда тилидан элга лирик мурожаат тарзида ёзилган шеърга: «Мен сенинг юлдуз қизингман, ҳалқим», деган сарлавҳа қўйилган эди. Уни даставвал бизга ўқиб берди.

– Э, қаламингизга тасанно, шедевр-ку бу! – деди маҳалламизнинг пешқадам шоири Абдуҳамид Парда. – Худо хоҳласа, Юлдузнинг репертуаридан асло тушмайдиган қўшиқ бўлади.

Гарчанд, Парданинг муболагага мойиллиги бизга сир бўлмаса-да, эътироф этиш лозимки, шеър юракдан ёзилган эди. Агар хонанда ҳам уни юракдан қўшиқ қилиб куйласа, ҳалқ қабул қилиши тайин эди. Бундан сўнг турнақатор бўлиб келадиган ютуқларни тасаввур қиласверинг. Албатта, хонанда янги шеърларга буюртма бериш асносида бу шеърнинг қалам ҳақини жўнатади.



Бошқа санъаткорлардан ҳам қўшиқбоп шеърларга бу-
юртмалар ёғилади... Хуллас, шоир акамиз нашриётда
узоқ йиллардан бери навбатда турган, ҳали ёруғлик
кўрмасданоқ бир мучалини ўтказган тўплами нашр
этилиши, шоирлик шуҳрати маҳалламиздан ташқарига
ҳам ёйилиши, турғунликка юз тутган моддий аҳволи
яхшиланиши – барчасини шу қўшиқ ижобий тарзда ҳал
қилишидан умидвор эди.

Шеърни хонандага етказишнинг энг осон йўли то-
пилди. Акамиз хонанданинг концертига тушиб, шеър
кўчирилган қофозни гулдаста орасига жойлаб, ўз қўли билан
тақдим этди. Кейин сабр билан кутди. Хонанданинг
радиодаги чиқишлиарини мунтазам эшитар, лекин ойлар
йтса-да, у интизор кутаётган қўшиқдан дарак йўқ эди.
Хонандага қўнғироқ қилиб сўрашга гурури йўл бермас-
ди. Бизга нолиганда қўлдан келганча тасалли бердик:
«Шеърингизни келаси йил бошидаги янги концерти учун
олиб қўйган бўлса керак. Ҳар бир катта концертида мух-
лислари учун бир неча янги қўшиқ ҳада этиши лозим-ку.
Келаси концерти бошида сизнинг шеърингизни кўйласа
ажаб эмас. Ҳатто юбилей концертини бошлаш учун ҳам
бундан яхшироқ қўшиқ топиш амримаҳол».

Зориқиб кутилган концертга акамиз оиласи билан
биринчи куниёқ тушди. Чипта қимматлиги боис, биз
шеър қўшиқ қилинганига ишонч ҳосил қилгандан сўнг
тушадиган бўлдик. Бироқ эртасига акамизни тушкун
ҳолатда кўрдик. Хонанда унинг шеърини на концерт
бошида ва на охирида куйлади. Биз ҳам таажжублан-
дик. Чунки шеърда ҳеч қандай нуқсон йўқ эди. Унда
қаерда камчиликка йўл қўйилди экан?

– Ўтган йили шеърни хонанданинг ўз қўлига
тутқазганимдингиз? – сўрадим мен.

– Қўлига тутқазганим йўғ-у, гулдаста орасига со-
либ, қўзга ташланадиган қилиб берувдим, – деди ака-
миз.

– Эҳ, ишни хом қилибсиз-ку, – деди жигибийрон
бўлиб Абдуҳамид Парда. – Ахир, у «ичига нима со-
линган» деб барча гулдасталарни бирма-бир титиб
чиқармиди?! Шеърни чиройли хатжилдга солиб, гул-
дастадан алоҳида қўлига бериб: «Юлдузхон, шуни
қўшиқ қилсангиз, маҳсус сиз учун ёзилган», – десангиз
бўларди-ку!

– Ҳа, шундай қилиш керак эди, – дея тасдиқладим
мен ҳам. – У шеърингизни кўрмаган бўлиши мумкин.
Эсиз, бир йил вақт!

– Хайрли ишнинг кечи йўқ. Юлдузнинг концерти ўн
кун давом этади. Яна битта чиптага ва бир гулдастага
түшсангиз нима қипти?! – деди Парда ва ўз тажрибаси
билан ўртоқлашди. – Мен Норали Тўраевга бағишилаб
ёзган достонимни нақ унинг ҳовлисига элтганман. Ўзи
йўқ экан-у, лекин қоровулга: «Ўз қўлига берасиз», – деб
тайинладим. Бунга ҳам уч-тўрт ой бўлди. Негадир, Но-
рали ҳануз қўнғироқ қилмаяпти. Нихоятда банд одам-
да! Ўзим бир ўтиб хабар олишим керак.

Шоир акамиз маслаҳатимизга амал қилди.
«Ийқилган курашга тўймас» деганларидек, қўшиқ мат-
ни билан хонандани ўнгу сўлдан қамал қилишни бош-
лади. Хонанда вилоятларга гастролга чиққанда, ака-
миз қайсиидир вилоятдаги қариндошига «концертига
тушиб, қўлига бергин», деб шеъридан нусха жўнатди.
Қўнғироқ қилиб натижани сўраганида, «ўз қўлим билан
ўз қўлига бердим», – деган ижобий жавобни эшитди.

Шу орада қўшиқ матнини хонандага яна бир бор
етказиш учун зўр имконият пайдо бўлди. Радиодан му-
айян кунда ўша хонанда билан сұхбат бўлиши хабари
берилиб, савол ва хатларингизни кутамиш, дейишиди.
Акамиз шеърга ажойиб бир хат илова қилиб, радиога
ўзи элтиб берди. Эшиттиришни бутун вужуди қулоққа
айланиб тинглади. Сухандон қизга раҳмат! «Сизга хат
йўллаганлар орасида таникли ижодкорлар ҳам бор», –
деб акамизнинг исми шарифини айтибди. Сўнгра: «У
киши сиз қўшиқ қилишингиз учун бир шеър ёзибдилар,
бир бандини ўқиб бераман», – деб чиройли овозда
ўқибди.

– Шеър ёқдими, қўшиқ қиласизми? – деб хонанда-
га мурожаат қилиби.

– Жуда ёқди, шоир акамга раҳмат! – деган жавоби
ни эшитганда акамизнинг кўзидан ёш чиқиб кетиби.
Лекин хонандаси тушмагур шеърни қўшиқ қилиш ёки
қилмаслиги ҳақида тайнли гап айтмабди.

Орадан йил ўтиб, навбатдаги концертда ҳам
биз кутган мўъжиза рўй бермагач, қанчалик ноқулай
бўлмасин, «балки шеър матнини бироз ўзгартириб,
бошқа бирон хонандага бериб кўриш керақдир», – деган
мулоҳаза ҳам айтилди. Бироқ акамиз кескин рад
қилди.

– Йўқ, бу шеър атай унинг ўзи учун ёзилган.
Бошқасига берсам, увол бўлади. Ҳеч ким буни унинг
ўзичалик айттолмайди! Мен ҳали айтмасидан олдинок
бу қўшиқни унинг ижросида эшитдим. (Биз анграй-
иб, акамизга тикилдик). Бир куни денг, эрталаб ҳали
ўрнимда ётганимда шу қўшиқ тарала бошлади. Радио-
данни, телевизорданни – билолмайман. Шунака май-
ин, дилрабо! Хотиним: «Туринг, дадаси, ишга кечика-
сиз», – деб белига тепди қўшиқнинг. Турибоқ: «Нега ра-
диони ўчирдинг, ёқ!» – деб бақирибман. Аттанг, тушим
экан. Бироқ шунчалик аниқ-тиниқ эшитдимки, бастакор
бўлганимда, дарҳол оҳангни нотага туширадим. Ҳай
майли, у катта композиторлар билан ишлайди-ку. Ўша
оҳангни албатта топишади...

Қишлоқдан Тошкентга қайтиб келгач, ёз оқшом-
ларидан бирида дўстим – болалар шоири, шунинг-
дек, катталар учун ҳам ёзадиган Дилшод Ражаб билан
Чилонзор хиёбонларидан бирида сайр қилаётни,
кабобхўрлик қилиш учун очиқ ҳавода – фаввора тег-
расида турган столлардан бири атрофига ўтиридик.
Нарироқдаги столдан қўзгалган жуфтлик Дилшодга
таниш экан. У бориб кўришиди.

– Бу одамни танийсизми? – сўради Дилшод қайтиб
келиб ўтиргач.

– Йўқ, биринчи кўришим, – дедим.

– Қўшиқчи шоир Садафий шу бўлади. Ёнидаги
аёл хотини.

– Э, шундай денг! Нихоят, ҳамқишлоқларимга
шоир Садафийни кўрганман, деб баралла айта ола-
ман. Лекин уни дарвиш қиёфасида тасаввур қилардим.
Бу эса пўрим кийинган викорли бир одам. Ўзи, Сада-
фий тахаллусли шоир биттами?

– Ҳа, шоир Садафий шу. Чинданам бор-йўғи бир
неча йил олдин у ҳақиқий дарвиш эди. Қўшиқчи шоир
сифатида танилгани билан на тайнинли иши, на уй-
жойи бор ва на китоблари чиқкан эди. Хотини туфайли
қаддини тиклаб, дарвишдан бекка айланди.

– Демак, яхши аёлни топиб ўйланибди.



– У аёлни эмас, аёл уни топган. Уларнинг романи менга яхши маълум.

– Унда ҳикоя қилиб беринг. Кабоб еб эшитадиган гўзал қиссага ўхшайди-ку.

– Садафий ҳам бир неча шеъри қўшиқ қилиниб, элга манзур бўлгач, пойтахтга омад излаб келганлардан. Лекин унинг истеъдодига гап йўқ, – дея ҳикоясини бошлади Дилшод. – Мен унинг бир туркум шеърларини ўзим ишлайдиган газетада чоп эттиранман ва шу туфайли яқин таниш бўлиб қолганмиз. Бошидан кечиргандарини ҳам ўзидан эшитганман. Тошкентга келганида турадиган жойи бўлмаган. Истеъдодини қадрлайдиган баъзи артистлар вақтингчалик ўз уйларига рўйхатга кўйиб, муваққат бошпаналар топиб беришган. Садафий қўшиқ қилинган шеърлари эвазига берилган қалам ҳақига тириклик қиласиз, шоир халқи инжиқ, ўз ҳомийлари билан ҳам келишиб яшаши қийин. Садафий ҳам машҳур бир хонанда билан аразлашиб, эшикни қарсллатиб ёпиб, кўчага чиқиб кетган. Ортирганини ича бошлаган. Кўча-кўйда маст-аласт дайдиб юрган. То тақдирида бугун кўрганингиз аёл пайдо бўлгунича, у наинки дарвиш, ҳатто дайди эди.

– Хотини ҳам ўз тарафиданми?

– Йўқ, у фарғоналик. Шуҳрат борасида қўшиқчи шоирлар билан беллашиб бўлмаслигини яхши биласиз. Сиз каби китобхонликка мукласидан кетгандар шоирларни китоблари орқали танийди, асарларига қараб баҳолайди. Лекин ҳозир сиздайлар камайиб кетган. Эл шоирларни аввало қўшиқ қилинган шеърлари орқали танийди ва шунга қараб ардоклади. Шу сабабли Садафийнинг таърифини бу аёл Фарғонада турибоқ эшитган. Тошкентга келиб ишлаб кетган бирон қўшиқсевар мардикор айтганми ёки бошқами, шоирнинг қай ахволга тушиб қолганидан ҳам воқиф бўлган.

Бу аёл адабиётга, ижодкорлар ҳаётига олдиндан қизиқар экан. «Тошкентга бориб, уни излаб топаман, одам қилиб йўлга соламан, истеъдоди хор бўлишига йўл қўймайман!» – дея аҳд қилиб, шу мақсадда пойтахтга йўл олган.

– Алпомиш Барчинни излаб эмас, Барчин чоҳда ётган Алпомишни халос қилиш учун отланибида! Йўлга солиб, одам қиласман деса, водийда шунақаси топилмабдими? Нега энди довон ошиб, айнан Садафийни излаб келиби?

– Бу қўнгил иши-да, aka! Сизнингча бўлса, Барчин ҳам қалмоққа ёки Ултонтозга тегиб кетаверса бўлардиди! Асли шеърият шайдоси бўлган бу аёлни Садафийнинг шеърлари мафтун этган.

Хуллас, аёл Тошкентга келиб, таҳририяту радиодаги ижодкорлардан шоирни сўраб-суриштирган. Билгандар: «Садафийни катта бозорлардаги аравакашлар ё мардикорлар орасидан топасиз», – дейишган. Чунки сўнгги пайтларда шоирнинг ҳаёт тарзи шундек бўлган: у бирон аравакашнинг исмини сўраб, унинг исмига қофия қилиб байтлар айтган. Исми шеърга со-

линганидан хурсанд бўлган аравакашлар қўнгилдан чиқариб, бир оз пул беришган. Кун давомида йиғилган пулга шоир ароқ ичган.


Аёл ҳам уни мардикорларга шеърхонлик қилиб турганида топиб олган ва у билан кўришиш учун олисдан келганини рўйи рост айтган. Ҳайрон қолган Садафий, бафуржа суҳбатлашайлик, дея қаҳвахонага таклиф қиласиз, шундай дилбар аёл атай уни дея узоқ йўл босиб келганидан қаттиқ таъсиirlаниб, ароқ буюрган. Аёлнинг ilk бор шоирни ичкилиқдан қайтариш учун қиласиз ҳаракатлари натижа бермаган. Бу ахволда энди нозик мавзуларда гаплашиш имконсизлиги туфайли, улар эрталаб соат саккизда учрашишга келишишган. Чунки Садафийнинг эрталаб ичиш одати йўқ эди. Аксига олиб, эрталаб мардикорларни мелиса босиб, улар ёнида бўлган Садафийни ҳам «Мен шоирман» деганига қарамай, пойтахтда рўйхатда турган-турмаганликларини текшириш учун таянч пунктига олиб боришган. Бу ерда ҳам у шоирлик даъвосидан воз кечмаган ва: «Фалон ҳалқ артистининг уйида вақтингчалик рўйхатда тураман», – деган. Мелиса бошлиғи ўша мансилга қўнгироқ қиласа, гўшакни хотини кўтарган ва: «Агар қўлида М.С. деган ёзуви бўлса, ўша шоир бизнида туради», – деган. Татуировкани кўрган бошлиқ узр сўраб, уни озод қиласиз. Лекин Садафий: «Мени бу ерга мажбуран олиб келишди. Соат саккизда жуда муҳим учрашувим бор эди. Ундан бир соат ўтиб кетди. Мени машинада олиб бориб қўясизлар!» – деб харҳаша қиласиз. Мелиса бошлиғи ноилож ўз чўнтағидан такси пули берган. Пул кўлга теккач, Садафий кўчага чиқиб, бу воқеа аламидан ароқ ичиб: «Баривир кечикдим, учрашув барбод бўлди. Энди мендан аразлаб, ҳеч қачон келмайди», – деб кўз ёши ҳам қиласиз.

Аёл эса уни эрталабки саккиздан кечки саккизгача кутгани етмагандек, эртасига ҳам излаган. Қайта топгач, ўзи турмуш қуришни таклиф қиласиз. Турмуш қуришгач, Садафийни ичкилиқдан қайтариб, йўлга сола бошлаган. Бу жонфидоликнинг қанчага тушгани бир ўзига, бир Худога аён. Мана, энди уларнинг пойтахтда ўз уйлари бор. Садафийнинг тўпламлари олдинига юлқа, катта китоби эса қалин муқовада нашр этилди. Келаси ҳафта Санъат саройида унинг адабий кечаси ва китобининг тақдимоти бўлар экан.

– Аёл зотига қойил-а! – дедим эшитганларимдан мутаассир бўлиб, – Худо қўнглига соглан эканда. Бўлмаса, олдин кўрмаган-билмаган одамини излаб узоқ йўл босиб, топган заҳоти синамасдан тегиб олиш, сўнгра уни йўлга солиб, дарвишлиқдан беклика кўтариш – ўзи бўладиган иш эмас, албатта.

– Айниқса, Садафийдек инжиқ шоирни эр қилиш осон бўлмаса керак. Бу аёл эса уни ҳам эр, ҳам шер қилди. Мана шу матонати эвазига ўзи ҳам машҳур шоирнинг хотини бўлиб, гул-гул очилиб юрибди, – дея ҳикоясини якунлади Дилшод Ражаб.





Махмуд РАЖАБ

ДАРД МАВСУМИ

Пойлаб турит бўйи бешик бошида,
Бу нотинч дунёнинг шовқини, дарди.
Умр бўйи таъқиб этиб одамни,
Қабр олдигача эргашиб борди.

Билмадик, не сабаб, не гуноҳ учун,
Бир муддат жонимиз солмиши озорга.
Ўн саккиз минг олам ичидан нечун,
Бизни бу дунёга қилмииш бадарга.

Бир кун жонга тегар бу тан – тор қафас,
Кутармиз озодлик ҳақида пайғом.
Умр – дард мавсуми, қутилолсак бас,
Жим-жит қабрларда нақд мангу ором.

НОАНИҚЛИК

Ранглар пинҳон туташди,
Қора эмас, оқ ҳаммас.

Диллар нечук адашиди,
Нопок эмас, пок ҳаммас.

Кўзларимга бу борлиқ,
Бор ҳам эмас, йўқ ҳаммас.

Ярим қолган кўнгиллар,
Оч ҳам эмас, тўйқ ҳаммас.

Қайси йўлга қайрилма,
Боши ҳам йўқ, сўнги йўқ.

Қай тарафдан келсанг ҳам,
Тескариси, ўнги йўқ.



Э воҳ, бугунги кўзлар,
На очиқ, на ёпиқдир.

Бандаларнинг эмгани,
На хом сут, на қатиқдир.

АГАРДА...

Эҳ, нақадар зерикарлидир,
Фақат ҳақиқатга ишонмоқ.
Севаман деб алдагин мени.
Сўнгра эса,
Кучогингеда тутиб қолмасанг,
Ёрилиб ўламан севинчдан.
Оғушингдан жой сўрармишим,
Бу дунёга сиголганимда.


ИЛЛЮЗИЯ

Терак тенасида ўтирган ойни,
Яшириб қўймоқча тондилар имкон.
Ой-ку этак билан ёпилмас, лекин,
Кўзни этак билан ёпмоқ мумкиндир.
Шамол келаётир даргазаб, чунки,
Шамолга тўнкади
Теракни
Кимиrlатиб кетган кимсалар.

ЭЙ ГУЛ

Эй гул, бугун тақдир сўровга тутди,
Сени бирор узиб бирорвга тутди.
Омонат баҳт бериб маст этдилару,
Дўст ниқобин кийган бир ёвга тутди.
Нечун гўзалликнинг қисқа умрини,
Тиканлар ичиди гаровга тутди.
Юзларинг қип-қизил, лов-лов ёнадир,
Ким сенинг юзингни оловга тутди.
Хазонга етишимоқ баҳтига етмай,
Баҳор айёмида қировга тутди.





Ўктам МИРЗО ЁРИЙ

¥ È é Ë À

ТУЛКИЛАР ЎҚИМАСИН

Мехриддин полвон катақ қурди. Ҳафта ўтиб бозордан бешта товуқ сотиб олди. Катта ҳовлида товуқлар яйраб қолди. Мехриддин полвоннинг дас—турхонига барака кирди. Ҳар куни уч-түртта тухум дегандай...

Хонадонда қари кўплак Чўммоқнинг ташвиши кўпайганини айтмаса, ҳамма иш жойида эди. Чўммоқ ҳовли атрофида бошланган гимирғимирилардан хавфсираб кечалари безовта бўлиб чиқар, катақ атрофида ўралашиб қолганларни пойлаб, тонг оттиради. Бир неча бор бир тулкини тутиб олишига сал қолди. Аммо қарилек сабаб, уддасидан чиқолмади. Буни ўзи ҳам сезди. Шунинг учун тулкининг шарпаси сезилди дегунча, хуришга зўр берар, зўриққанидан орқаси оғриб кетарди.

Кўпракнинг безовталиги хонадон соҳибига ҳам ўтди. Ярим тунда уйкуси учиб, ҳовли айланадиган бўлди. Ёнига эгаси қўшилгач, кўпрак хотиржам тортди.

Қўза кунда эмас, кунидаги синар экан. Бир куни тулки хонадон соҳибини ҳам, қари кўпракни ҳам доғда қолдириб, катакдаги куланғирлардан бирини бўғизлаб судраб чиқди. Аммо емади, пойлаб келиб, уйқу элитган кўпракнинг олдига ташлади.

Ўзи эса лип этиб панага ўтди. Шарпадан чўчиған Чўммоқ зўр бериб, ҳар томонга қараб хура бошлади. Ўзига келгач, бир қадам нарида ётган товуқни кўрди. Бориб ҳидлади. Кечикканидан афсусланиб ғингшиворди. Шовқинни эшитган Мехриддин полвон уйидан шошиб чиқиб, ўлакса товуқни ҳидлаб турган кўпракни кўриб жон-пони чиқиб кетди.

“Ҳали шу ярамасга ишониб юрибманми”, дедиую эшик ёнида турган калтакни ола солиб, бўғизланган товуқ ёнида турган кўплагини савалай кетди. Устма-уст тушаётган зарбга чидай олмаган Чўммоқ ғингшиганича қийшанглаб, зўрга қочиб қутулди. Ўзини ўнглаёлмай, икки-уч кун хашаклар орасида ётиб юрди. Аҳён-аҳёнда оғриқ зўриданми ё тулкининг

ҳийласига чув тушганига алам қилибми, ув тортиб юборарди.

Тулки барибир тулкилигини қилди.

Буорадабемалол келиб товуқларнинг қолганини ўмарид кетди.

Мехриддин полвон одам бўлса ҳам бу синоатга тушунмади. Чўммоқ эса бир қулоч тили бўлатуриб, тушунтира олмаганидан пушаймон, “ув” тортиб кўярди. Бўлган воқеа шу!

Расмни Жаҳонгир МИРЗО чизган.

